

FOURTH SITTING ON FRIDAY, THE 19TH JAN., 2001.

P R E S E N T

PU R.LALAWIA, Speaker at the Chair, Chief Minister, Deputy Speaker, 14 Ministers and 23 Members were present.

Q U E S T I O N S

QUESTIONS entered in a separate list to be asked and oral answers given.

P R I V A T E M E M B E R S ' B U S I N E S S

\*Resolutions.

S P E A K E R : Lalpa chuan heti hian a ti,  
"Dik takin ro rel ula, fel  
takin ti rawh u; ka chhandamna  
chu a lo thleng dawnin, ka  
felna chu a lo lang dawn ta  
si a.

Isaia 56:1

Kan business ah kan kal nghal anga, question kan la ang.  
Pu Lalrinzuala, Starred Question 41-na zawt turin ilo  
sawm ang.

PU LALRINZUALA : Pu Speaker, ka Starred Ques-  
tion No. 41-na Social Welfare  
Department Minister chhan atan -  
(a) Mizoram Sorkarin mi chanhai te enkawlina hmun Home  
hrang hrangte tanpuina a pe thin em \$  
(b) A pe thin anih chuan kum ralta kum 2000 calendar year  
chhung khan engzat te nge a pek hlawn ? tih kha ani e.

S P E A K E R : Chhang turin Pu Tlanghmingthanga, Minister i/c Social Welfare i lo sawm ang.

PU R. TLANGHMINGTHANGA: Pu Speaker, member zahawm  
MINISTER tak Pu Lalrinzuala zawhna  
chhanna -

(a) Mizoram Sorkarin mi chanhaite enkawlina hmun Home hrang hrang Private Undertaking te chauh te tanpui-na a pe thin em tih chhanna chu :-

"Pe thin e".

(b) A pe thin anih chuan kum ralta 2000 A.D. chhung khan engzat nge a pek hlawm ? tih chhanna chu :-

"Kum 2000 chhung khan Home hrang hrang hnenah Rs.1,28,250.00 tanpuina pek a ni.

PULLALBINZUALA Pu Speaker, ka zawhna (b)-na kha engzat nge a pek hlawm ? a break-up kha ? Home hrang hrang hnenah khatiang khan. a hlawm chuan pek thin a ni a. A pek hlawm tih ang khan min chhang thei angem ? A hrang hrang hnenah khan.

S P E A K E R : Minister in han chhang se.

PU R. TLANGHMINGTHANGA: Pu Speaker, a chhanna chu  
MINISTER hetiang hi a ni e:-

1. Calvary Hospital TNT Zuangtui	Rs. 3,15,000/-
2. Hermon Children Home	Rs. 1,44,000/-
3. Hlimna In, Keifang (S.A.)	Rs. 1,01,250/-
4. Motherless Baby Home Tuikual	Rs. 67,500/-
5. Muanna In Boys Home, Mualpui	Rs. 61,875/-
6. Kawlkhuma's Children Home, Lunglei.	Rs. 61,875/-
7. Kolasib Childrens' Home	Rs. 61,875/-
8. Baptist Church Orphanage Home, Serkawn.	Rs. 51,750/-
9. Enna In, Kolasib(S.A.)	Rs. 50,625/-

10. Synod Hmangaihna In.	Rs. 38,250/-
11. Motherless Baby Home.	Rs. 27,000/-
12. Orphanage Home, Saiha.	Rs. 20,250/-
13. Motherless Baby Home, Khatla.	Rs. 10,350/-
14. Lai Ram Baby Home, Lawngtlai.	Rs. 13,500/-

PU R. LALZIRLIANA : Pu Speaker, Old Aged Pension Central atangin sum engemaw zat hmuh belh niin ka lo hria a. Khami kha engvanga tih chhuak thei lawk lo nge sum leh pai harsatna vang em ni ? 25% vel lo meet na tur kha a harsa nge ni ?

S P E A K E R : A question kha a relevant vak lova, kha kha Minister khan a chhan theih tho chuan chhang la, i chhan loh pawhin .

PU J. LALTHANGLIANA : Pu Speaker, Faith Home Chhing-chhip ah hian engzat nge in pek ? Pek ani lawm ni ? tih kan zawt e.

PU R. TLANGHMINGTHANGA. MINISTER : Pu Speaker, tuna a zawhna ah kha chuan kan pek ang thin a kha chu pek ani lova, mahse kum kalta ah khan hemi free mess an tih atang hian pek an ni a, midang pakua zingah a tel ve a ni. Chu chu a zawhna anih loh avangin ka rawn chhang lo a ni. Tin, Old Age Pension chungchang kha tunah hian chhan kan duh em ka hre lova, unstarred question no. 61 ah khan detail in chhanna a awm a, kha kha chhiar chhuah kher a tul lovem ? Chhiar chhuah chuan hun ala deuh anga. Khalai unstarred no. 61 kha kan neih theuh kha i ring mai ang hmiang.

S P E A K E R : Starred question no. 42-na zawt turin Col. Lalchungnunga Sailo i lo sawm ang.

COL.LALCHUNGNUNGA SAILO: Pu Speaker, starred question no. 42-na Minister zahawm tak in-charge DP & AR chhan atan 1) Sorkar hnathawk ni 1.1.1996 hmalam a pension tawhte Pay Arrear pek an ni tawh em ? 2) La pek loh nise, engvanga pek loh nge ni ? 3). Sorkar hnathawk-te hlawh arrear 3% ni 1.7.2000 atanga hmuh tur hi sorkar in GPF ah dah sak tumna a nei em ? 4). Dearness Relief Pensioners te tana 3% hi pek an ni tawh em ?

PU TAWNLUIA : Pu Speaker, kan member zahawm MINISTER tak zawhna hi uluk taka han chhiar hian, zawhna chhanna uluk a ngai ang bawkin a siam-tu pawh hian uluk a ngai klein ka hria. A zawhna (a) na Sorkar hnathawk hlawh 1.1.1996 hmalam a pension te tana arrear pek an ni tawh em ? tih hi - Pension tan hian pay arrear pek ani ngai lo hrim hrim a, chuvangin pek an nilo tih kha chhanna a ni.

Tin, la pek loh nise engvanga pek loh nge ni ? tih chu ka chhanna khan a keng tel nghal main ka hria. Pension arrear erawh hi chu pek thin a ni a. Helai hian T.A. Arrear pension tawh tan chuan pek ngai loh a ni. (c) na - Sorkar hnathawk te hlawh arrear 3% 1.7.2000 atanga hmuh tur hi Sorkarin GPF a dah sak tumna a awm em ? Sorkar hnathawk 3% tih ringawt hi a awm hran lova, D.A. 3% turan pawmsak ta ila. Tichuan D.A. arrear hi 1.7.2000 atanga pek an ni a, Group 'D' hi chu a pawisa faian kum 2000 December thla thleng khan pek tura tih a ni a. Group 'C', 'B', 'A' GPF Account a dah tura tih a ni. He order hi kum 2000 December ni 19 ah khan chhuah tawh a ni e.

Tin, (d) na - D.A. pension te tana 3% anni tawh em ? tih hi a chhanna chu - pek turin kum 2001 January ni 12 khan order chhuah tawh a ni e.

COL.LALCHUNGNUNGA SAILO: Pu Speaker, zawh belhna - helai GPF Group 'D' te tana dah chu a tha hle a, midang tana dah loh a hi midang te tana pek loh a hi helai hi kan finance position a tha tawh anga sawina te a awm avangin helai 3% chauh thil a ni bawka. Helai hi engtizia nge sorkarin tun thlenga a la pek loh theih loh, arrear reng reng a hi sorkar hnathawk ten harsatna avanga tihpun a ni tih an nre vek a. Chumi chu engati nge GPF ah hian an dah zel thin, kan pawisa dinhmun te a tha tawh anih si chuan a pe thei lawm ni ? tih ka rawn zawt leh e.

S P E A K E R : Chhang turin Minister in-charge  
i sawm leh ang.

PU TAWNLUIA  
MINISTER : Pu Speaker, he zawhna hi dik  
tak chuan Finance Department  
chan atanga chhan tur niawm  
tak a ni a. DP & AR ah a  
lo kal, kan han chhan chin kha kan han in ralrin na atanga  
kan chhan dan leh a dinhmun dik tak a nia a chiang thaw-  
khatin ka ring a. GPF a hemi 3% lak tur sorkar hnathawk  
te dah hi anmahni sorkar hnathawkte hamthatna leh sorkar  
tan pawha thatna tur ngaihtuah kawpin sorkarin tun din-  
hmun ah hian hetiang hian ruahmanna a siam a ni e.

PU P.B.ROSANGA : Pu Speaker, Group A,B,C te  
arrear GPF a dah sak an nih  
hian anmahni duhthlanna a  
dah sak nge, sorkarin a tih-  
luh, a impose sak ? tih kan zawt e.

PJ TAWNLUIA  
MINISTER : Pu Speaker, hei hi anmahni  
federation te nen pawha ngaih-  
dan in hre pawh tawn a rem-  
sianna a ni e, Pu Speaker.

S P E A K E R : Starred question no. 43-ah  
kan kal leh anga, zawt  
turin Pu C.Thanghluna i lo  
sawm ang.

PU C.THANGLUNA : Pu Speaker, ka starred ques-  
tion no. 43 na - Minister  
DP & AR Minister chhan atan -  
(a) Mizoram Sorkara Officer pension hun tawh avanga pension  
ta te re-employed ni leh ta zel hi engnge a chhan ?  
(b) An pension san tak an hna kha thawk thei mithiam kan  
neih loh vang em ni ?

S P E A K E R : Chhang turin Pu Tawnluia, DP & AR Minister i lo sawm leh ang.

PU TAWNLUIA MINISTER : Pu Speaker, kan member zahawm takin-a a zawhna (a) na chhanna kha, chhan tha tawk a awm thin avangin Sorkar hnathawk Officer pension tawhte re-employed leh an awm thin. (b) na chhanna chu - Ni love, mi thenkhat pension avanga post ruak ten dan anga fill up nghal theih loh vang te a ni deuh ber.

PU C. THANGLUNA : Pu Speaker, zawh belhna - ka hriat dan chuan Mizoram Sorkar hnuaia hnathawktute Technical Department te leh Education Department te hi kum 60 ah an pension niin ka hria a. A dang zawng zawng hi State sorkar hnuaia hnathawkte hi kum 58 ah an pension niin ka hre bawk a. Chu chu a dik anih chuan pension hun hi rual tlanga kum 60 theuh a siam mai kha harsatna a awm em ni? Hetianga siamrual mai kha a tha lo maw? tih kha ka han zawt belh teh ang.

PU H. LALTANPUIA : Pu Speaker, zawh belhna - Kan sorkar hnathawk pension te re-employed leh tam tak an awm niin kan lo hria a. A bik takin Lunglei DIET Principal saw ka hriat dan a sual loh chuan vawi 4 extension term a ti tawh. Chu chu December 1999 leh March thla khan thla 4 atan, April-September, 2000 thla ruk atan. October - December, 2000 thla 3 atan. Tunah hian January - June, 2001 thleng hi proposal kal leh mek niin kan lo hria a, an tifel tawh ni pawhin kan hria a. Hetiang em em a extension tih zin mai hi mi pakhat chungah hian, DIET Administration pawhin a tuar niin kan hria a. Chuvang chuan mimal chungah hetiang em em hian extension siam bik hi engnge ni thil awnzia, nepotism hi a awm em ni? tih hi rilruah a awm hial a ni. Chuvangin hei hi kan Minister zahawm tak hian engnge a chhan leh a vang hetiang em ema extension vawi 4 lai mai an siam tak bik mai tih kha ka han zawt duh a.

Tin, chutih rual chuan ka han zawn leh duh chu DIET ah bawk khan. Mi 4 senior post ah Lunglei DIET a thawk turin appointment promotion pek anni a. Pali zinga pakhat chiahin Lunglei DIET a thawk tur chuan hna a zawn duh a. A dang pathum in vawiinni thleng hian an zawn duh lova. Kan hriatdan a sual loh chuan Aizawl DIET ah an thawh tir leh niawm tak a ni a. Hei hi Lunglei DIET Institution sawn nasa takin a tawrh phah em em a ni. Hei hi sorkarin engtin nge a tih dawn ? tih kha ka han zawn duh bawk a ni e.

PU LALRINZUALA : Pu Speaker, kha kan han ngaih-thlak khan a then kha re-employed an ni thin tih kha zhu kan han hria a. A then kha a ni bawk silova. Engngeni helaiiah hian a criteria a bukna, a chhan ? A then kha chhawr zui tlak loh an ni ta nge ni a, a then hi an tha fal ? Engnge ni a then tih an nih a a then tih loh an nihna chhan hi ? Kha special takte pawh an awm niawm a ni a, vawi 4 lai mai han extent te. A then tam tak pawh extent an awm a, a then te erawh hi chu an thlawn nawlh mai si a. Engngeni hei hi a chhan a tehfung mi hrih thei em ? tih ka han zawn a ni.

PU NIRUPAM CHAKMA : Pu Speaker, Supplementary Question - Tun sorkarah hian Officer engzat nge re-employed awm ? tih kha ka han zawn duh a. Tin, Chawngte lamah khan Soil te, Sub-Divisional Industry Office, Vety, Agriculture Office hrang hrangah sorkar hna-thawk kan hmuh loh hi engvang nge ? Pension tawh vang em ni ? Tamah hmuh tur awm lo hi sorkarin a hria em ? A re-employed dawn em ? tih kha ka'n zawn duh a ni.

PU K.L.LIANCHIA : Pu Speaker, zawn belhna pakhat lek, kan Minister zahawm tak khan a chhanna ah khan heng re-employed te hi. chhan tha tawh avanga rawih leh an ni e, a ti a. Buarpuis bialtuin a zawn ang deuhhlekkhanin engnge ni a chhan tha tawh, a criteria tiin a zawn a. Kei chuan heta kan Minister in chhan tha tawh a tih hi kan sum harsatna a Central Sorkar kan zuk dawrna ah MOU an signed ah khan hetiang a an signed ah khan re-employed hi sum leh pai renchemna

ah a tha zawk a. Hei hi practice nise tih ang kha a tel a. Kha kha em ni a chhan tha tawk chu. MOU a an zuk signed hnan tawh kha em ni a chhan tha tawk tih kha ka'n zawhbelh duh a ni.

S P E A K E R : Chhang turin Pu Tawnluia,  
Minister in-charge i sawm  
leh ang.

PU TAWNLUIA : Pu Speaker, Khawhai biel MLA  
MINISTER zahawm takin 'a chhan tha tawk'  
tih sawfiah tura min han ngen  
rual a, MOU a han tarlan kha

re-employed emaw, extention emaw ngaihtuah a nih hian,  
sorkarin MOU tura a han tarlan ang kha a ngaihtuah na ah  
a ngaihtuah tel ngai lo reng reng tih kha ka chhanna ni  
sela.

Tin, Central Sorkar Govt. of  
India atang lian standing order guideline, heng sorkar  
hnathawk lo pension tate mamawhna avang emaw tulna avang  
emaw a rawih lehna tur hi a siam a. Guideline fel tak  
standing order tih mai chu a awm a, chumi zulzui chuan  
sorkar hian kan Officer te emaw Officer lo te emaw pawh  
an lo pension hnua rawih leh tul emaw, mamawhna sorkarin  
a neih dan te chu chhut a ni thin a ni. Guideline atang  
chuan dan ang takin tih a ni thin a. Tichuan, Sorkar  
Officer lian te an lo pension hian an hmun a lo ruak ta a.  
An hmun ruakah khan dan ang thlap a han hlan kai mai tur a te  
te an lo hmin tawk lo thin a, junior lutuk avangin khami  
hmun luh tur khan remchang a awm mai thin si lova. Chungah  
te chuan kan ngaihtuahna a kal pakhat thin a.

Tin, an service record pumpui  
a fel bik leh chhuanawm bikte hi chu an awm ve bawk a ni.  
Chutiang ang mite chu sorkarin anmahni mamawhna avangin  
re-employ emaw a ti thin a ni a.

Tin, Lunglei DIET Principal  
chungchang zawhna ah pawh khan job requirement/functional  
requirement kan ti a. Chutiang angah chuan mamawhna tak  
tak kha a awm thin a. Chungte avang chuan sorkar hnathawk  
te hi an lo pension hian lo re-employ emaw extend emaw an  
ni thin a ni. Tichuan a criteria chungchang te, kan teh-  
fung tlangpui a chu khalaiah khan a chiang tawhin ka ring a.



Tin, hemi re-employed engzat... nge, tih a hi kan sorkar chinah mi 23 re-employed an ni... tawh a. Tunah hian mi 4 te chu an service ala kal meka... a ni. Han chhiar chhuak dawn ila Pu Speaker, a sei deuh a, duh chuan a list pawh ka nei mai a, kha kha kan sorkar hunchhungah kan tih meka chu a ni a. Tin, hei kum 60 a sorkar hnathawk pension na tur tihsan i ti mai ang, tunah kum 58 a ni a. Hemi chungchang hi kan sorkarin Cabinet ah pawh a ngaihtuah a, mahse tun kan dinhmunah chuan a ngai hian i kal rih ang tih kha kan sorkarin thain a hre rih a ni.

Tin, Lunglei DIET Principal chungchang bikah khan repotism a awm awzawng lova, helai-ah hian kan Education Minister in Pu Speaker, i phalna in rawn sawifiah se zawhna a awm bawka a. Hei hi kum 4 dawn lai extend a ni a, khalai kha chu chiang zawkin kan hriat theih ka beisei.

S P E A K E R : Lo ngawi rawh u, pension chungchang thu an zawt a, a main question in kha kha a covered lova. Chuvangin, an sawilan duh apiang hi chhan tur ani chuang lo. Eng-pawhnise, hei hi a chhang turin a question ina a rawn pek nilovin a midang hi kan in chhan kual tir zel chuan tunhnu atan a tha lovang. Hei hi chu ka remti lo, hun dangah kan la sawifiah mai ang.

PU F. MALSAWMA : Pu Speaker, a chhan tha tawka MINISTER : ani tih erawhchu kan hriat a tha, House-ah hian thil a fiah loh palh hlauhthaw. thil a ni a. A chhan tha tawka a awm ani tih erawhchu hriat a tul a ni. Midang an awm loh vangin dah tur anu awm lova, R.E., R.R. atanga dah tur an awm ngang loh vang a ni tih kha min hriat sak dawn nia.

Engtingge kum 60 leh kum 58 tih kha teaching ah hian kum 60 a nia, teaching lovah hian kum 58 anih laia kha, kan Minister zahawm tak khan a rawn sawi tel loh ho laia an zawhna kha a hrut rual theih em? Khatiang kha Central lam atanga a norm kal a ni tih kha hriat atan a thain ka hria.

PU C. THANGHLUNA : Pu Speaker, zawhna pakhat kha a chhang chiang lo deuhin ka hria. Department thenkhat Technical leh Education ah te kum 60 ah pension ni a hriat a ni a, a thenah khan kum 5? ah ani bawk si a. Hrut rual theih dan a awm em ? tih lai tak kha.

PU TAWNLUIA : Hei hi chu kalphung ani a, MINISTER a dangah chuan a awm love.

S P E A K E R : Starred question no. 44 na zawt turin Pu Lalrinzuala leh Pu J. Lalthangliana zawhna ani a. Hei hi a tuxzawkin emaw han zawt sela, a tha awm e.

PU J. LALTHANGLIANA : Pu Speaker, a upa zawk hian ka han zawt ange. Starred question no. 44-na hi Sports & Youth Services Minister in-charge chhan atan ka han zawt anga, kan zawhna te chu -

- (a) Mizoram sorkarin sports materials chi hrang hrang 1999 ah engzat man nge a sem ?
- (b) Kum 2000 ah engzat man nge a sem ?
- (c) Sports goods 25% subsidy a pek thin kha engvanga tawp ta nge a nih ? tih a ni e.

S P E A K E R : Chhang turin Pu B. Lalthlengliana Minister in-charge Sports & Youth Services Department i lo sawm ang.

PU B. LALTHLENGLIANA : Pu Speaker, kan member MINISTER zahawm tak pahnih Pu Lalrinzuala leh Pu J. Lalthangliana te zawhna kha

a chhanna chu hei hi a ni :-

- (a) Rs. 23.14 lakhs kum 1999-ah a ni a.
- (b) Rs. 25.15 lakhs kum 2000-ah a ni leh a.
- (c) Hei hi 25% hi subsidy a nilova, a subsidioe na chu 75% zawk a ni a, hemi kan tihtawp rih lailawkna chhan chu cheng nuai 25.15 a kan lei sa kan sem zawh tawh avangin pawisa a bak kan neih rih loh avangin kan titawp lailawk rih a ni.

PU LALRINZUALA

: Pu Speaker, kha kum hmasa 1999 ai chuan 2000 ah chuan sum kha a tam zawkin a lang a. Amaherawhchu, min lo

hriattirna kan dawn kha a hma riau mai a, nikumah khan a awm lo tih kha. A kum hmasa lam kha chuan kumtluanin a awm a. Helai hi a awm lo ta mai a, an sem chak deuh pawh a ni anga. Engpawhnisela, Governor Address kan han ngaihthlak ah pawh khan kan thalai te'n nasa takin ram tan hna, ram tih hmingthatna tura an thawhchhuah te kan ngaithla a. Khatianga kan thalai te enkawl chhoh a tih-that mek kan tum thu te min hrih reng lai khan, tunah a awm tawh loh thu min hrih kha thlahhahh kalta lam tawh kha a ni a. Vawinah January ah kan la awm a, February, March kan la nei a, hemi chhung zawng zawng hi a awm lo dawn ta em ni? A awm loh chhung hian kan thalai te hi engtingge enkawl kan tum? Tikhan an inthlahdah mai mai dawn em ni? Engtingge kan tih ang pawisa awm ta lo a chu? Pek belh tum dan te hi a awm thei ang em? A chhan chu, thalai infiam lo thei lo te an ni a, infiam tur pawn kan duh a, kan ramah drug avanga thihna a nasa em em a, kan Sports Minister in chung chhanchhuahna tur chuan a pawimawh a ni a ti tawk tawk thin si a. A awm tawh si lo anih chuan a chhanchhuahna tur lama kha ngaihthuah sak theih dan a awm ang em? tih a kha ka'n zawt a ni.

PU R.LALZIRLIANA

: Pu Speaker, December 2000 ah khan District Football Sports te Aizawl ah khan kan nei a. Helalah hianin

pawisa an nei lova, sorkar lamin kan tanpui thei lo a. Tin, ka bialah October thla khan Zonal Sports kan nei a, thildang infiamna chi hrang hrang te. Hetah pawh hian sorkar hriatpuaia Football Zone a mite din ani a, chutah chuan football pakhat pawh sorkar hian min pe thei lo a ni a. Helai House ah hian MLA zawng zawng, a Minister te pawh an ni tho mai, kan thalai te ram nghahfak te an intuaitharna tur atana Department awm ah

hian sum dah tam nise tih kan sawi thin a. Vawiinni thiengin hei hi kan ni a, ka han zawhna taka chu Zoram pumpui thalaite tana thawktu Sports Department ah hian, engvanga pawisa hi dah tam thei lo nge kan nih ? tih kha ka han zawt a ni.

S P E A K E R : Chhang turin Minister in-charge i lo sawm ang.

PU B. LALTHLENGLIANA : Pu Speaker, an zawhna kha a  
MINISTER sum kha a dah tu ka ni si-  
lova. Khalai kha chu

Pu Speaker, kan member te zawhna kha a changtu nih pawh minrawn dil thin a, a awm loh na na na chuan a pek theih silova. A changtu tan pawh hrehawm chang a tam em em a. Keipawh ka bialah pakhatmah sem thei lovin ka awm ve thova. Kan dinhmun hi a inangtlang vek a, chulaiah chuan nikuma kan sem rei na kha chu nuai sawmnhniphathum singkhat sangli a kan lei kha kan stock a. Chu chu kan han sem ta ngar ngar a, MLA leh Minister te mai hilo sikul leh college a mite, Mizoram ah hian khaw za sarih chuang kan awm a, chung khaw hrang hrang atang chuan Club leh Games & Sports engemaw zat an awm a, chung chuan an han dil bawka, kan pe zel bawka. Chumi kan stock a zawh hnuah chuan indent in engemaw zat kan pe leh a, chumi indent a kan pek leh tunhma deuh atanga liabilities tlingkhawm a kha a sang ta lutuk a. Kumin chho ah pawh kan pawisa hi hmang zo lovin, liabilities hmang ang tiin hma kan han la chho a. Chumi avang chuan kumina kan leina hi sang deuh mah-sela liabilities kan clear na nen, indent a kan kal ngam tawh loh avangin kumdang aiin kan sem hunchhung a rei thei ta lo a ni. Kan sem theih tawh loh thu MLA tin hnenah ni 13.11.2000 khan kan rawn hriattir che u ani a. Chumi hnuah pawh chuan harsa zual leh pawimawh bik nia kan hriat hi chu indent a han tihchhuah zauh chu kan neih ka ring a.

Keipawhin han phal zawk chang ka nei a, kan dinhmun chu ani a. Sum hi material leina ah hi chuan kan sorkar in min pe tlem pawh ani lem lo, hetiang Mizoram hmun hrang hranga Sports lam kan uar chhoh tak zel avangin, demand a lo sang deuh a, chulai ah chuan kum dang aiin kan indaih lohna a zual deuh mai aiin a lang.

S P E A K E R : Khalai thu ah khan Minister tana chhan har deuh a awm a. A figure hi chu Minister tana chhan a har deuh chuan a duh phawt chuan sawifiah kha kan remti a ni. Minister dangin a sawifiah sak kha ka remti lo mai a ni. House Leader thu nisela.

PU P.B.ROSANGA : Pu Speaker, Minister zahawm tak chhanna ah khan sum an neih loh vanga ti thei lo niin a sawi a. Tunah hei khua a thal a, demand a nasa a, Sports an ti tan chauh mai a, MLA zawng zawng Sports material dilna kan dawng theuhin ka ring a. Additional Fund hi Finance hian an pe thei hram lawm ni ?

S P E A K E R : House Leader kha chu khatiang ang fiah tawk lo a kan ngaih deuhna laiah chuan a tan chuan thiang vek a ni. Mahse Minister dang in a sawifiahpui kha ka ti lo a, in lo hriat-thiam ka ring a.

PU J.LALTHANGLIANA : Pu Speaker, Fund hi Sports & Youth Services Minister hian Finance ah hian a dil thin a. Vawiin thlang hian a hlawhchham thin nge, a dil ngai lo ? tih kha kan zawt anih chu.

PU ZORAMTHANGA : Pu Speaker, a dilna kha ka CHIEF MINISTER hre tel thova, chuangin kha kha chu ka chhan kep thei thova. Speaker ina khatia hun min pek takah chuan. Kan Sports Minister pawh khan hei nikum lam ai chuan a pawisa dah pawh kha a tam a. Mahsela a ba a indent tih a kha thain an hre lova. A hma a bat lo tlingkhawm tam tawh te ruh nan an hman bawk avangin an duh angin a daih theih loh ani tih

a sawi kha kan hriat ka ring a. Chutilo chu hemi ngau ngau hian lei sela chu tam tak a daih anga. Nikum lam ai pawhin a pawisa a tam zawk a ni tih hetah hian a tarlang a, mahse ba awm a te hi clear phawt loh chuan kan ba rei lutuk ang e tiin an Department pawhin clear nan an lo hman ve baw avangin sanction kha nikum lam aiin tam zawk mahsela, ba reng a awm ai chuan an duh a. Chu chuan a ti tlem ta a ni e tih kha min hrih a.

Tin, Fund chungchang thua chuan engngeni a chhan ber tih kha, kan Plan Fund te, Non-Plan te pawh a tlem lam aiin a pung lam an pan zel a, India ram pumpuih ram thanchhoh danah. Nimahsela, kan hlawh pung hi vawilekhatah a san chak em avangin, Mizoram State leh State dangte pawhin thildang a hman tur hi kan nei tlem a ni tih a bul-ber chu a ni mai a. Entirnan - kumina a punna ringawt pawh kha vaibelchhe 250 vel emaw ani tawh a. Tunhma kum 2/3 a kan Plan pumpui zat kha hlawah a punna additional a han kal tawh chuan a dangah hian Non-Plan ah emaw thildanga kan hman tur chu a harsa em em tawh a. A chhan bulpui ber chu hei hi ani mai a. Chuti- lovin, kumina a punna vaibelchhe 250 kha Department ah pung lovin sem ta ila chuan nasa takin kan thatpui vek ang. A bulpui ber chu hei vek hi a ni. Keini pawh kan let tho a, Pension nen, MLA, sorkar hnathawk nen kan vaiin kan pun tak hlamm avang hian kan Plan kumkhat hman zah.....  
(PU ZAKHU HLYCHHO : Non-Plan a hman vak hi Planning Commission hian a phal lova, 20% bak a phal ngai lova. Khatiang khan a hman theih vek em ni ?)

E. Pu Speaker, hlawh pun chinah chuan 20% ringawt kha chuan engtikawng mahin tu State hlawh mah hian a daih lo. Fifth Pay Commission ina kan Implement chinah chuan hlawh pangngai kha a then chu 100% in a pung a, a then 80%, a then 60% in, 20% lehlam ami va lak knan daih ngaihna a awm lo reng reng. Chuwang- in State thenkhat phei chuan Plan hrim hrim hi Plan Holiday kan puang dawn, Plan kan ti thei lo reng reng. Hlawh pek leh Non-Plan ringawtin kan kal dawn, tiin Nagaland te pawhin an ti a. Plan Holiday in puan chuan Plan kan pe lovang che u, an ti a. Ahmingin tlem chu Development Fund chu i kalpui ve ang u an ti chauh a ni. Chuti khawp- chu an nih avangin keini pawhin pek tam kan duh ang huin kan pe tam thei lo a ni.

S P E A K E R : Starred Question No. 45-na zawt turin Pu R.Lalzirliana i lo sawm ang.

PU R. LALZIRLIANA : Pu Speaker, Education Minister zahawm tak chhan atan Starred Question 45-na - Sorkar hian Primary School naupang chhun chaw tur a pe zel dawn em ? tih ka zawt e.

S P E A K E R : Chhang turin Pu F.Malsawma Education Minister i lo sawm ang.

PU F.MALSAWMA MINISTER : Pu Speaker, sorkar hian Primary School naupang chhun chaw tur a pe zel dawn em ? tih chhanna chu - School naupang chhun chaw pek hi Central sorkar Scheme ani a. Central in an pek zel dawn leh dawn loh State sorkarin a hriatpui mai rih lova, thudang a awm leh anih loh chuan pek chhonzawm zel tura ngaih a ni.

PU R.LALZIRLIANA : Pu Speaker, Central lam tih ani a. A rawn chhonzawm zel dawn a nih pawhin buhfai chhe deuh deuh hi Central chuan pek tur a tih ka ring lova, chuvangin chhonzawm anih pawhin buhfai kan neih tha ang hi lo pe turin thupek a siam theih angem Supply Department lamah hian ? tih a ni e.

Tin, pahnihna ah chuan a relevant lo lovin ka ring a, a chaw leina tur tho kha a ni a. Pu Speaker, Non-Graduate Pay Condolation chungchangah hian ni 25 5.1999 tawh khan kan Chief Minister zahawm tak hian Vanapa Hall ah remtihna Non-Graduate Pay Condolation kha "remtihna ka sign fel tawh e", a ti a. Zirtirtute an lawm a, kut an beng nasa hle ani tih kan hria a. Amah-erawhchu, wawiinni thleng hian an la enjoy thei ta lova, hei hi engnge ni a chhan tih kha ka han zawt duh a.

S P E A K E R : A relevant question kha zawt teh u aw. Helamah pawh Education Minister is thildang a sawifiah tur ka phal loh

ang bawk khan a relevant lo lutuk kha chu a chhan pawh a ngaiin ka hre lo. Thildang daih kan sawikai zel dawn chuan a dik loyang. (PU R.Lalzirliana a lo tawng a). Ni love, School a chhun chaw chungchang kha zawt rawh u. Kan duh duh a kan kaihkual mai mai chuan House zahawmna kan tibo ang.

PU R.LALZIRLIANA : Pu Speaker, kha kha chu Minister dang a va sawipui ve kha a ni a. Pu Speaker, chaw leina ang tho kha a ni a. Pu Speaker, a relevant lo han tih hian a changtupa hian engkim a hre thova, khawngaih takin heng hi chu min han zawh belh tir phal mai langin a thain ka ring a. Engemaw Department dang thil kan va zawt anih loh chuan an Department hi chu an familiar em em a ni. Kan Minis- te hian chuvangin a relevant a ni. Chhan theih loh tur kha zawh vak ka tum hauh lo a nia.

Tichuan Pu Speaker, a pa- thumna ah chuan Selection Grade chungchangah hian Selec- tion Grade ( SPEAKER : Ngawi rawh u, Primary School chung- chang kha zawt teh u) Primary vek ala ni. Primary leh Middle, khalai chho kha. Khami chungchanga a leina tur vek kha ala ni, Selection Grade tihte pawh hi. Hei hi Primary bik a ni lohngal a, hei chauh hi chu kan zawt leh hram ange. 1986 January thla khan Primary zirtirtute hi kum 18 service chin chu Selection Grade a hlankai turin order a awm tawh a. Hemi hi Middle te hian an enjoy thei hauh lo mai a. Engnge a chhan le ? ( SPEAKER )

PU NIHUPAM GELIKA : Pu Speaker, i phal chuan supplementary question siam ka duh a.

S P E A K E R : Primary School chaw chung- chang anih loh chuan kan remti lo. Hrethiam rawh u.



PU NIRUPAM CHAKMA : Pu Speaker, Primary School naupang chhun chaw tur chung-chang ka zawt dawn a ni. District Council hnuaiah engnge policy awm ? An pe ve em ? tih kha ka zawt duh a. Pek ka la hrelo a ni. (SPEAKER : Nangman i chhan nghal zel chuan Education Minister in chhan tur a nei lo ange) Minister in a chhang anga, kei chu ka hrelo, chu chu ka sawi duh a ni. Chuvang chuan ka zawt a ni a. Eng policy nge sorkarin a neih ?

PU VANLALHLANA : Pu Speaker, chhun chaw atana School naupangte buhfai sem hi a tha em em mai a. A thlawn a sem anih avangin ran-chaw ah tal an la zel ani mai a. Central Sorkarin a a tum ang hian chhunchaw eitlak a hi sorkar hian a sem thei em ?

Tin, hetiang taka buhfai eitlak loh sem ai chuan a buhfai nilovin a pawisa in emaw a sem thei lawm ni ? tih ka han zawt belh teh ang.

PU LALRINZUALA : Pu Speaker, pakhat chauh ka han zawhbelh ve ange. Hei hi buhfai chauh a pek tur nge ni a thildang a tel em ? A buhfai chauh hi em ni pek tur tih ka han zawhbelh ve ange.

PU ZAKHU HLYCHHO : Pu Speaker, chhunchaw chung-chang ka han zawt ve teh ang. Hei Central sorkar ruahman dan hi ka hre chiah lova. Chhunchaw anih chuan naupang chhun chawlh laia eitur niawm tak ani a. Chuvangin a chhumna te a tel em ? Tin, a preparation chhun a an ei dan tur zawng zawng ang chite kha ruahman in a awm vek em ? Buhfai a sem kha chu in lam chan ani daih tawh a, chhunchaw kha ani tawh lova, chhun a an eitur tak tak hi buatsaihna a awm em tih kha ka han zawt a ni.

S P E A K E R : Anih leh kan Education Minister chhunchaw chungchang chauh chhang turin ilo sawm ang.

PU F. MALSAWMA  
MINISTER

: Pu Speaker, zawhna kha a awm hle hlawn a, kan hriatchian erawh chu a pawimawh hlein ka hria. Kei pawhin hemi

chungchang hi hriatchian a lo tul hle mai tih ka hre-chiang a. Hemi Central Scheme, National Programme of Nutrition Support to Primary Education an ti a. Hei hi 1995, Independence Day-a Central Sorkarin a puan kha a ni a. Heta tanga kalchho zel kha a ni a. Tun thleng in pek chhoh a ni a. Kumin March 31, thleng turin ruahman a ni a.

FCI hian a pe a, anni chuan Food & Civil Supplies Department-ah an pe ve leh a. Kha kha Block tinah, Chawngte Block pawh huamin an pe ta vek a. Tichuan, Food & Civil Supplies Department hian thlakhat atan 3Kgs zel an pe a, chu zawng chu Education Department-in a hriatpui chu a ni ta a ni. Hemi atana pek tur anga ruahmanah kha chuan a beneficiaries naupang kha 97283 a ni a. A quintal zawng chuan April, 1,200 - 31.3.2001 thleng tur hian 29184 qts. leh 90Kgs a ni a. A bak chu Education Department hian eng Buhfai quality nge an pek a hriatpui pha tawh lo a.

Tin, zawhna hnuhnung ber kha pawimawh tak niin a lang a. Saiha Bialtu zahawm tak Pu Zakhu Hlychho zawhna kha, chhuna eitur a nih awm tak lai khan, a chhumna tur In a ngai a, Thing a ngai a, a chhumtu tur a ngai a, Tui a ngai a, Bel a ngai a, khang kha a ngai a, a tel silo a. NERCT Meeting, December thlaa kan neihah pawh khan tiang zawng hian kan pe mai a an ti a. Practicable bera pek hi chu a tha a ni an ti ve ringawt mai a.

Tin, a pawisa a pek chungchang kha chu Buarpui bialtu zahawm takin a sawi kha, a theih lohva, A buhfai hrim hrim kha kan hriat ve reng reng lovin FCI nen Central Sorkar kha an lo in dawr mai a ni. Tin, buhfai chhia tih chungchang kha, sum hi FCI ten an rawn thawn a, an pek kha an pe ve anih mai ka ring a, Minister dangin a hrefiah zawk tur lam in a sawifiah ~~kha kan~~ Speaker-in nakin zelah a inkaihnawk tur a venna anih ka ring a, ni lose chuan kan Supply Department bawh hian sawifiah thei tur a ni anga. Mahse, hei hi a tha dawng te chu an awm ve ngei bawh a ni. Khawilaiah emaw chuan a chhe dawng te chu an lo awm ve ngei ang. Tin, a tha hi pe thei ngei turin kan duhsak a ni. Department chuan. Mahse, FCI-in an rawn thawn kha kan zuk hriatpui lo a ni. Tin, Chawngte kha a huap a, tin, an pek loh chuan hei hi chu FCI atanga lokal vek tawh a ni a, chu chu Supply Department-ah a zawfiah theihin ka ring. Department-in hei hi a execute loh avangin.

Tin, Pu Speaker, Saitual bialtu zahawm takin a zawhna tawngkam pakhat hemi non-graduate chungchang Middle School Teacher-ah kan Chief Minister-in ka signed fel tawh atih lai kha chu khami tawngkam kha a hmangin ka ring lova, hei hi ti turin ruahmanah, thu tihtlukna keiman ka siam tawh e, a decision verbal-a atihna anih ka ring a.

a signature zawngin anih ka ring lova, a signed fel tawh, sign tih tawngkam kha kan Chief Minister-in a hman ka ring lova. Sorkar hmasaah pawh kan Chief Minister zah-awm tak khan a ti ve tho bawk a, assurance a lo pe ve tho tawh a, tunah hian Department-in a ngaihtuah mek a, theih ang tawkin hei hi ala kal mek a, chu chu tuna kan dinhmun a ni. Pawisa kan indaihlo em avangin duh angin kan ti mai thei rih lova, pawisa kan ti khawp mai a. Theih ang apiangah kan reflect tel ziah a ni tih min hriat sak se a lawnawm hle ang.

PU H.LALTANPUIA : Pu Speaker, ka zawhna Starred 46-na, Power & Electricity Department changtu Minister zahawm takin a chhan atan Kum 2000-2001 chhungin Solar Photo Voltaic Programme hnuaiah Mizoram pumpuiah street emaw street lo ang zawng pawhin engzatnge an siam zawh tawh ? tih kan zawt e.

PU ZORAMTHANGA CHIEF MINISTER : Pu Speaker, a zawhna kha kum 2000-2001 chhungin Solar Photo Voltaic Programme hnuaiah hian Mizoram pumpuiah street engzatnge an siam zawh tawh tih a ni a. Kum 2000-2001 chhung hian work programme-ah hian provision siam a ni a, amaherawhchu, hnathawh zawh ala ni lova, kan thawk tan dawn chiah a ni e.

PU H.LALTANPUIA : A hranpain hemi thawk tur hianin Power and Electricity Department hnuaiah hianin Wing hran bik siam a ni em ? tih leh hemi Photo Voltaic Programme hi NEC atanga lokal niin ka hria a, NEC atangin engzat chiah nge pawisa lokal fel tawh tuna Sanction fel tawh ? tih kha kan zawt belh duh a ni e.

PU R.LALZIRLIANA : Pu Speaker, zankhatah vawili vawinga eng kan nei thin a, a thim hnem tihna a ni mai a. Hei hi engeni a chhan ? tih leh, hei a hminga M.L.A. kan lo nih ve khan Special Connection tih ang chi deuh khan min han pe a. Amaherawhchu, midang ai hian kan eng chuang-lo reng reng a, kan thih leh kan thi rual thup a, kan eng leh kan eng rual thup a. Chutih lai chuan a Special Connection fee kha Rs.125 nge ni Rs.175 bawr vel hi thlatin minrawn bill bawk a. Chuti anih lai khan a metre-ah khan a lo eng hnem deuh anih pawhin a metre reading ang chiah khan min bill tho si a. Kha kha a hrui kha a tirah a man chawi mai ila, a man ang kha min thing mai se thlatin hi bill-ah khanrawn telh lo sela, kan chawi double nasa em em mai si a.

Hei hi tih dan kawng a awmlo maw ? hriat dan kawng a awmlo maw tih kha kan zawt duh a ni.

S P E A K E R : Chhang turin Chief Minister ilo sawn leh ang.

PU ZORANTHANGA CHIEF MINISTER : Pu Speaker, Department-ah kha chuan a enkawltu bik kan Member zahawm tak Pu Tanpuia zawhna kha chu kan awm a.

Chutah chuan hei a hrang hrang atang te pawhin a lo kal a, head hrang hrang atangin kumin hian 50 lakhs dah a ni a. Nuai 50 dah a ni hemi atan hian, Chu chu tunah kan ngaihthlak tawh ang khan kan plan fund kan finalisation a tlai a, chuvang chuan hma tak tak thawh tan hman a la ni lova. Tunah hian thawk turin hma kan la thei chauh a ni a.

Tin, kan Member zahawm tak Pu Zira zawhna, eng thalo tih kha a ni lah tak a. Eng a tha a, a duhthusam khawp e han ti ila tuman kan awi lovanga. Hei chhiat chang a awm zing em em mai a. Hei hi kan problem lian tak pawh a ni a. Heta kan Special connection aiga kan han tihte, khang te pawh khan harsatna tam tak kan tawk hlawm a ni tih kan hria a, pawh kan ti a. Engtinga ni hemi hi a eng kan pek theih dan leh a bika chutianga a connection pawisa kan lo lakte pawhina manhla zawka an lo hmuh theih dan tur tih chu theihtawpin tan pawh kan la a. Amaherawhchu, electric hrim hrim hi vawilehkhata han tih nghal chuk chuka, eng nghal pup pup thei zawng a ni hauh lova, project rei tak ngai a ni a. Engtirnan, phai lam atanga kan lakluhte, keimahni ram chhunga kan siante dahkhawm khan kan mamawh hi a phuhru lo nasa lutuk a. Tunah phei phi chuan chu chu kan buaipui lai tak pawh a ni a.

Tin, kan harsatna tam tak chu Phailam atanga hetia kan han lakluhina kan han semdarh meuh hi chuan kan hloh hi unit khat Rs.5/- bawr vel tham ang tlukin inah khan kan han pelut, kan lei sak ang zawngin chhut ta ila, khatiang kha unit khata Rs.5/- bawr vel a nih lai khan heta a mipuiina kan lo pek chu Rs.1/- leh Rs.2/- inkar vel unit khatah, hmanah phei kha chuan Rs.1/- pawh tling lo a ni a. Kan hloh ringawt hi, hetia kan hloh ringawt hi tuna Mizoram Sorkarina kal zel hi kum khatah hian vaibelchhe tel tam a nih avangin heta kan tan lakna nasa tak pawh hi a ni reng a. Chuvangin, khalala harsatna awm a kha engtirnan, tunhnai maiah pawh Power grid lam atang te, NEEFCO lam atang te, kan lak luhna chi hrang hrang atang hian in ba hi min rawn pe tawh rawh u an ti a. Kan ba hi vaibelchhe tel velin a tling khawm lo thei lova, mipuiin kan mamawh si a. Chuvangin hei hi kan phurrit lian tak pawh a ni a.

Chuvangin kha kha keini pawhin kan lo hre reng anga. Hei hi chu theih tawpin kawng chi hrang hrangin tihthat tum a, hma kan lak mek a ni e.

PU H.LALTANPUIA : Pu Speaker, a lawmawm e. Tuna kum kal mek laiah hna bul tan mek a ni em tih a, nuai 50 a lokal tawh a.

Hemiah hian Pu Speaker, ka han sawi duh chu, Zokhua kilkhawr zawkte eng hmu thalo zawkte tan hian priority kan Minister zahawm tak hian min pe thei angem ? tih kha ka han zawt duh a ni.

S P E A K E R : Chhang turin Chief Minister i sawm leh ang.

PU ZORAMTHANGA : Awle, Pu Speaker, a dik khawp  
CHIEF MINISTER mai a. Thingtlangah theih ang tawka priority pek pawh kan tum a, a duh pawh kan

duh a. Anaherawhchu, hetiang chi hi tlem a enkawl ngun ngai ve deuh hlek te anih avangin, tuna kan siam sa tawh te pawh hi Mizoramah hi chuan khaw 73 laiah eng eng emaw kha chu kan pe diah diah tawh a. Mahse, rinaiin a chhe sam in an lo enkawl tha thin lova. Chuvangin a nia priority pawh kan pe khawp mai a. Tuna kan Member zahawm tak tih ang chuan priority pawh ngaih pawimawh zel kan lo tum ange.

S P E A K E R : Kan question hour a tawp ta a, kan business argin kan kal zel anga. Vawiin Private Resolution tih ni a ni a. Resolution 11 ballot a ni a. Bulleting Part-II No.97, dt.12.1. 2001 a kan rawn tarlan ang khan, Pu H.Rammawi Resolution kan la anga. A Resolution chu "Lai District Area inkal-pawhna turin Lawngtlai leh Sangau inkar kawng P.W.D.-in lai rawh se" tih a ni a. Move turin anah kan sawm anga. Minute 15 kan pe anga, Member dangte sawina hun atan minute 10 zel kan in pe dawn nia. Tunah Pu H.Rammawi a Resolution move turin i lo sawm ang u.

PU H.RAMMAWI : Pu Speaker, ka lawm e. He ka Resolution hi vawinnia he House-a sawi ngai lovin, tunhma khan Sorkarin an tih mai beiseina kan nei a. A bik takin Lai District Area hi leilung inzawmna nei lovin,

geographical-a inzawma nei reng reng lovin khawchhak leh khawthlangin kan aww a. Mara District Council Area leh Lunglei District Area a karah a tlazep a. Chuvang chuan khawchhak leh khawthlang tunhmaa East Pakistan leh West Pakistan ang khan inzawma nei lovin kan aww a, Helai Area-ah hian pu Speaker, khaw 17, a khawchhak, Sangau M.L.A. Area bikah hian a aww a. V/C erawhchu 18 a aww a. Khaw khatah 2 te a aww avangin. Tin, khaw te pakhat kha Village Council hrang neilo a lo ni bawh nen. Helai area hi a bik takin Chhimituipui District-ah chuan mihring bitna a nih avangin Supply Department pawhin tunhma khan harsatna namen lo an tawh thin a. Furah kawng tha kan neih loh avangin, a then hmar lam atanga buhfai supply kan ngaih lain, a then chhim lam Saiha lam atanga buhfai supply ngai te kan ni a. Chutiang ang chuan Sorkar Department thenkhatte pawhin harsatna an tawh thin a. Chubakah District Council Headquarter ber Lawngtlai kal tur hian kal kual vak mai hi a ngai a. Entirnan, Sangau atanga Lawngtlai kal tur chuan, Hmar lam atanga kan kal dawn chuan S. Vanlaiphaiah, Darzo-ah Hnahtial bul ah kan lo chhuak a, zobawkah, Hrangchalkawn atanga Lawngtlai hi Km 88 a la ni a. Tin, he kawngah vek hian Sangau atanga Hrangchalkawn hi Km 120 vel a ni leh a. Sangau atanga Lawngtlai kal tur hian Aizawl atanga Champhai chen zet Km 208 vel hi kal a ngai a.

A lehlamah chuan, Chhiamlam atanga kan kal dawn chuan Sangau atanga Saiha hi Km 8 a ni a. Saiha leh Lawngtlai inkar hi Km 70 chuang a ni leh a, Km 150 chuang kan kal a ngai leh a ni.

Helai area hi kan hriat angin hmun harsa bik deuh kan nih angin a mihring pawh hi mirethei te te kan ni a. Mahni Headquarter pan turin thei leh thei lovin sum leh tha tam tak kan sen a ngai a. Chutiang chuan kum tam kan lo kal tawh a, Tunhma khan he kawng hi P.W.D. pawhin plan-ah te an lo siam tawh a. Amaherawhchu, 1984 - 85 bawh vel atang khan a bo leh ta vang vang mai a, vawikhat kan han tilang leh a, work schedule-ah pawh, amaherawhchu chhinzawm lovin a aww leh ta a.

Lawngtlai atanga Sangau inkalpawhna hi Lai District Area khawchhak leh khawthlang inkal pawhna a ni a. Amaherawhchu, tam tak ten kan hriat-thiam dawn loh avangin hetiang hian a khaw hming hmerhin dahin Resolution-ah pawh hian ka siam a. He Resolution ka rawn tarlan anga kawng kal tir hi a har tawh reng reng lova, tunah hian Lungtian atanga Chhimituipui hi R.D. atangin kan thleng tep tawh a, Chhimituipui-ah hian Lawng pawh a aww a, Lawngpu pawh District Council-in an nei a, tunah hian an aww chilh reng a, englai pawhin. Lawngtlai atanga helai Chhimituipui rawn pawh tur hian mual rem lo lutuk pawh a aww lo, remchang deuh mai hi a ni, helai Chhimituipui kanna tur lai tak hi Pualthawh hi kan ti a, Mizoramah chuan li'zau ber a ni mai aww e kan ti a. Fur laia Tlawng Lui ang em em chu a ni lovanga.

Amaherawhchu, keini chu a fur a thalin Fungkah khaw hnuai atang hianin a li tan a, a hnar lamah vartek kai chhak thlengin a li chho tawh a, a li a lian bawh a, Sangha te an tam em em a, Nghaphu kan tih ang te pawh hi Bomb pawhin an vawm hlei thei lova, a li hi a len avangin, chutianga li tha chu a ni a. K.M.25 bawr vel K.M.30 vel a ni ang te an ti a. Mahse, teh chiah hi a awm lova. Chulaiah, chu Li dam lai tak chu Marboat kai nan te pawh a rem em em a. Tin, Lung-tian leh Fungkah atang phei chuan Lawngtlai hi rei lo te chawma lekah, kea an kal pawhin an thleng mai a ni. Mahse, khawdang tan kalkawng mumal a awm loh avangin hman ve chi a ni lova. Ram a paltlang tur erawh chu Lawngtlai atang hian Lunglei District-a Mante ram leh Thlengang ram vel hi paltlang a ngai hrim hrim a. Ram leilung a rawn tlakzeh avangin. Tiang ang chuan helai kalkawng hi tihtlang a nih a, kawng tha a awm chuan entirnan, hemi pualthawh kam vela kan ram tha zawng zawng te, Nghal-sah project kan tih te chu tunah hian Irrigation Department pawhin hman an la mek a, Tuikawng an siam mek a. Tin, ram hman theih loh ram tha si kawng awmloh vanga kan hman tangkai theih loh Thlengang ram te, Mualthuam ram te, Vartekkai ram te, Lungtian ram te, Fungkah ram te Mante ram te kan ram tha Chhimtuipui kam ami zawng zawng te hman tangkai a ni vek dawn a. Ramtha kha helai khua amite mirethei te te eizawna ngelnghet neilo tam tak te tan sumchangthlai an neihna hmun tur a ni bawh a. Chutiang ang chuan helai hi kalkawng atan mai ni lovin, Agriculature tan pawh a pawimawh em em a, Ram tha si, kan hman theih loh rantna kha kan hman tangkai thei dawn tih kha a chiang leh mai a.

Chuvang chuan, helai kawng hi tunhma pawh khan tum chhinna a awm tawh a. Pu Speaker, a kalna tur hi keinina kan ngaih ang hi a ni lova, P.W.D. lam mithiam ten, technical mi tena alignment an zawn a ngaih avangin hetah hian, helai hian, tlawh rawh se tih a hi. Keini dawhkan atanga helai kan sawi ngawt hi a rem thin lova, a tha ber a ni lova. Entirnan, tunah hian Lawngtlai leh Saiha inkar pawh vawiniah hian motor a kal leh kea kal hi ke a kal hianin an lehkhah fo mai. Saiha atanga Lawngtlai chhuk tur hianin chhim lamah a va kal a, Kawlchaw a va tlawh a, 20 Kms vel leka kha 74Kms vel emaw, 70Kms chuawng tuna Kawlchaw lama kal chuan a ni a. Amaherawhchu, alignment a that avangin Motor lianin full load, 100qtl. chuawng te a phur thei ta a, kawng a that chuan, alignment a that chuan. Khatiang ang kawng tha kan duh tak tak anih chuan a linement that kha a pawimawh dawn a, alignment tha tur chuanin, mithiam ten, Department mithiam ten helai hian kal se, helai mual ramah hian, nakinah furah pawh leimin hlauhawn lo deuh lai, ram thalai deuh tia an zawn atan. Helai hian kal rawn se tia specific taka ka dah duh lohna chhan hi a ni tih kha Pu Speaker, House-ina min hriatpui ka duh a.

Tin, he kawng hi tihtlang anih ngat chuan tuichhak mipui kan tih bakah khan kan Sorkar officer, Sorkar motor, petrol engkim kha a save vek dawn a ni. A hla thei ang bera chhut pawhin 70Kms aiin a hla theiin kan hre lo hrim hrim a, Sangau atanga chhut pawhin. Amaherawhchu, Sangau atanga kan tih hian Sangau atang hian a peng nghal dawn lo a, Rawlbuk leh Cheural inkar bawr vel ami emaw, heta tanga BRTF kawng rawn zawn tur a ni lehngal a. Chuvang chuan a thara han laih tak tak tur phei kha chu thui lutik pawh a ni lovang. Tin, a khawchhak lam, Chhintuipui chhak Lungtlan ram bawr velah hi chuan kan laih sa pawh a awm nual tawh a, Department dang atanga laih sa. Amaherawhchu, alignment tha kan duh chuan rintlak a ni lo anga. Khatiang khan hetah thlanglamah Fungkah ramtha Tlawng nal nel an ti a, ram tha vawiinni a kan hman theih lohte chu leileh atan ram tha tak tak tunah pawh hian Serthlum huan tha tak tak neite pawh an awm a. Khang an Serthlum neithe pawh kha a hralh theih chuan loh, kawng awmlo chuan, kuthnathawktute tana hamthatna tur kawng inhawng bawk, vantlang tana inkalpawhna kawng tha ni tur ni bawk anih vangin he kawng hi a pawimawh a.

Footpass-a D.C. lam atang emaw Block emaw a han siam kan tum thin a, Lunglei District-ah kawng kha han siam a ngai ta dah mai a, kan Block Area a ni si lova. Tin, D.C. tan pawh a area a lo ni si lova, Lunglei District area a ni si a. Chutiang phei chu nilo sela chu D.C. leh Block atangte pawhin Footpass chu kan siam tawh tur. Administrative District a lo hrang a, Block a lo hrang a. Chuvang chuan a area a kha cross a ngaih dawn avangin a rem ta thin lova, kan ti thei thin lo a ni.

Pu Speaker, ka sawi belh leh duh chu he kawng hi tihtlang anih ngat chuan helai area hi chu picnic spot hmun tha ber, Mizorama picnic spot hmun tha ber a ni dawn a ni. Member tam tak te chuan area hi an hrechiang tawh a, a hrechiang te chuan han hnial vak turah pawh ka ngai lova, a hrechiang lo te tan hian hrihlfiah a ngai thin a. Kan Opposition lamte pawh hrechiang an awm a. Helai hi he House hian min pass sak a, Lai District khawchhak leh thlang tan chauh a ni lo, Mizoram mipui tan pawh he kawng hi a pawimawh a, a tlang hunah phei chuan tam tak a safe dawn a ni. Mihring tha leh hun a safe dawn tih a chiang em em a ni.

Pu Speaker, he Resolution hi i veilam amite pawh an phur bawk a, he House-in min pass sak turin ka rawn pulut a ni. Ka lawm e.

PU C. THANGHLUNA

:

Pu Speaker, ka lawm e. Hei he Resolution hi minute 10 chauh hun ka nei a, rawn support ka duh a, midang tan

phei chuan sawi a ngaih pawh ka ring lova, pass theih mai anih ka ring a.



He Resolution hi a pawimawh em em mai a. Kan ramah sawn kawng hi P.W.D. hian kan neilo lutuk a, a chhak lam chu sawi loh, a thlang lamah phei chuan Motor-in a la tlawh loh reng reng khua hi khaw 30 chuang a awm a. Chuvangin khawthlang lamah te khuan P.W.D. hian hma min laksak ve se tiin ka sawi thin a, mahse, vawiinni thlengin min laksak thei lova. Hemi kawng hi hei kan Sangau bialtu zahawn tak khan Resolution ah a rawn pulut a, a sawi zawng zawng a pawimawhna tam tak a rawn sawi kha a dik a. Chubaka ka rawn sawi duh pawimawh em em pakhat a chu Sangau bialtu kan Member zahawn tak khan hun hmasa a Sub-division hmun tur Sangau leh Bualpui-in an inchuh nasat em em kha a niin Sangau-ah a sawn ta si a, tuna kan kawng neih lai hian Bualpui kha a kaltlang tlat si a, Bualpui ho thinrim khan a lo kal phawt chuan an ti si a. Chuvangin he kawng hi siam a pawimawh hlein ka hria a ni. Chuvangin, a theih phei chuan hmanhmawh taka P.W.D. in min laih tlang sak hi a tha tak tak in ka hria a. Kawng hi kan ramah khuan a tlem lutuk a, kha a pawimawhna dang zawng zawng kha chu a sawi tawh, sawi nawn lemlo ta ila. Helaiia kawng kal tur a lo nih chuan Lawngtlai atangin emaw Thingkah atangin emaw a kal anga, Lungtian lamah Bualpui lam kha chu engang pawhin lo thinrim se a hlauhawn lo reng reng a ni. Chuvangin he kalkawng hi a pawimawh em em a, ka'n rawn support duh a.

Tin, hei bakah hian Session leh hunachte pawh hemi Lai District Council a kawng awmlo lutuk P.W.D.-ina kawng min laihsak ve lo lutuk hi ka sawi thin a. Thlang lamah Tuichong lui dung zui hian kawng min laihsak ve a pawimawh em emin ka hria. Lai District chhung chhak leh thlangah kawng thar siam a tul tak meuh meuh a ni. A tulna chhan kha in nuih a za viau a, mahsex thil tul tak a nia, hei hi chu min pass sak hram turin House hi ka ngen a ni, ka lawm e.

PU Z.H.ROPUIA : Fu Speaker, hun min pek theih avangin ka lawm e. Hei Resolution hi ka ngaih pawimawh leh diktakin ka bial leh

Saiha bial inri chho leh Lawngtlai bial inri chho vek kan ni a. Helaiiah hian a puluttu awm zawk tak ka ni a. Chuvang chuan a supporter-ah, nichina Lawngtlai bialtu zahawn tak khan a hiechiang lo riau mai a, rinaiin a bial tana a pawimawh ziate sawi tur kha a haihchham deuh hlek kha niin ka hria a. Kei chu khita tangin ka han thlir vek a, alignment awmdan turte tun January thla tir khan chiang leh zualin kan thlir teh ang kati a, ka han thlir vek a. Khatia ka lo thlirkual a, ka ruahmanna rilru mitthlae ka lo neihleah a taka ka han hmuh rual khan helaiiah Sangau bialtu zahawn tak khan holamah House-a putluh turin a lo ti a, tiang chuan kan tang a. Kum 10 lai mai kan unaute lo Sorkar khan an lo theihngihl hlauh mai a a pawimawhna. Chuvang chuan East leh West Pakistan ang deuh a, Lai District Council Headquarters kalpawhna mumal lo leh thing lubula zawng dan ang chauh

maia khilala an khawsa te kha an vei dana kha Lawngtlai khawlaiah an buai deuh nge ni kati a. Chuvang chuan veipui an ngai hle a ni kati a. Chuvangin vawiinniah pawh hian sawi tel ve ka duh a. Hei a kual dante kha in hria anga, a kal ngawrh ber ka ni anga, ka bial hi a rawn hrut chhuak vek a, hetah Hnahtthial bial a rawn dak zuau a, Lunglei a rawncchhuk thla a, a tih ang khan Lunglei atangin Lawngtlai chu 100 Km vel a la ni a. Tah chuan an phei ta a, Km 230 dawn a ni phak hial a ni. Sangau atanga Tuipui peng hi Km 50 vel a ni a, chuta tangin Lunglei chu Km 60 vel a la ni a. Lunglei atangin Lawngtlai chu Km 100 vel a lo ni a, Km 200 chuang a ni. Tichuan, tuna ruahmanna kal hi, Resolution-a rawn put-luhna hi Km 50 chhungah hian an khung var var thei turah ka ngai a. Tichuan, nichina Resolution puluttuin a sawi ang khan Lungtian thlang Tuipui hnaite Km 3-4 vel bak hian BAPF fund atangin an rawn lai tawh a. Kan zu thlir a, a lang vuk mai a, tiang chuan hma an la tawh a.

Alignment siamthat hlek hlek hian tha takin a kal thei turah ka ngai a, kan han zawh leh hawikualin. Tin, lung pawh a tha a, kawng thatna tur leh hma puitling taka lakna tur chuan lung tha awm-lohnaah hian a harsat zia a hre pawl tak niin ka inhria a. Tlabung kawng te, heng chhiatna chhan te leh hmun hrang hrang kawng thatlohna chhan hi lung harsat vang a ni thin a. Khilai kawng tur khi chu lung tha tak tak awmna hmun tur pawh niin ka hria a, kawng tha tak kan siam thei dawn niin ka hria a.

Tin, chutih rual chuan, a ram hausakna ti ila, han chhenfak tur kawng alignment leh kawngthar han reh tur a kha economic route hi a vang viau a, sawi tur hi a tam vak lova, defence kawng hi a ni deuh ber ringawt a. Tah chuan, Mizorama Economic importance pek tlak kawng niin ka hria. Hei Thlengang, Mamte leh Thingfal te nena a inkar atlang zawng zawng tuipui thlen hma hi ram tha tak tak a ni. Chhungah chuan tunah hian Soil & Water Conservation Department pawhin Cardamom chinna turin henglai ram tha, Ramngaw tha hum-halh ni bawksi, a hnuaiyah sum tam tak hailuhna tur Alaichi chinna tur a survey an nei mek a ni. A tha hle dawnin an hria a. Sikkim State Alaichi thar a hmingthang tak mai ai khuan thar tam thei turah an ngai a ni. Chuvang chuan a pawimawh dan hi a thuah hnih thuah thum hle a.

Tin, chubakah nichina pual-thawh li an tih kha Luidam, lizau thui tha, lawng kaina ah pawh a dam tha hle a, Motor leh ilo kainaah pawh li 3 Km khat tur mai dung ruih mai a ni a, kaina tur tha tak a awm a, District Council-te pawhin hengah te lawng pute dahin lawngte an dah a, a lawmawm hle a, ka bial pawhin kan tangkaipui hle a. Amaherawhchu, kum engemaw zat hlamchhiah bial kan lo ni a, kea kal ngai a la tam a. Nichina mover sawi Mualthuam North angte tan pawh chhen-fakawm tak tur a ni a. Nichina sawi ang khan Picnic-na hmun tur leh Tourist hipna hmun tur tha lutuk a ni a.

A kam tha leilet leh Nula siam atana tha lutuk mai kha a awm a. Horticulture atanah pawh Project neihna tur, chen fakawm a ni a. Sangha pawh a tam a, Sangha heh tak tak tan pawh a phurawm hle a ni.

Tin, Pu Speaker, kan sawi leh duh chu, Thingfal atang hian kawng awmsa zulzui hian Alignment siama tan that nise, kawngpui tha tak nen helai ram hauhsakna zawng zawng hi kan haichhuak anga. Sorkar hmasa zawng zawngin an lo hlamchhiah tawh chu tih tak takin kan han bei anga, Zoram tana chen fakawm leh productive area tur a ni a. Chuvangin helai hi PWD in lak a tha hlein ka hria a.

Tin, Saiha leh Hnaththial lam-pang pana han kalkuala, kan sum sen zawng zawngte, Sorkar hmasa laman ngaihtuahna an hman loh kha ngaihtuanna-han kan hman chhohin sum tam tek Sorkar inrelbawlina leh mimal ang pawha an zin kawng sum tak tak senna tur anih avangin a pawimawh ngawtin ka hria a. Thingfal atanga lan chhoh a, Mamte thlang angah, hetah Lungtian kaiah Sangau Saisih chhuah ti hian foreign nen a in man thla zur mai dawn a ni. Chutih hunah chuan Pu Speaker, i vei lampang ami te tanah phei chuan halleluiah pek awn awn na tur khawpa hmun nuam leh chhen fakawm tur a ni a. Chuvang chuan, sawlai Chhintuipui leh Lai District Council kalpawhna mai pawh nilo, engtinge ni ang, Lung pakhat-in Sava pang aia tam mah kan vawnthla thei dawn ani tih kha Zoram mipuiin kan chhawr theihna tur, Aizawl pa pawhin, Suangpuilawa pa pawhin hetah huan lo ram neihna tur ram tha tak tak kan ngah. Chuvang chuan, in rawn haw anga, thlai in han thar chhuak anga, Zoram mipui entawn turin sawlai atang sawn kan ti dawn alawm. Saiha pa pawhin in rawn neih duh chuan, Chaltlang atang ringawt lovin, Saiha pawhin a rawn neih duh chuan, huan lo ram in duh chuan sawlai economic route kha pawimawh tak, hnathawk lova, kuttling lo a sum dawn mai mai lova, thawh chhuahna tur ram tha tak kan nei a ni. Chulai chu tih puitlin turin, hnathawk lova ei zawn mai nilovin, eizawn na tak tak tur Zoram chhen fak leh mipuite chhen fakna tur huan lo ram in duh pawhin theih tawp chhuah in kan tih pui dawn che u a ni. Chutiang ti duh tak tak tan chuan hma la hoin helai kawng hi ngaipawimawhin he Resolution hi pass turin ka rawn support a ni e, ka lawm e.

PU NIRUPAM CHAKMA :

Pu Speaker, ka hma thusawitu khan a sawi tha a, mahse, fiamthu a tam deuh a ni

Pu Deputy Speaker, kan Sangau

bialtu zahawm takin Resolution a theh lut hi tha kati a, ka support a ni. Kan bialah pawh kan mamawh a, kawng lai tur chuan kan support zel ang.

Tin, kal-kawng hi mover-in a sawi ang khan kan Resolution neituin a sawi angin, work schedule-ah pawh telh a ni a ti a. Chuvangin Sorkar hmasaah khan ruahmanna thui tak a awm tawh tihna a ni a. Bawhzui tur a ni mai anga, a rang thei ang berin kan Sorkar hian siam sak sela ka duh a ni.

Tin, Lawngtlai leh Sangau inkal pawhna kawng hi P.W.D.-in lai rawh se tih hi, kawng kha an lai anga, a harsa ber tur chu Bridge a ni. Kawng kha lai mahse Bridge a awm loh chuan Mar-boat chu Chhintuipui a len hunah a cross theih loh ang. Hmanah kan experience tawh a, Kawlchaw-ah kan experience tawh a, water level-ah chuan a kai theilo reng reng. Chuvang chuan amendment ka propose duh a ni. 'Iai District area inkalpawhna turin Lawngtlai leh Sangau inkal kawng P.W.D. in permanent bridge telin siam ni rawh se' a sawi a, a fiah lutuk. Permanent Bridge tello chuan kawng hi serious deuhvin ngaihtuah rawh u, permanent bridge ruahman rawh se tih telin, nichinah amendment proposal ang khan pass ila mawle, understood lo, bridge mentioned a awmlah chuan hetah mentioned a ni hnei nem, Sorkarin a ti thei a. Chuvang chuan ka support rual rualin bridge kha a pawimawh a, amendment ka propose a ni, ka lawm e.

PU K.SANGTHUAM A  
MINISTER

Fu Speaker, hei vawina Resolution kan sawi kha a tha hlein ka hria a. Hei 1972 atangin Mizoramah

Sorkar U.T. Sorkar atangin kan tan, chho a. Tichuan tunah hian kum 30 dawn lai a lo kal tawh a. Chumi hun chung chuan Chhintuipui District, tuna District hran hrana ruahman tak saw, hei tunhma pawhin 1974 vel atang khan Saiha sawi kum 10 chung zet hi khua anga ka lo en ve a ni a, contract hnathawkten ka lo awm ve a. Chhim lam saw engemaw chenah, Sorkarin duhsakna thui tak a nei lain harsatna tam tak an tawh thin a. Kawng chungchangah te leh thildang dangah harsatna tam tak an tawh thin a. Sawmi Chhintuipui District kan tih thin sawn Sorkar hian hei chenah hian ngaihsak tawh lohna a nei emaw ni chu aw tih turin tunhma zawng Sorkarah khan a lo awm thin a. Chuvangin tuna kan M.L.A. zahawm tak, Sangau bialtuina Resolution a rawn putluh hi pass ngei ngei chi a ni a.

Tin, hna pawh chak taka lak chi a niin ka hria a. A chhan chu Lawngtlai atanga Sangau kal tur hian, hetilaia a rawn chhutchhuah ang hian kawng a thui em em a, Saiha te Bualpui te paltlang chhoh vek a ngai a, heti lamah kawng chu awm tawh bawh mahselangin, kawng reng reng hi thei ila chuan Mizoram pumpuih hian khua leh khua inkalpawhna hi nei vek thei ila duhthusam a ni a. Hei hi hun kal zelah phei chuan kan la nei vekin a rinawm a. A bik takin sawlai saw a pawimawh zual a. A chhan chu tuna ka hma a mite han sawi ang chiah khan khaw tam tak kalpawh tur a ni a, tin, a kawng inkalpawh danah pawh a hnai hlei em em a,

hei Km 70 emaw lek a ni dawn a, hmun thuma thena hmun khat velin a thleng thei dawn a. Heti laiah hian engkim Petrol te leh thildang pawh sen a lo tlem deuh anga. Tin, mihring tan pawh kea kal duh an lo awm pawhin a hnai anga, motor tan phei chuan a hnai leh zual dawn avangin mipui tan pawh senso a hniam phah thei dawn a. Chuvangin ngun taka ngaihtuah a, vawiinnia kan pass a pawimawh hlein ka hria a. Tink pass mai ni lovin, Sorkar pawhin hma chak taka a lak chhoh pawh a pawimawh anga. Kan Department-te pawhin hemi chungchangah hian rilru leh an ngaihtuahna an sen pawh a ngain ka ring a. Chuvangin sawlai District pathum hrim hrim saw tun Sorkar hian ngaihtuahna thui tak a hmang zel a, a hman chhoh zel pawh a tha anga. Ram hi a pilril deuh ngaihsak loh mai emaw, tlema a thlaler deuh emaw ngaihsak loh mai hi Sorkar hian a tum a ni lova, tun Sorkar pawh hian chu chu a tum a ni lova. Tlema a thlaler deuh te ngaihsak a, henglai a laili deuh a han in chhek arbawm mai kha Sorkar tum dan a nilo fo a. Chuvang chuan heng District 3, Chhim lam a mite saw Sorkarin a ngai pawimawh em em a ni tih hi vawiinniah he House hian hria se Pu Deputy Speaker, ka duh a.

Chuvangin, Sorkar hmasa kan demna ni lovin, thil tam tak Sorkar hmasa pawhin a lo tihsak tawhna kawngah sawti laiah sawn a lo mangngihlh deuh hlek niin a lang a. Chuvangin Lai District chhung harsa taka an inkalpawh theih lohna, tha tam tak senga a, lirthei tui tam tak senga inkalpawhna thin, sawng te saw hnai zawka kan Sorkar hian a tih theih chuan sawlai District ho tan mai nilo, Mizoram pumpui tan pawh thil tangkai a ni dawn a.

Tin, hei keini kan Department ve, State Transport Department pawhin Bus-te awlsam taka kan service tir theihna te pawh a lo la ni dawn zel a. Chuvangin, a lawmawh hlein ka hria a. A chhan chu State Transport te pawh hi kan han service tir a, private ai hian a service nah pawh a man a tlawm em em a, tlema mi chumchhia leh rethei deuh zawk tan pawh hei hi a lo chhenfakawm a. Chuvangin chung te a service theih nan te pawh chuan hmanhawh taka kan laih hi tulin ka hria a. Private-ina an han tih hian sum tam tak te kan seng thin a. Chuvangin nge State Transport hian tam tak a hloh thin ? tih te zawhna a awm fo a. Chungte pawh chu a dik chiah chuan State Transport Bus-te pawh hi a kalman a tlawm em em bik a, mirethei zual te leh mi chumchhia zual te chuan kan duh em em a ni tih House pawh hian Pu Deputy Speaker, kan hriat atan ka tarlang duh a. Entirnan, pakhat chauh sawi ta ila. Aizawl leh Shillong inkarah pawh khuan private ai hian Rs.60/- chuang lain a kal man hi a tlawm phah nghe nghe a. Tichuan, Bus pakhat hian Seat 29 a awm a, Seat 29-ah chuan Rs.1700/- chuangin kan hloh ti ila, private Bus-a an kal ai khan vawikhat kalah a chuan man kan la tlem a ni. Chuvang chuan Bus pakhat ringawt pawh, kumkhat vawi 100 lo service sela, Rs.nuai tam tel fe mai Bus pakhat khan kan lo hloh reng mai a ni a.

Chuvangin, mipui tana rawngbawl/service State Transport a nihna kan House pawh hian pu Deputy Speaker, min hriat-pui ula, vawiinniah pawh hian chance han lak hret da duh avangin chu chu ka han sawi tel a ni a. Sawina hun rem-chang a awm vak lova. Chuvang chuan hemi question tam tak lo awm a pawh hi private Bus ang hi chuan kan chuan man hi la ve ila kan hloh te pawh hi, hloh lo hlep lo hian kan kal theiin ka ring a. Chuvangin, hei pawh hi mipuiin min hriatpui turin vawiinniah hian ka sawi duh bawk a.

Tin, hei, Kohhran chi hrang hrang leh NGO kan tih chi hrang hrang te hian nitin hire turin min rawn dil bawk a, heng hi tlawm zawkin kan hire tir bawk a. Heng zawng zawng te pawh hi hnial theih rual a ni lova. Chuvangin kan ram pumpuiin heng hi kan hriat atan a pawimawh a. Chung a service ve theihna atan te pawh chuan vawiinniah hian khithlai khi kan laih a pawimawh em em tih hi ka sawi tel duh a. In duh duh chu an rawn sawi tel ve pawh a ni mai thei a. Chuvangin Pu Deputy Speaker, khawngaihmin min lo ngaithla hram hram se ka duh a.

Engpawh nise, hmanniah ka thusawi dawnin in chhuak vek mai a, vawiinni chu in ngaithla a, lawmawm pawh kati hle a. Thusawi inngaihthlak sak te pawh hi a tha hle a. Engpawh nise, House-ah hi chuan puitlin kan zir hram hram te pawh hi thain ka hria a. Mi thusaw. ngaithla duh lova chhuah rikngawt mai te pawh hi tun hnuah chuan chingttawh lo ula kan ngen duh che a. Thenkhatte phei chu kum tam tak he House-a zahawm taka lo thu tawh thinte in ni a. Chuvangin he House hi nuihza siam nan emaw vai tihdan laa in auh buaina ringawt atan he House pawh hi hmang tawh lo ila. Chuvangin, inngeih taka Christian ram kan nih anga, he House hi a zahawmna maintain hram hram turin kan ngen duh bawk che u a ni.

Chuvangin, vawiinniah hian hei, Pu Deputy Speaker, he Resolution zahawmtak mai kan Sangau bialtuina Resolution a rawn putluhah hian kan zavai atan Mizoram pumpui tan thil tha a ni a. Sawlai b'al mai atana thil tha a ni bik lova, kan zavai atana thil anih avangin ngun takin vawiinniah hian kan rilru seng ila, vawiinnia kan pass chuan hun lo kal zel tura Sorkar pawhin hma a lak a, Department-te pawhin a lo en a, hei hi a rangthei ang bera lai chhuak tur hian theih-tawp, kan zavai hian chhuah ila a thain ka ring a.

Chuvangin he Resolution ka rawn support-a tun hunah ngei hian pass turin he kan Resolution hi ka rawn pui a ni e, ka lawm e.

**Er. K. THANGZUALLA** : Pu Speaker, hei kan resolution  
MINISTER hi a pawimawh hle in ka hria  
a. Tunah hianin ngun taka kan  
ngaihtuah a, kan pass ngei  
pawh ka ring a. He kawng hi pawimawhna bik neilin ka hria  
a, Multipurpose Project anih tur lai hi a pawimawhna ni  
in ka hria a.

Chumi Multipurpose Road anih  
na tur lai chu tawi te te in han sawi den den ila, pa-  
khatna ah chuan kawng laih reng reng hi hmun khawilai  
ami pawh hmun dang nena connectivity inpawhna siamna  
tura tih a ni thin a; chu chu Road connection purpose  
pawimawh tak a ni thin a. Tichuan, he kawng hi a Map te  
han en hian connectivity-a siam tur hian pawimawhna  
deuh mai a nei a, hei kawng kan neih tawhna te han thlir  
chuan hmarlam atanga Lawngtlai kal tur hian Via-Lunglei  
a kal daih a ngai mai a. Mahse, hei Hnahthial atangin  
Sangau lamah hian BRTF in kawng an lai mek a, nakinah  
hemi hi an zawh hunah chuan Highway pawimawh tak niin  
Sangau atang hian Lawngtlai hian awlsam zawk leh  
kawng tawi zawkin a luh theih a rinawm a. Tichuan, Pet-  
rol tam zawk leh hun tam zawka Lunglei atanga kal aiin  
nasa takin economy lamah pawh petrol consumption thleng  
in connectivity tha a siam dawn a. Chuvang chuan a paw-  
imawh hle in ka hria a. Tin, a dawt lehah chuan hetah  
Lawngtlai atangin Sangau ah emaw lo kal dawn ta ila,  
Saiha kal tlang lo chuan tunah chuan a kal theih loh  
a nisa. Hemi zawngah pawh hian short cut tha tak hun  
seng tlem zawk leh Political consumption tlem zawka  
thlen zung zungna a ni dawn a ni. Tin, chutih lain Lai  
District Headquarters chu Lawngtlai a ni a, hetah Saiha  
kal tlang lovin helai Area zawng zawng hian Lawngtlai  
an zuk pawh mai thin dawn a. Chuvang chuan a connectivi-  
ty lam ah hian a pawimawh hle in ka hria a. Chu chu ni-  
sela, chumi lam ah chuan.

A pahnih lehna ah chuan Land  
Development purpose atar he kawng hi tangkai tak a ni  
dawn a. Kan ngaihtlak tawh angin Agriculture lamah te,  
Horticulture lamah te, heti laiah hianin prospect a tha  
hle tih te kan ngaihtla tawh a. Tin, Zoramah hian a  
tlangpuiin Agriculture emaw, Horticulture emaw ah hma  
kan lak dawn reng reng hianin luikam velah lo hi chuan  
in potential kan nei vak lo a. Chuvang chuanin Chhim-  
tuipui ruam ram leitha development Agriculture ah leh  
Horticulture atana pawimawh tak mai ram kan zuk ti lun  
dawn a ni a, connectivity tha takin. Chuvang chuanin  
heti lai area han develop nan hrim hrim hian he kawng  
hi a hnan pawhin a pawimawh hle in ka hria a. Agricul-  
ture ah te, ei leh bara intodelh nan hma nasa taka kan  
lak lai leh Horticulture ah te nasa taka hma kan lak  
lain khawilai nge ram tha ni ang, khawilai ah nge hlawm  
lian deuka hma kan lak ang ? tih kan ngaihtuah laia heti

lai ram ruam tha lutuk Chhimtuipui Valley kan zuk hawng darh tur hi a pawimawh hle in ka hria. Chuti lamah chuan Land Development Purpose atan he kawng hi pawimawh hle in ka hria a.

Tin, a pathumna ah chuan in, Tourism lamah Tourism Development atana hmalakna atana tha em em mai anihna lai a awma. Kan ngaihthlak tawh angin heti laia Kualthawli an tih hi Km 15 velin Resolution rawn moved tu Khan a sawi a, a tak taka teh chuan hei ai hian a la sei mai thei a, li tha em em mai suar pawh awm lohna, Khatiang kha kan zuk connect dawn a ni a. Hetiang li tha sei baw si water sport han tih nan te leh boating a hrana siam ngai lo nature Pathian in min pek sa kha kan zuk zawm dawn a ni a. Hei hi a pawimawh hle in ka hria a, kan thalaiten tih tur an hre lova, TV-ah te mi rama water sport an tih dan te, boating an tih dan te an hmu a, tih ve an chak em em a ni. Khatiang ang dil siam chawp han ti tur chuan Thenzawl ram te an han en thin a, tuikhah nan sumttam tak senga siam leh chuan khatiang dil tha kha a awm mai lo a ni. Heti laia Pathian siam sa kawng zuk laih pawha Tourism atana thil tha lutuk lo awmsa kan zuk hmang tur ringawt pawh hi chhenfakawm in ka hria a. Chuvang chuan Tourism te kan sawi a, pawn lam atanga lo kal reng reng hian in ram chu Tourism lamah potential in nei tha hma la ang u tih hi min rawn tam ber a ni thin a.

Tourism attraction tak tak Tourist han attract tak tak tur hian in hmalakna tur kan han dap thin hian rin a in avang viau a ni. Sight seeing han tihna tur tak ngial pawh hi kan nei tlem a, hetiang ang luipui kam ruam dil tha lutuk boating leh water sport vel han tih na tur te hi helai hmunah hian han developed ilang chuanin Mizoram chung mai ni lo India ram mai pawh ni lo, foreign atanga tourist lo kal te hian in an panavang vang duh in ka ring a. Tun lai ah khawvel miten hnam fing zawk tourists an tih tena an pan chak em em hmun chu nature enjoy hi an duh a ni. Khawilai emawa thil siam ropui tak tak Taj Mahal te chu hmu duh awm mahse, tam takin an duh chu nature beauty enjoy hi an duh a ni. Khawilai lung chung ah emaw, Khatiang Lawng te pawh inkar thei kha tam tak hian an duh tawh a ni. Chutiang ang chu Mizoram ah he hmun bak hi Dil tha awm baw si chu kan nei kher pawhin ka ring love. Hemi tourism development atan chuan a pawimawh hle in ka hria a.

Tin, fishery chungchang thu ah Development atan tha hle bawkin ka ring a. Khatiang ang dil zau, englai pawha tui luang reng, heng dil ah te sangha kan khawia, tui luan reng lohna ah chuan sangha pawh a tha duh lova, lui fresh water englai pawha luan tlang reng na, hetiang dil tha ah chuan fishery develop-



ment na atan pawh a tha hle mai dawn a. Sangha awmsa tam tak a awm rin thu ah fishery lamin hma han la sela fishing nan te, lawnga lenkhang han zar nan te, picnic nan te a nuam hle dawn a, fishery development atan hmun remchang tak a ni dawn a ni. Tuna Sangha tam tak hi State dang atanga lak luh, rei tak tak kawng dunga thang tawh, a tuina pawh hloh tawh ang te a ni a. Fishery develop nan a tha hle dawn in ka ring a.

Pakhat leh ah chuanin Administrative thil ah chak zawk leh efficient zawkin hetilai area ah hian inkalpawhna tha zawk leh connectivity tha zawk a lo awm kha chuan hetilai District pathum Mara, Lai leh Lunglei District hi helaiiah hian short cut in inkalpawh zung zungna a awm thei dawn a, administrative convenience atan pawh pawimawh tak a nih ka ring a. Tilai ah hian Lunglei District hi a hrut tel ngei dawn a a lan lai hian nakinah mithiam ten kawng an han zawn hunah Mara ram te pawh hi, a chhung te pawh hi han lut zawk thei sela. Tichuanin, tilai District Council pahnih pawimawh tak tak te bakah Lunglei District an hrut tel anga, inkalpawhna tha tak niin ka ring. Tin, nakinah mithiamten an la zawng zel anga, he kawng hi lo teh hun ah pawh State Highway em a kan tih theih loh pawhin Major District road standard ang tal chuan he kawng hi plan nisela, leihlawn te pawh major bridge PUCC-a permanent bridge anga ruahman nghal vek ni thei sela. Tichuan, he kawng hi kawng hrang hrangin kawng pawimawh tak multipurpose a nihna lai hi pawimawh hle in ka hria a, he resolution hi lungrual taka kan pass ngei ka bei-sei a ni. Ka lawm e.

PU AICHHINGA  
MINISTER

: Pu Dy. Speaker, kan Resolution hi tlem te han sawi ve ka duh a. Ka ngaihdan ve mai mai ah chuan House-a putluh kher pawh

a ngai lova. Kal pui mai awm chitak pawh anih lain kan Member Zahawm takin a tarlan tawh ang khan tunhma atang tawha lo ngaihtuah tawh a niin mahse, a taka thil a thlen tak lawk loh avanga he House meuha Resolve turin a han rawt chho a ni a. A awm pawh ka tia, Lai District Council hi tunhma atanga lo awm tawh a ni a. A ram leilung a Map atanga kan thlir hianin a in daidang a, a hranpain a awm deuh - Lai District ve ve si hi Saiha-Mara District Council leh Lunglei District engemaw lai hian a tan tawn a. Tihian kawng a panna tur a han sawi pawh hi Lunglei atang leh Saiha atanga kala inpawhtawn theih chauh Motor chuan a nihna lai hi ngun taka ngaihtuah chuan convenience atan pawh hian he rawtna hi tunhma pawh khan hetia House a buaipui lo hian lo kaltlang daih tawh awm hi anihna lai a awm in ka hria a.

A District Council a hrim hrim pawh hian helai hi ngaihtuah ah an nei vak lo nge ni a tih te pawh hi ka ngaihtuahna ah a awm rum rum a. Chuan vawiin ah House-a put luha a lo awm takah hian han sawilan ve hrim hrim ka'n duh laia chu - Hei kawng kan zawn dawn hian a pawnga taka helai kan sawi pawimawh vanga kawng zawn ngawt emaw, PWD-a Officer-te emaw, anih loh leh tu te emaw Minister emaw bial anih avang ngawta kawng laih tum ngawt te emaw lam nilova, a pawimawhna avanga kawng hi kan zawn hram hram a pawimawhin ka ring a. Chumi rual chuan he kawng pawh hi ka hmaa sawi ang khan Development road pakhat chu a ni hrim hrim turah kan ngai a. Tichuan, Lai District Council Tuichhak leh Thlang inkalpawhna lai tur anihna kha a point pawimawh tak pakhat a ni a. Tin, chumi rualin kan ngaihtlak ang khan Multi-purpose taka kawng pawimawh tak a ninna lai kha a awmin ka hria a. Tin, chumi piah lamah chuan a bik takin keini Supply Department te tan pheii chuan khawtina buhfai kan pek theihna tur atan pawh khan tanpuitu pawimawh tak a nih ngei ka ring a. Chuvang chuan he kawng hi helai putluh a lo nih tak rau rau siah chuan tih tlang ngei anih theihna tura kan ngaihtuahna kan siam a, kan pass tlan ngei hi a tha in ka han ring ve a.

Chumi piah lamah chuanin kan ram kawng kan ngaihtuahna hrim hrim ah pawh hian nichina kan tarlan tak ang khan a economic zawng leh mipuiina kan mamawh dan ang zawng hian kan kawng laih tur te hi ngaihtuah thin ni tasela. Tin, hman deuh atang tawh khan PWD-in he kawng hi a lo ngaihtuah tawh a, a lo thlir tawh niawm tak khan mover khan a rawn tarlan saah khan tunhmaa an estimate-ah engzah chiahin nge helai kawng kal tur hi estimate leh sum sen tur zat te pawh hi an lo tih teh reng tih te pawh hi tar lang thei sela. Tunah hian draft takin kan mover khan a rawn move a, a kawng thui zawng te pawh kha a chiah chiah lam te kha kan hre lova. Vawiin niah hian engzat nge senso tur te pawh hi he House-in a ngaihtuah dawn chuan economically-a a hlawkna tur leh kan sum sen tur te pawh kha a in balance em tih te pawh hi en tel ve deuh pawh kha thil tha tak a ni awm mange tih te ka ngaihtuahna ah te a awm a. Nichin-a Chawngte bialtu-in a han sawi ang khan leihlawn tha tak mai te dawh tur nita ang se. Tin, kan Industry Minister-in a rawn sawi ang khan permanent bridge tha tak pawh awm tase tih te kha lo ni ta zel sela; a leihlawn man ringawt pawh hi rin aiin a man hi a lo sang zel a. Chumi a man sang zel tur leh helai economic tak leh emaw administratively-a kan hlawkpui na tur nen khan a man te hi a in man em tih te pawh kha chhut tel ngai tak mai a niin ka ring a, House-a kan sawi anih si chuan. Chuvang chuan helai hi chiangkuan deuh hlek chuan a kawng atana kan senso tur leh kan hmanral tur te nen khan chhut tel theih hian riruung tal chu lang thei sela chuan a duhawm ang reng hle in ka hria a. Pawisa seng teuh sia chhawrna awm mang lo nena zuk chhuta man lo deuh te pawh hi thil awm ve thei tho mai anihna lai awmin ka hria a.

Chumi thu ah chuan a pawimawh hrim hrim na leh sawmi District Council kawng inkalpawhna kawng anih hrim hrim lamah a hlawk dawn em tih lai te pawh hi ngaihtuah tel tur thil awm ni ve in ka ngai a. Engpawh-nise, kan mover-in thiam takin a rawn sawi tawh a, a hlawk thawkhat turah ngai ta ila. Vawiin niah chuan kan zaa lung-rual taka kan pass theih chu ka han ngenna leh duhthusam a ni a. Chumi rual chuan hei, kawng min kawhhmuh tha ang reng hle in ka hria a. Keiniho thingtlang bialtu ho chuan tih leh hunah pawh move tur kan nei ve thluah tawh awm mange gw tih te ka ngaihtuahna ah min siam sak a. Hei, tunlai ah kan PWD hmalakna a ropui em em a, National high-way tih te World Bank atanga hmalakna tur tih te ropui tak tak kan dawng a, a lawmawm em em rualin kan ram kil lampangah hian PWD hian ngaihtuahna thui zawk hmang ta se tih thlengin ka ngaihtuah a. An ngaihtuah love ka zu tihna lam nilovin World Bank atanga tanpuina kan hmuh te, tin, lehlamah chuan National Highway kan hmuh te a ropui a, a lawmawm rual hian ram kil khawr zawk entipnan, heng Lawngtlai bial te, Chawng-te bial lam te, sawtah Chamdur ram hausa tak a awm a ni tih te kan sawi thin a. Ram zawl zau tak tak a awm tih te kan hria a. Chungte pawh chu a pawh theihna tur hian ngaihtuahna zau zawk a tul hle in kan hriat phah a. A leh zel tar atan kan MLA te hian kan bial chhung theuhah heng kawng pawimawh leh tul ang te hi hetiang ang zawnga tih tur hian kawng min kawhhmuh ta a ni tih te pawhin ngaihtuahna ka siam a. Shu-vangin he kawng pawimawh tak District Council inkalpawhna kawng ni bawk. economic tak pawha hlawk tak tur aia tarlan te, keini Supply Department tan pawha Buhfai kan in pek zung zung theihna tur kawng tangkai leh tha tak tur anih ka beisei. Chuvangin he Resolution pawimawh tak hi lungreal takin he House hian pass thei ila tiin kan rawt ve a ni e. Ka lawm e.

PU C. SANGZUALA : Pu Dy. Speaker, ka lawm e. Kan sawi teuh tawh na a, tlem azawng han sawi ve ka duh a. Thenkhat lai pheih chu a pawimawh em avangin han thual ve zauh zauh chak pawh ka nei a, rilru-a lo awm ve thin a ni a.

Tuna kan Supply Minister zahawm tak han sawi kha ka rilrua lo awm a ni a, a hmasa lamah han sawi ta hlauh ila. Intihhmuh tur chi te, tih tak tak tur chi te a awm a. Heng ang chi erawh hi chu intih-hmuh chi tak niin ka hria a.

Kan ram kawng te hi a tlang-pui en in Chhim leh Hmar zawngin a kal deah ber a, chuvangin District Headquarters te, hmun pawimawh te, ramri te hi State Capital atangin, a hla thei em em mai a, hnai zawka siam dan kawng te hi a awm lawm ni le' tiin ka ril-

rilru mit te, ka mit tak tak pawhin ka en ve fo thin a. Tihdan kawng awma ka rin te a awm a, chutiang zingah chuan tuna mi hi a tel a, nimin lam an te adjournment motion sawi turin kan han buai nak nak a. Kan hotu fing tak tak ten party dang ami te pawh tawtawrawt hamtu ah te hmangin tap tur te pawhin an hire a, midang hire vak mai kha a thu a pawimawh vak loh vang niin a lang e. Wawiina kan thu erawh hi chu a pawimawh mange tih tlan liam liam tur chi a ni a, nimin thu nen chuan in ang lo hle in ka hria a. Chutianga ram tana pawimawh tak tak tling kan Sangau bialtu MLA zahawm takin hetiang resolution a rawn phawrh chhuak hi lawm thu kan sawi hmasa duh a ni.

Kan ngaihthlak tak ang khan hei political atang te, administrative atang te, economic side atang te, khang point of view atang tea han thlir den den khan he thil hi tihmakmawh a lo ni tih vawin ah min ti hre chiang zual viau mai a. Kan ram map te kan thlir thiam vak lova, a zim a zim nian vawiin ah erawh chuan kan mitthla ah chiang takin min han hmuh tir a, kha leh chen kha engtizia a tih loh a lo awm nge ni aw<sup>?</sup>tih te pawh min ngaihtuah tir a. Rorelna hlawm khata awm District khat awm si, inkalpawhna hnai te a siam theih si, khawpui leh sub-headquarters inkalpawhna reng reng awm lo, han kual vak vak ngai dinhmuna kan lo la dah te kha a pawh hle in ka hria a. Road communication hi mi tam berin kan chhawr a ni a, thlawhna communication te hi chu tuna kan neih bak hi kan belhohhah zung zung thei lo anga. State chnunga thlawk kual tur emaw hi chuan hun a la duh rei dawn a, chuvangin kan inkalpawhna tha ber chu road communication hi a ni. Kan ngaihthlak tawh angin he kawng hi kan siam chuan economic takin, motor kalna senso hrim hrim leh petrol/diesel puala kan senso te a kiam duak dawn a, chumi rual chuan luipnai ah ram tha kan han explore nghal dawn a, chumai nilovin Balu te pawh a tha em em a ni, an ti zel a, chungte pawh chu a ni. Bagha Balu hlira kan in ngat te pawh hi a buaithiak viau a ni. Balu tha tak tak chhuahna kawng thar kan nein chuan kan ziaawm phah hle dawn a ni. Tin, Sangha te pawh a lo ni zel a, Tourism lamah te pawh a lo ni zel a, sum hnar tur a lo ni a, kawnglah man pawh kan hmu chhuak thuai mai ang tih min beisei tir a ni. Tin, inkalpawhna hrim hrim hian ram a ti punkhat bawh a ni. Hmanni lawk khan Delhi chhak leh thlang inkalpawhna lañ engzat nge awm tih ka zawt a, pasarih vel awmin an sawi a ni.

Khawpui pakhat inkalpawhna mai ah pawh sengso takin miin lei pasarih an lo dawh anih chuan keini hmun pawimawh tak ram onhung inkalpawhna sawlai Darzokai leh Kawlnhawka ringawt mai rin saw chu a ni ngang bik love. Saiha luhna luihna kai lah saw mau an ram vak a zawh theih lai a awm a, zawh theih loh lai

a awm bawk a. Tuisumpui ruam ah harsatna kan tawk kan tawk bawk a, khatiang kha a ni a, sawng lai phei saw kei ka kal ve zauh zauh tawh a, tuna kan ngaihtuan lai ni political leh administrative thila a pawimawh em em na kha a essential na ah ngai ta ila, a dang zawng zawng kha chu a plus, a belhchnahna a ti tul zual tu ah ngai ta ilangin a tha mange aw tih hi kan sawi ve chak a ni a. Heng bakah kan rama all round development atan belhchnahna pakhat pawimawh tak a ni ngei ngei dawn a, kawng hi kan tih lampui tur niin ka ring a. Tuna rural connectivity kan tih te nen pawh tang kawp thei tur ni te in kan ring a, rawtna lawmawm nia ka ngaih thu pawh kan sawi zel duh a ni.

Tin, he rawtna hi kan pawm ngei ka ring a, chuvangin han daikhalh lawk ngai pawhin ka hria. Amaherawhchu, a engamah hma; buan a hmaa kherh ah chuan in ngai lem lo ila. Kan rama kawng lo zawn tawh hovah hian nuh tiza tak tak a awm zual a ni. Khawimaw laiah kawng chho deuh mai te, umelh deuh mai te, kikawi deuh mai te a awm a, engatinge, engatinge, hei ai phei leh hnai hian, hei aia grade tha nian a zawn theih a ni lawm ni, hei aia tawi deuh hian a theih a ni lawm ni tiin rilru-in a zawt a, a tak pawhin kan zawt a. Hmun pakhat, Champhai-Lunglei kawngan khian kawi deuh mai a awm a, hei hi 'Nuthlawi kawi' a ni an ti a, Nuthlawi pakhatin a ti thei hle a ni awm e.

Tin, khawthlang lamah pawh khuan 'Kel dai' 'Kel lei' emaw ni, tin, khawchhak phei ah pawh khian 'Vawk la vang' emaw ni, cnutiang vel mai maia kawng kawi lutuk te, chho lutuk deuh te, a grade tha zui hlei thei lova thil awm te pawh a lo awm thin a. Tuna kan sawi lai hi kan han pass ngei turah ngai ta ila, kawng kan han zawn hunah alignment kha khawiah nge a kal ang? Hemi thuan hian lo daikhalh lawk deuh chu a tha in ka ring a ni. Mimal thil ti thei bik emaw, khawmal thil ti thei bik emaw, anih loh leh tute mimal indawrtawna hnaivai lutuk emaw avanga kawng sawngkawn lo awm thei thin hi chu pumpeln tawh ila. Tun hmain heng hi a awm thin a ni awm e, keini Sorkarna hnuaiah hi chuan, tun Ministry hnuaiah hi chuan awm lo hram hram atan thain ka hria a. Sir tin atanga han en a mit ti kham awm lo, mit tlung taka kalpui ni thei ngei sela. Tin, a senso lam atanga teh pawh a, tha ber si, sengso tlem ber sia kalpai tum ta ila.

Pu Dy. Speaker, kan resolution han siamtu hian tih awm tak a rawn phawh chhak a. Heti lam na na na hi chu intih hmuh sung sung ila, intih hmuh pawh ngai lovin a knawhtu concerned Department te pawh hian thannarh nan hmang sela, kan tih tur hual, kan resolution hual te hi kawng lo zawng deuh sung sung mai sela tha in ka ring a. Vawiin ah hian thil tha deuh

mai kan sawi niin ka hria a. Pu Dy.Speaker, vawiina Sangau bialtu zahawm takin ne resolution pawimawn tak a rawn pho chhuah hi lungruual taka lawm taka kan ram hmasawna atan leh kan ram inpunkhatna atan, tin, tang-kai dang dang atan kan pass ngei hi tha a ka hriat avang in ka han din pui ve a ni e, ka lawm e.

PU RUALCHHINA  
MINISTER

: Pu Dy.Speaker, vawiin ah hian, 'Lai District inkal-pawhna turin Lawngtlai leh Sangau inkar kawng PWD in

lai rawh se', tih resolution- a bialtu in a rawn pulut hi a lawmawn hle in ka hria a. Tun hma pawha lo putluh tawh awm a van ni em ve aw, a tih erawh chu thu dang ni se tih te min ngaihtuah chhuah tir a. East leh West khatianga awm a inkar hla deuh mai a han awm kha ka han ngaihtuahin awm lo hle in ka hria a. Tun tuma hetiang ang Resolution kan neih hi a tira ka ngaihtuah chuanin sawlai kal dan saw luiin a kar dan avangin a harsa awm mange aw, hei chu kum chanve kal theih a ni anga, kum chanve kal theih loh a ni anga, tih ang te khan ka ngaihtuah a.

A hmaa Lawngtlai atanga Saiha lei a awm nmaa kan kal thin ang kha ka zu tehkhin deuh hlek a, kha pawh kha fur zual lai chuan kan kal thei lova. Kan tih hram pawhin hlauhawm taka kai te a ni a, chutiang chuan lei awm silova sawlaia kawng laih mai kha chu a tha lem dawn em ni aw tih mi ngaihtuah tir a. Amaherawhchu, ne resolution rawn puluttu khanin Chiang takin a rawn sawifian a, a lui tlak thlakna lai kha li zal tak mai, li thui tak mai, Km 15 dawn laia sei a ni, a ti nghe nghe a. Chu chu fur lai leh thal lai pawhin tui a tam tawkin a li kha a zal a, Lawng kal theih rengna nmun a ni a ti a. Chutianga nih kha chuan All weather road kan tih ang khan fur leh thalah pawh lei a awm nma pawhin Lawng hmag khanin a kal theih reng dawn tibna a lo ni a. Chutiang kan hriat chian chuanin helai kawng laih hi chu a tulna leh a pawimawhna a lo lang leh zualin ka nria a.

Tin, a District Council bik ngaihtuah phei ni chuan a pawimawh lutuk leh zual a, keinim henglai atang chuan kan va hman pui tam vak lo zawk a. Lai District Council chhunga awm mipuite tan chuan nei hi chu a pawimawn tawp khawk niin ka zuk ngaihtuah pui a. Chhungkhat laina, chhial ni that ni intlawnpawhna chungchang thu ah pawh hei hian a kawng a kai tawi dawn a. Chuvangin awlsamna tam tak a pe dawn a. Tin, chubakah chuan thil kal man kan tih te, khawpui atanga thawmhnaw lak man te, engkim a lo tlem anga, senso thlengin a lo tlem dawn a. Chi hrang hrangin a hlawk dawn a ni tih kha

a lan avang hian helai kawng hi chu tihmakmawha kan neih pawh a lo tul hle a ni tih ka zuk hmu a. Chuvangin he resolution hi kei pawhin ka rawn support hle a, tih tlang theih ngei nise tha in ka hria a. Kan ngaihthlak tawh angin kawng hrim hrim a hi a pawimawh em em mai a, a kual zawk te, a hla zawk te, a hnai zawk te, a chho zawk te, a step zawk pawha inkalpawhna hrim hrim te, veng khatah pawh hian a lo pawimawh khawp a.

A thenah chuan Motor inkalpawh theih te, Motor lem lo pawha inkalpawh theih te, khatiang khan kawng nrim hrim a hi a eng a zawng pawh hian kan mamawh a, a tam a hlel hlel hi a pawh lo lam zel niin ka hria a. Chuvang chuan tuna kan han sawi lai pawh hi District khat chhunga rorelna khat hnuatia awm bik deuh an nihna ah pawh hian a pawimawh hle in ka hria a. A khaw chhak leh a khaw thlang han inkalpawhna kawng pawimawh a ni kan tih pawhin, chutiang zawng pawh chuan a pawimawhna a lo lang a.

Tin, khami kawng thar kha laih tlang a lo nih chuan a kara khua a pal tlang te khan awlsam phahna an chang leh zual anga, hlawkna pawh an chang leh dawn tih a hriat reng mai a. Tin, a tlawhpawh chian loh khami kawng hnain tan khan a tang-kai hrim hrim dawn a, chutiangte ngaihtuah chuanin hlawkna hlar mai kha a lo ni a.

Tin, kan sawi tak ang khan kawng leh lampang a lo chhiat a, a lo pin palh pawha, helai kawng inkalpawhna atana hman tangkai tur a ni ve reng reng in ka ring bawk a. Tuna Tuipui lei Saiha kalna kawng lei te pawh saw lo onhe palh ta ang sela, chung thulh ah te chuanin helai atang hianin awlsam zawkin a la in kal pawh leh theih dawn tih a lang cniang a. Chutiang zel chuan a pawimawhna a tam tulh tulh mai a. Transportation kan tih te pawh hi kan ngaihtuan chuanin sawlai inkar saw hnai ang reng tak anga lang si, a kawng kual lutuk avanga man to tur te kha a ti tlem dawn a, chuan awlsamna chi hrang hrang petrol kan tih te senso a tlem anga.

Tin, a ram paltlang lai ram saw tangkai zawka hman a, huan thlai chinna leh intun-nunna, chhungkaw eizawna thar te pawh sawlai ah sawn siam chnuah theih phah ngei a ni ang tih ka ring bawk a. Chutiang hrang hrang han lak khawm a, han thlir chuanin vawina kan resolution kan sawih a hi pass ngei tlak a lo nih hi. Chuvangin lungruai takin pass tlang ila, keimahni tan pawh a la tha dawn a. Tin, sawlai Chnim-taipui District bik atan phei chuan a tha leh zual dawn a, a bik takin a District Council neitu te tan phei chuan a tha in a hlawk hle dawn a. Rorelna kawng hrang hrang ah pawh thingtlang hla zawk ten District Council

te dawr awlsamin kal vel harsa tur kha a lo awlsam dawn a, Motor-a kal thei lo tan pawh ke ngawt pawhin a lo zuamawm tawh dawn a. Chutiang zel chuanin awlsamna tin reng leh hlawkna tinreng kha he kawng hian an economic dinmunah a rawn siam dawn niin ka hria a. Chuvang chuan he resolution kan lo nei hi a lawmawm hle a, he resolution hi kan pass ngei pawh a tha in ka hria a. Tin, kan ngainthlak tawn ah te pawh hian heng hi a pawimawh a ni tih a hriat a, kan support thliah thliah a, a lawmawm hle in ka hria a.

Tin, sawlai ram kilkhawr ve tak Mizoram ah chuan a chhim tawp lam te pawh a ni a. Chungah chuan hmasawmna ropui tak mai a lo ni tih a lan tir dawn bawk avang khan henglai ram tian hian thil tangkai tak tur a nih dawn avangin he kawng ni tihmakmawha kan neih a tul a ni tih hi ka zuk hmuh ve avangin he resolution hi pass thei ngei ilang ka duh a.

Tin, Opposition lama kan thiante pawhin ihe lova kan pass tlan theih ka duhin ka han sawm nghal bawk a ni. Chu chu he resolution ka support-na ka rawn sawi chhuah ve a ni e.

Ka lawm e.

PU LALTHAN KUNGA  
Dy. SPEAKER

Dar 1:00 Pm hi kan chawlh hun pangngai a ni a, 5mins la awm a, engtin nge kan chawl rih mai dawn em ni eng?

A nih aw, Dar 2:00 P.M-ah Session kan chhonzawm leh dawn nia.

Meeting adjourned : 1 : 05 P.M.



DEPUTY SPEAKER

: Business kan tan leh nghal mai ang a, Pu H.Rammawi Private Resolution sawi zui tur kan awm em ? Pu Lalrinchhana.

PU LALRINCHHANA  
MINISTER

: Pu Deputy Speaker, vawiin ah Pu H.Rammawi Resolution sawina hun remchang kan nei hi lawmawm ka ti a.

He Resolution hi a tira ka thlir dan phei chuan engtizia nge ni, helai kawng ngaihtuahna tura PWD te leh ruahmanna thu ngaihtuah pangngai mai tura ka ngaih laia, hetia Resolution meuh House a a rawn lut hi engtizia a a rawn lut hi engtizia nge? tiin ka rilru ah ka ngaihtuah hial a. Resolution neituin a awmdan zawng zawng leh pawimawhna a rawn sawi chuan min convince hle a. Helai ang hi hmun dangah lo vei em em ve thin ka nei a, entirnan, Aizawl khawpuia FCI Go-down khu kan rinpui ber chu Ramrikawn, Tanhril bulah a awm a, Sairang Side atangin buhfai an rawn phur chho. Hetah a kual a, sawta a kual leh a, Bawngkawn atangin Aizawl khawpui hetah a rawn kual a, khutah Ramrikawn ah a lut ta thin a ni. Heng kawngte hi Sairang atangin P.T.C. ah, Sakawrtuichhuah, Ramrikawn ah. Chutiang ang chuan kawng rawn kal sela chu tawitein thil a solve theih vek a. Chutiang chuan khulai kawng siam te khu a pawimawh em emin ka hre thin a, ka lo lungkhun chin a. Chutiang ang bawng chu hei hi a lo ni a, chuvangin helai hi a bikin Mizorama kawng siamna pawimawh te zing ami a ni tih a lang chiang hlein ka bria a. Programme pangngaia PWD te leh R.D. ten a an buatsaihna pangngai satliah mai ni lovin, helai hi chu thil pawimawh niin a lo lang a. Mover in a sawi ang Khan Lawngtlai atanga direct road buatsaih chhoh a, Sangau thlengin tui chhak lam hi an District Headquarters atangin a thlen zung zung theih a, chu chuan awlsamna ropui tak a thlen a, Dik takin mahni District Headquarters pan tura District Headquarters dang peltianga kal ngai fote hi a zia lo em em a. Hei Tuikual khu vengchhak atanga vengthlang kal tur chuan Motor a kal dawn chuan mi veng kal-tlang a ngai ziah a. Chutiang chuan a awm thin a ni. A chhak leh thlang inkal pawhna kawng tha, Link Road hi a awm a tul a ni ka ti thin. Chutiang chiah chu a ni helai pawh hi. A bik taka kan ngaihtuah a, resolution ah pawh rawn move hi a nih ang taka kalpui a, kan pass a, a dang pawh kan Ram kal kawng ah hian kan en a pawimawh khawp a. Chumi anih loh chuan kal-kawnga hun sen bakah sum leh pai, sang tam tak senna hei hian a thlen tlat a ni. Kawng a awm loh avangin. Hetiang ang kawng ruahmanna kan resolution neituin a rawn buatsaih hi awm ka tih pui a. Autonomous District Headquarters khat a awm a ni a. Sangau leh Lawngtlai hi a in kal pawhna hna te awmna ra na, siam lo a, hei leh chen an lo awm hi a State pawhin kan mangnghilh deuh mang tiin ngaihtuah a hman theih a, he kawng ruahmanna tura mover in a buatsaih hi tuman hnial lovin lawm takin pass tlang mai ila, tih tawitein ka rawn sawi a ni. Ka lawm e.

PU LALRINZUALA

: Pu Deputy Speaker, ka lawm'e.  
Hei vawin chu huapzo resolution kan sawi ni berin a lang a, a ngaihnam khawp mai. A

tirah khan a pawimawh hle na a, ka lo dawngsawng thiam lova. Amaherawhchu, a huap hi a lo zau ta a. Transport Department a Bus zawng zawngte pawh a leng vek a, chuwang chuan a ho tha khawp mai a ni tih ka hmu chhuak a, ka phur ta khawp mai a. Helai Lai District Area inkal pawhna Lawngtlai atanga Sangau kawng a short cut dan an sawite hi Lunglei, Buarpu kawng tuna a kal dan, Lunglei atangin Thenzawl an han kal a, km 9<sup>1</sup> leh tih an han kalphawt a, chutah Thenzawl atangin Buarpu an han kal leh a, km 40 leh tih an han kal leh a, chutih lain, Lunglei atanga Buarpu kalna kawng chu km 70 chauh kha PWD in tunhmain kawng an lo laih pawh tawh km 70 Labour leh hnathawktu awm loh avanga kumin a ping ta hial kan ngaihtuah chhuak a. Khatiang lo tuar tawh tan chuanin hetiang ang a short cut kawng la awm lo han ngaih pawimawh thar kha a ropu in ka hria a. High Power bial a ni a, kan High Power bial lampang han sawi pui hian a nuam ve tlat a ni. Hei helai short cut ang hi a ni a. Buarpu kawng ang chu a awm sa pawh ping tawh, a la awm lo tih tlang tum chu ruling Treasury Bench lam resolution hial a han sawi ngai tur kha a ni reng a. A awmsa pawh laih tlang hleihtheih loh a ni tlat vang a ni.

Chutihlai chuan kan Unstarred Question chhanna te kan en a, vawin a mi hi. PWD ah kumin Calendar Year chhung khan without call of tender in hna eng-zat nge pek awm tih zawhna chhanna a amount kha kan belh chhuak a, nuai 200 dawn kha without call of tender khan an lo sem a. Kan Sangau bialtu khan a lo chang ve lo nasa a, a pawl tak tak a ni. Without call of tender in a then chuan hmun 2/3 ah an nei a, ka la en zo vek lo a, a belh chu ka belh chhuak vek tawh a, mangan thlak tak a ni. Sangau kawngah khan a lo awm ve lo hi, hei hi a pawl a ni, ensan hial han mi hi a pawl khawp mai. Nichinah khan Transport Minister pawh kha a mangang a nih kha. Pu Deputy Speaker, Bus a han kaltir dawn a, kawng awm tawh sa vek entirnan Aizawl-Marpora kawng, hman atanga kawng awm tawh sa, Bus an lo service na kei pawhin helai Pathian leh kan hotute zarah Transport kan enkawl ve laia kan tlantirna thin te kha a lo ping leh zo tawh a. Kumin ah pheii chuan Binghamun Area atanga Aizawl a School kal tur te leh khu lam zin tur te reng reng chu paidal vek a ngai a ni. Chutiang chuan kha lamah kha chuan pawisa a awm lo zel kha a lo ni a. Ka hma lawka kan Revenue Minister zahawm takin a han sawi te pawh kha Sairang lam atanga lo chho FCI Go-down a han dah mai tur pawh kha Bawngkawn a tlan chhoh a Aizawl khawpui hela kan kal luh, han siam mai a tha tur pawh kha eng kan ti nge ni a, laihna a awm chuang lova.

Chutih lai chuan Without call of tender a nuai 200 vel hi kan sem mai mai si a. Culvert te hi an tam em em khawp mai a. Hei hi la en chhuak ta ila tha in ka hria. Kan Estimate Committee te pawh hian. Chutiang chuan chuan hetiang pawisa tam tak first gear a kan tlan lai chuan engahnge maw kan laih loh lem ang le ka ti a ni. First gear in kan han tlan ta a, kan Tawipui bialtu zahawm tak te thahnem ngaihna te kha a zahawm a. Amaherawhchu, Pu Deputy Speaker, kan khawngaih em em na chu i ding lama thute khanin

pa te hula ngen chhuak zo tawh lo. Assembly House a ngenpui ngai khawpa an khawngaih thlak hi chu ka khawngaih a ni. Mahni pa te hnena thil ngen chhuak zo tawh loin thenawm tlangval te, thenawm pa te an han pun a, min ngenpui rawh u, hei kan han ngen a, kan pu/kan pa kan au eih zo lo an rawn ti a. Heilai Hall ah hian an rawn pulut a ni a. Vawiiinah hian kan PWD Minister pawh hi kan ngen duh a nia, Pu Deputy Speaker, khawngaih takin mahni fate tap hi chu lo ngaithla ve teh se. Heti em em a mangang mahni MLA te an awm laia, hetii lamah hianin eng beiseina nge ni ang, Without call of tender a a tul vak ni lemla anga lang a han pek tawk tawk mai laite hi chuan helam tap te hi chu han thlem ve awm chu a ni alawm Pu Deputy Speaker, awm i tive lawm ni? Chutiang chu a ni, nimin kan zawhna chhandan te kha ka han chhian a, vawiiinah pawh kan thlai chi supply leh a amount kha kan han zawt a, a tam em em mai a, vaibelchhe li chuan a ni a. Chutihlai chuan khang thlai atang khan engzat nge a thar chhuah, a amount kha vaibelchhe khat pawh a tling lo. A thlai chi man pawh thar chhuak thei lo Ruling Memberte tan chuan hetia tih mai loh chu tih tur a awm lo reng reng. A mangan thlak khawp mai. Kum a liam tawh a, a thar zo tawh si a. A chi chu a tawih zo tawh si a. Kha niminah pawh Lawngtlai bialtu zahawm tak khan a sawi a. A chi tawih mangan thlakawm zia a a nuai tur, a paih tur, hlawhfa an rawih thute an han ti a. A la thar dawn an han ti a. A mangan thlak, a tawih khan a thar tawh dawn em ni ang? A mangan thlak a ni. (Deputy Speaker: A subject ah khan aw). A leng vek a nia, Pu Deputy Speaker, a chhann chu nichinah khan khalem tih dan kha ka lo ngaithla a, an tihdan zel hi kan tihdan tur ni hmiang ka ti a. Bus chungchangte kha kan ngaithla vak vak a ni a. Saitual lamte kha kan ngaithla a, a ngaihnawm a nia. A dik tak chuan. Chuvang chuan a leng vek a nia. Vawiiin chu huapzo Resolution a ni a. FCI Go-down te pawh, a, "Nuthlawi kawngte pawh kha a leng", in ti a ni lawm ni? nichin khan. Nuthlawi kawngte pawh a len kha le? Chuvang chuan heng Resolution zau, huapzo kan han nei hi.

Chuvang chuan vawiiinah hian mangan thlak tak maia chu thiltih awm hi tihin a awm lova, a awm lemla tihna Sorkar kan nei ta a. Hei hi a pawh a ni. Kan Resolution pahnihna te pawh hi han sawi leh dawn ila, han sawi kepte pawh hi a tha mai lawm ni? PWD vek a ni mai a. Vawiiin Ruling MLA teschu Resolution-ah hian PWD hlar anih chu, inngaihtuah harh chu a hun a ni. Han tan dawn hianin Mathia ziak-a neupang sual an sawi ang deuh kha a ni a. Hla kan sa a, inlam duh silova, kan tap vak a, in awm in chum duh bawbaw sila, an ti a. Han puih dawn che u ila, in lo chian bawbaw si a, puih dawn loh che u chuaninmin pui rawh u in ti bawbaw si a, kha in awmdan kha lo inngaihtuah deuh hlek sela a tha awm e.

Pu Deputy Speaker, tichuan vawiiina kan sawi duh chu hetiang tak maia khawkar kawng pawimawh si, an pawimawhna chu kan member te min humhimna tur atan pawh khan a lo pawimawh reng kha a lo ni a, nunna hi a hlu a nia, Pu Deputy Speaker, hei hi chu a hlu tak tak a nia. Pethian min pek a ni a, a hlu tak tak a ni. Bualpui atanga thil engemaw sawn avanga kal ngam tawh si loh, bial tlawh ngaihna bawbaw si a, a short cut han tihte kha chu tih makmawh naktuk atanga tan theih tur hian pass theih nisela ka duh khawp a ni.

Khatiang khawpa urgent kha a nia. Chuvangin khatiang thil pawimawh tak kha vawinah hian kan hria a. Chuvangin, entiran thil pakhat han sawi leh ilo, tehkhin thu kha vawinah kan sar baw k a. Lunglei-Buarpui kawng a awm a, chuta tang chuan Buarpui atangin Rawpuichhip kawng a awm a, Buarpui atangin Darlung-ah Bawngthah-ah, hetilai lokal chho te chu Km 140 lekin Aitawk a rawn thleng a, Aizawl kalkawng atan Km. 170 velin Lunglei atangin Aizawl a thlen theih mai a, a short cut ve a nia. Tunah chuan Lunglei atanga Aizawl kan rawn kalna hi Km 235 a ni a, 170 Km vela kal theih kawng tun hma a PWD kawng awmsa vek, Motor pawh a kal, kei pawh Pathian sarah kha lama ka thutve laia ka kal tawhna kha a ni a. Mahse, vawinah chuan a ping leh vek tawh. He PWD hi engtizia nge maw ni aw ! Hmeichhe inchei thiamlo a ang a, a hmai chauh a vum thur mai a, a pawphuk mai a, amaherawhchu, a puankhuh chin lampang a bal tial lutuk. A tenawm tlat a ni khelai kha a rim pawh a chhe tawhin ka hria. Chuvangin a khuhphak loh lam hi ngaihthlak ve ni sela. Kha kan Civil Supply Minister bial te pawh kha ngaih pawimawh awm a ni a. Kha lamah khan mangang in awm a, he lamah mangang kan awm baw k a. Chuvang chuan Sangau hialtu pawh a mangang. A hla hla mang a lo ang hi a lo nia. A zai ngaiiah Venghlui kawng lamah chuan a luang tam deuh a ni ang. Alcatra a luang tam deuh niawmin a lang. An lai tam lutuk a, an lungrem te pawhin mite pawh a delhhlum lek lek a ni awm a, Hospital ah ban tliak te, bawp tliak te an awm kha. Pawisa luang tam lutuk an dawl lo an ti mai a, a dik maw ka hrela.

An leivung pah te pawh kher a tam baw k a, an mangan pui a khu hmanni ka kal pheih chuan khulai ah khuan leivungin an leilet te pawh a chhilih tawh an ti. Khu lamah khuan PWD pawisa hi a luang tam deuh bik lutuk te pawh a ni mai thei. Chuvangin hei hi chu i ngai pawimawh ang. An khawngaihthlak hrim hrim mai a, chuvang chuan ngaipawimawh ila. Tin, tehkhin thu kan rawn sawi tam tak te pawh kha ngaipawimawh ila a tha lawm ni. Ka lawm e.

PU L.N.TLUANGA

: Pu Deputy Speaker, ka lawm e. Sangau bialtu zahawm tak Pu H-Rammawi Resolution.

"Lai District Area in kal pawhna turin Lawng-tlai leh Sangau inkar kawng PWD in lai rawhse", tih hi ka support a, ka support ang hian support lo pakhatma kan awm ka ringlo a. Amaherawhchu, Resolution sawihona han kalpui dan hi sawisel ka chak khawp mai. Mahni tawkah Committee thang vek kan ni a. He ram tana rorelna khawl pawimawh ber pawh a ni a. Member zahawm tak tak in Private Resolution 11 an thehluat a. Nimahsela, pakhatah kan nilen hmel dawn tlat. Rel tam hi kan hleu em em em? Hnialtu awm miah lo chung pawhin kan titawp thei tlat lo. Committee thang vek kan ni a, in hnialra a awm loh chuan kan pass mai thin. Hetah erawh chuan pass zai kan rel thei miah lo a. A ngaiiah kan nileng dawn ringawt, mak ka ti khawp mai Pu Deputy Speaker.

Tin, hei Treasury Bench lam atanga Resolution move te kan en a, dik takin Department Head te, Minister ten han sawi a, work schedule a thun mai awm tak a ni a, ka hma mi sawi tawh ang khan kan Ministry tin thatlohzia

sawi langtu mai niin a lang. Member zahawm tak tak ten an  
Legislature Party ah emaw Ministry leh Head of Department  
ho ten an sawi ho a, Work Schedule a thun mai am tak te an  
ni a. Nimahsela, thun a nih leh avangin an mangan tawpah  
House ah an han thlen anih ka ring a. Resolution pawimawh  
tak tak sawi tur kan ngah em em lain tumah hnialtu awmlo  
chung pawhin pass zai rel lo a, nileng kan awn tur hi mak  
ka ti. He house pawimawh zia hi kan hre tlang vek a ni.  
Awle, Pu Deputy Speaker, ka duh tawk e.

...201/-

PU H. LALTANPUIA

: Pu Speaker, ka lawm e. Helai kan Sangau bialtu zahawm tak Pu Rammawia'n arresolution pawimawh tak mai a bial mai

pawh nilo Mizoram pumpui leh a bik takin Chhimtuipui District tana an life line tak tak tur ngai pawimawh a private resolution hial a rawn thehlut a, a rawn move hi kei ngaihpawimawh awm ka ti a. A chhan chu nichinah khan a mover in a rawn sawi tak ang khan a ram leilung hrim hrim a paltlang tur ram te, tin, chumi ina a Economic liability te a rawn sawiah khan, sorkar tan pawh a laih hrim hrim a kha kawngpui neih hrim hrim kha a lo hlawk zawk a, pawisa tam tak a lo lut dawn ani tih kha ka ringhlel hauh lova. Mahse ka hma ami sawi tak ang khan resolution tam tak member ten kan nei a, pawimawh tak tak an ni a, hei No.2-na pawh kan ruling bench lam a mi Dr. Lalzama, MLA zahawm takin a bial a ngaihpawimawh chungchang a rawn sawi leh bawka. Hengte hi han kai leh hram ila tih rilru a a la awm mak lain. Manse lungruah tak chung siin helai House ah a delay tactic zawngin nge ni mahni duh duh zawng kan Minister zahawm tak tak ten an duh duh zawng an rawn sawi a. A private resolution in a zu tum ber nilo Transport Department a chanchin te an rawn sawi a, a huam zau ta hle a, kan Buarpui MLA zahawm takin a sawi ang khan huapzo resolution ah a lo chang ta a. Chumi piah lamah a pawimawhna lai chu P.W.D. Mizoram a super Department chanchin kan sawi kai lo thei lova, P.W.D. in lai rawh se tih anih avangin. Chuvangichuan sawi tur tam tak a awm theiin ka ring a, mahse chutihlai chuan kan resolution pathumna kan MLA Col. Lalchungnunga Sailo resolution, 'Zokhaw lam mirethei te leh mipui nawlpui te thleng phak in Mizoram Development, pawisa hi kan sorkar hian tunhnu ah chuan siamruah in hmang tawh sawh se', han tihte hi a pawimawh em em a ni Pu Deputy Speaker. Hemi thleng pha lo tur atana delay tactic emawni an han play hi chu a pawimawh em em a ni.

Mizoram a mirethei thingtlang mi za a sawmriah te tana thil ngaihtuahna h'mun te pe duh lova Treasury ten an play hi mak ka ti a, mirethei 8% te zawk ngaihtuah lova helala remti tlang vek si, amah-erawhchu min han kalpui zel a kha Pu Deputy Speaker vawinah hian thingtlang ah minarse zawkte hian hria sela ciuan khawpui lamah chuan sum pawh a tam viau reng a ni. Mahse vawinniah hian thingtlang kilkhawr zawk leh hmun hla zawkah te chuan sum hi a tlem em em a ni. P.W.D. chungchangah pawh Buarpui bialtu sawi ang khanin zokhaw lam mamawhna tam tak a awm ve a. Mihring theuh kan ni a inthlei bik tur awmin ka hre lova. Chuvangin resolution 3-na kal hman lova kan insiam a hi Pu Speaker kan mirethei te an khawngaihthlak zia he Ministry ah hian a lang a ni.

Tin, 'Lai District area inkalpawhna turin Lawngtlai leh Sangau inkal pawhna P.W.D. in siam ni rawh se' a tih ka support rual rual hian Pu Deputy Speaker, kan bial te, i bial te thleng khian a nia rethei awm ni.

Chuvang chuan keini hmar-thimpui zangkaw bungbut hnan bial neitute hi vawiin niah hian engvangin nge remlohna khilalah insurgency kan tih ang chi te engemaw buai neuh neuh vawinni thleng a a awmna chhan a hi pakhat chuan a chhan leh a vang bulpui bera chu communication kan tlakchham vang ani takmeuh meuh a ni. Vawiin niah hian khi lampang bial a khi Manipur ah hel tam tak an awm tih kan hria, hel chi hrang hrang Mizoram an rawn luh thlakna kalkawng ber ani tih kan hria. Amaherawhchu, kan security leh kan Police ten han umzui zung zung dawn sela a theih miah loh a chhan leh a vang chu kawngpui tha kan neih loh vang a ni. Chutiang chu security reason ah pawh kan pawimawh em em a ni kawngpui tha kan neih khi. Tin, chumi mai piah lamah development chungchangah pawh kan sawi tak ang khan helai hi tha ka tih rual rualin Pu Deputy Speaker, thil sawi kan duh chu tehkhin thu anih kha Chhimtuipui ah hian Lai District Council ah hian MLA bial pahni a awm a, Lai Autonomous District Council ah hian MLA bial pahni a awm a, Mara District Council ah hian MLA bial hnih a awm a. Tin, Chakma District Council ah hian MLA bial pakhat a awm a. A vawin MLA bial panga kan nei a ni. Ka itsik vang a nilo hei hi, ka sawi duh vang hrim hrim a ni. Kumtin he Mizoram Legislative Assembly hian amahni an inrelbawlna turin cheng nuai zathum chuang hi kan pass sak ziah a. Tin, chumi mai piah lamah helamah State atangin P.W.D. te P.H.E. te, thil chi hrang hrang, Department hrang hrang atangin pawisa tam tak a luanglut reng bawka, kum eng-emaw zat chhung tawh U.T. period kan nih hun atangin.

Amaherawhchu, vawin niah hian ka'n sawi leh duh chu Pu Deputy Speaker, DADP kan tihah pawh Border Area Development hnuaiyah pawh a vai-belchhia takmeuh meuh hi saw lam bialah sawn a lut pheih tawh a ni. Amaherawhchu, kan bial duh te hi in en duh teh ang Pu Deputy Speaker, pawisa engzat nge rawn lut tawh, pawisa engzat nge kan bialah khian lo lut tawh. Keimahni State pawisa chia a inenkawh hian. Tin, chumi mai piah lamah chuan bial dangte kan han en a, kan bial communication chhiatzia hi vawin niah chuan. Chuvangin, Pu Deputy Speaker, saw lampang Lai District Sangau leh Lawngtlai inkar kawng kan ngaih pawimawh rual rual hian, Zokhaw hmundang zawka a mite, la changkang lo zawkte leh thil tul zawka tam takte pawh a la awm belh ve zel thei ani tih hi he kan sorkar hian hriat a tha a ni. Chuvangin Pu Deputy Speaker, helalah thil kan sawi a, amaherawhchu, thil kan sawi hian Pu Deputy Speaker kan Ruling Bench lama mite an awm leh thin lo a ni. Dik tak chuan vawin engemaw zat House ah hian Session kan nei tawh, House

Session kan neihna ah hian kansawi zel duh a chu Pu Deputy Speaker, wrong information chhanna diklo te, chutiang khatiang chu ani leh zawk tihte, chhanna inang lo te tam tak kan dawng thin a ni. Tin, chumi mai piah lamah Pu Deputy Speaker, House Committee anga Committee kan neih pawhin Government ah Department ah te question kan siam a, amaherawhchu dik lo tam takin minrawn chhang thin a ni. Kan Estimate Committee, Transport Department kan endik chungchangah pawh, entirnan lo tarlang ila ( DEPUTY SPEAKER : Duh duh sawina atan chuan i hmang lo ang aw) Transport Minister pawhin Transport a sawi a, ka sawi ve dawn. Mizoram a Bus service nan sum senso engzat nge tih kan zawt a Estimates Committee hmingin. An official ten minrawn chhang a, a diklo bak-sak lutuk (DEPUTY SPEAKER : Ngawi teh, helaiah Committee thu chu sawi a thianga) lay tawh a ni a, a thianga tawh alawm. Hetah Pu Deputy Speaker, lay a ni tawh alawm, lay anih tawh hnu chuan confidential a ni tawh lo. Chuvang chuan Pu Deputy Speaker, khatiang diklo lutuk mai Department kha he House hi an zah lova. He Assembly House zawng zawng aiawh Committee kan ni. Engngatinge thu diklo min hriih ? Chuvang chuan Pu Deputy Speaker, helai resolution Sangau leh Lawngtlai inkar kawng correction hi inrawn siam a, kan hria. Kan pawm a kan layed tawh alawm. Amaherawhchu, a diklo alawm irawn furnish. Chuvangin Lawngtlai leh Sangau inkar kawng wawin niah pawh hian han pass pawh ni ta ila Pu Deputy Speaker, a nihna tur ang tak hian han pass thin mah ila, he House hian kan sorkar hian a kalpui leh lo ang tih ka hlau a ni. An tih loh lam a hi an tih lam a ni zel a ni.

A tawp ber atan chuan Sangau bialtu zahawm tak resolution Lai District Area inkalpawhna turin Lawngtlai leh Sangau inkar kawng PWD in lai rawh se tih hi karawn support anie, ka lawm e.

PU H. VANLALAUVA  
MINISTER

: Pu Deputy Speaker, Sangau  
bialtu MLA zahawm tak  
Pu H. Rammawi resolution,  
'Lai District Area inkal-

pawhna turin Lawngtlai leh Sangau inkar kawng P.W.D. in lai rawh se', tih hi ka thlawp a. Amaherawhchu, ka hriatna hi a suai ta emaw ni chu aw ka ti a. Kawng laih tur anih vang kha emaw ni, Lai District kha i ti vek mai a, Lai District tih ka lo lam dan a ni a.

Hei, he Resolution pawimawh dan chu, a map en hian sawi vak ngai lovin a chiang mai a. Autonomous District Council pakhat ni si a, hetiang in pawh hauh lo maia a awm hi, U.T. kan nih atanga kan chhut chuan kum 29 hmel a hmu tawh a. State kan nih atang pawhin kum 14 hmel a



hmu a ni tawh a. Keimahni MNF pawh reilote han sorkar ve tawh kan nih avangin MNF pawh huam tel vekin sorkar hmasain heti tak maia Chhimtuipui District kan lo hlamchhiah hi a pawh hlein ka hria a. Tin, he Resolution pawimawhna hi a resolution anga tihhlawhtlin lo ni ta sela, a Resolution ah hian 'Lai District inkal pawhna', tih nimahse, Lai District a mite chauhin an chhawr dawn nilovin, Chhimtuipui District pumpui mamawh leh an chhawr tur a nih a chiang a. Chumi rual rual chuan Mizoram pumpuiin kan chhawr tur leh kan tangkaipui tur a ni tih pawh a chiang nghal a. Chutihanih laia Lawngtlai bialtu zahawm takin tute tlanchhiatna tur emaw ang leka a han chan chhuak mai te kha chu Chhimtuipui District bialtu zinga lo tel ve tan phei chuan han sawi rik chi ah ka lo ngai lova. Engpawhnise heti em em a Chhimtuipui District Mizoram sorkarin kan lo hlamchhiah tawh, tun sorkarin hetiang tak maia a han ngai pawimawh leh Pu Deputy Speaker zahawm tak, i veilam a thu te pawhin a he resolution min han thlawp pui thei hi lawmthu ka hrilh duh a ni.

Tin, Sangha dil chungchang te pawh kha, sanction awm zawng zawng nuai 30 kha MADC kutah kan pe vek tawh a. Chhimtuipui District hnufual zia leh chawikan an ngaih zia hi a hminga DCA changtu ka nihna ang hian uar tawh chin awmin ka hre lo. Chuvang chuan he resolution hi lungruai takin kan senior member Tlungvel bialtu zahawm tak rawtna ang khan pass thuai hi ka duhir ka chak a. Amaherawhchu, Suangpuilawn bialtu nena sawi vek kan duh si a, kan pass hleithei lo chu a nih si hi mawle, Pu Deputy Speaker. Chuvang chuan hei hi chu sawi tam tawh lovin, lungruai takin Sangau bialtu zahawm tak, Pu H. Rammawi resolution 'Lai District Area inkal pawhna turin Lawngtlai leh Sangau inkar kawng P.W.D. in lai rawh se', tih hi pass turin ka han thlawp a ni e, ka lawm e.

PU R. TLANGHMINGTHANGA  
MINISTER

Pu Deputy Speaker, tlemte  
han sawi ve ka duh a, vui  
vaina deuh te hi ka nei a.  
Ka vuina deuh chu kan mem-

ber opposition lam a mite Governor Speech ngaihtuah a ka sawi ang deuh khan, lawmna chang hre lo tih kha vawiinniah hian a chiang telh telh in ka hria. MLA kan han nih hlim khan member tin khan, kan han tlin hlim khan newsmen ten min han zawt a, tah khan engnge i ngaih pawimawh hmasak tur ti a, an han sawi khan ka lo chhinchhiah ve zel dan chuan member tling hlim khan inkal pawhna lampang communication lam hi ka ngaipawimawh ang, ka bial chhungah chuan kan ti deuh vek a, chutah chuan P.W.D. min chantir ta a, kan hotu zahawm tak kan Chief Minister in ka lo beisei dan leh thiante hnen atang pawha ka lo phut, thian te hnenah pawh ka

sawiah chuan, Zoram chhunga inkal pawhna chhiatzia kan hria kan vei tlang a. Hetah hian House ah ngei te pawh leh plan han sawiho nikhua te hian inkal pawhna lampang hi min sawipui ve deuh ula, ti te hian kan sawm nuad thin a.

Amaherawhchu, chutiang ang taka sawipui na ka tawng vak lova, hetia mahni private leh inbiakna nikhua chuan, mahni bialte chu chulai chu tihsak dan a awm em ? ti a inhrilh ruk se se te chu a awm a. Amaherawhchu, kan theihtawk a tlem em a, ka'n sawi duh a chu, Pu Deputy Speaker, vawiinnia kan resolution hi a lawmawm hlein ka hria a, PWD ina a vei em em, House in minrawn vei pui ve a ni mai awm mange tih te pawh min ngaihtuah tir a. Kum 24 kan tel ve lohna sorkar lokal tawhah khan he ramchhunga kalkawng lo khawih tute leh lo sawisa tute hi chumi tena an tih an hnutchhiah chumi ti tha tura kumkhat chiah hun kan han nei a, kan han khawih ve tantirh kumkhat chhungah khian kum hnihna tunah kan kal chiah a. Kum hnih plant kan la hmang hman lo tih kan Chief Minister in a sawi kha. Khalasia kan han khawih ve tantirh te ah khan kum 24 chhunga tih loh zawng zawnga kha kan ti hma lo hi pawika ti a. Kum 24 chhunga an lo hnutchhiah kawng chhe em em an tih hi ka han chik a, kan sorkar hnu a kan la khawih hauh loh te zuk ni a. A hma a mitena an hnutchhiah hlawn a kha kumkhat chung khan kan ti vek hman lo kha nmin lo hrethiam turin ka han duh mai mai a. Tichuan, tunah hian, khawi nge in tichho teh ang kan ti a, kan Chief Minister zahawm tak chakna in National Highway min pe tur a ni kan ti a, keimahniin kan thawk tur ani kan ti a. Km.100 tel min han pe a, BRTF lo chu ti tlak awmlo tura min ngaihsak lain Mizoram PWD min ring tawk a, min han pe a, kan han khawih ta a. Tahchuan mi pangngai thil chik mite chuan a thatzia hlir an sawiin minrawn hrilh thin a, a lawmawm ka ti a, thil chik mite chuan Mizoram Sorkar lo ropuizia an sawi thin. Chu chu member ten hei vawin niah pawh kan hmuh ngai reng reng loh opposition bial Reiek kawngte Rawpuichhip - Buarpuite lamlian a kal ta reh ruah mai. Helaiah hian Phuldungsei bialtu chuan appreciation min pe a, ka phur hawp mai. Chuvang chuan kan ti zel ang.

Tin, lehlamah chuan vawiinni a kan thil tih that te zep tlat a, kan sorkar hlim a khita Suangpuilawn bial ka lo kalna, Phaileng leh Suangpuilawn inkar chirhdup ah 4x4 jeep special 1st gear pawha kan in namna lai kha tih vat tur kan ti a. Theihtawpin kan bei a, pawisa awm leh awm lovin kan hnuk kawm a, culvert te retaining wall te kan bei a, chutihlai chuan a lawmawm thu hi ka la hre lo reng reng. Tin, chulovah chuan, opposition bial hlir i ngaihtuah a min ti duh tan chuan min ti awm tak pawh a ni a. Hemi rural connectivity ah pawh kum 10 chhung ruling Congress ina a lo tihah khan, Jeep special 1st gear lo chuan a luh theih loh a, chu chu Lungpho bial kan han kal a, ruling nilo mahse kan

ramchhung ah mipuite laka kan mawhphurhna hi thuhmun vek a ni kan ti a. Chuvang chuan rural connectivity pawisa atan lamlian kan sial ang tih hi kan commit chho ta a.

Saitual bial pawh opposition bial a ni a, chulaiah chuan opposition bial nimahsela hma kan la a, tu tute emaw Aizawl hmuna Contractor lian tena anmahni ina milian ho inhawr khawm ringawt ai chuan kan ti a, khilai bial chhunga mite mirethei te te ten an lo inhlawhfak ve nan remchang kan siam sak a, chutiang chuan tehkhin thu ka'n sawi mai mai a. Pu Deputy Speaker, hetiang tih zel hi a zawngchhang thlak loh viau em ni le te min tih tir a. Chuvang chuan kan member opposition lama awm te hian kan thusawi te ngaihthlak nuam ti viau awmah ka ngai a. Anmahni malsawmna kan pek te, ruling ah pawh kan pek lem lohte, wawinnia kan tih mekah hian engatinge maw sawilan te hi a chak lo nge ni, Buarpui bialtu kha, Buarpui chhun turin a ni kawngpui kan rawn sial sak che u ni tih kha ka han sawi duh a ni. Kha kha a tha lo em ni ? Kan thulh leh dawn em ni?

Chutiang mai pawh a nilo Buarpui chauh nilovin Sangau pawh thlen kan tum a ni. E khai !! thil tha tihsak che u a kan tihsak thu kan sawi pawh ngaihthlak nuam intih si loh chuan ngaihndan dang kan hotupa hian a nei thut ang tih ka hlau deuh roh a ni. Wawin niah Pu H.Rammawi resolution a rawn putluh hi ropui leh tha ka ti a. Chu chu PWD in kan hma turin a rawn ti lehngal a, chu chu House member ten inrem-tih pui chuan khami kan chak em em leh kan mawhphurh leh kan hotute pawhin an lo suangtuah thin a kha a takin kan chantir thei dawn ni a ka hriat avangin lawmawm kati a, min support theih dawn avangin ka lawm a, keipawh he. Lai District Area inkalpawhna turin Lawngtlai leh Sangau inkar kawng P.W.D.-in lai rawn se tih hi lungual taka pass turin kan sawm che u a ni, ka lawm e.

DEPUTY SPEAKER

: Member 15 in kan sawi tawh a, tunah against kan la awm lova, a against zawnga sawi duh kan awm em aw ??

PU R.LALZIRLIANA

: Pu Deputy Speaker, vawiina Sangau bialtu zahawm tak Pu H.Rammawi-an, Lai District Area inkalpawhna turin

Lawngtlai leh Sangau inkalpawhna kawng PWD in lai rawh se tih resolution a rawn pulut a. Hei hi ngun taka ngaihtuah a ngai a, vawinah hian kan tih leh hleihtheih loh tur hi chu mihring hmai zah avanga in pass pui kher hi a tul em ka ti a. Helai kawng pawimawh dan chu sawi leh ngai lovin an sawi zo tawh a, nimin lamah kan thawm hria te chuan in hria a. Tih tur nia kan sawi tawh te, kan tih leh theih loh chuan keimahni min vawlet na hle thin a. He House hi engemaw naupang inkhual lemna ang mai mai a ngai lov-in, kan ngaihtuah vang vang ang a, kan State in pawisa kan neih, kan dinhmun te chhutin, he kawng hi Km 70 chuang Km 100 lai chu ani ngei dawn a. Chumi kawngthar reh han tur chu a huphurh awm hle-in ka hria a. Nichina kan hotuten an sawi ang khan he kawng phe chu Luipui kan ngai ani a. State U.T kan nih hnu kum 20 hnu-ah pawh hian a Chhimpui lei pui saw kan dawhkai thei tawh a ni a. Chuvangin, a huphurhawm hle-in ka hria a. PWD in hmana an lo tihtlang tawh Chawngte Road, te, Borapansuri Road te, Ratu N.Khawlek Road te, entirnan mai mai hmanlai atang tawh a PWD kawng hlun ni thin kha he Ministry a lo din tirh atang khan kawng a ping leh ta tlat mai a. Heng kawngte hi pawimawh em em anih lain tuna sum leh pai tam tak senna tur kawngthar va in reh sawn keimahni hi min vawlet na lutuk ang em aw tih ka hma-a PWD Minister sawi ang khan kum 20 chhung zet khan helai Sangau Road pawh hi Lawngtlai atangin Kawlchaw-kaiah, Saiha-ah, Lungzarhtumah, Bualpui-ah, Lungpherah, Rawlbukah, Cheuralah, Sangau-ah, Pu Deputy Speaker, black topped in nalh takin vawin ni-ah hian a chhuak tawh ani. Tiang chuanin black topped chu nilo mahse, motor lian te a kal thei a ni. Pu Deputy Speaker helai hi motor kal theiha siam vek tawh a ni a. Tiang chuanin tunlai computer age-ah a short cut lampang hi khawi ram mah hian an ngaihtuah tawh lova, Motor kawng phe nuam, Jeep kan hman ang kha kan dun tawh lova. Keini ang sual pawhin Maruti car te kan ti a. Zen te, Esteem te, Ceilo Car te kan tih te. Balero an tih te, chutiang ang ho chu keini ang pawh vawin niah hian kan kal dan a ni tawh a. Chuvangin helai kawng rek tur hian kan State sum dinhmun nen hian kan tlin rih lo a ni tih hi he House hian huaisen takin pass ngam zawk ilang nakin zela kan kaldan turah Mizoram mipui hian mipuitling tak hruai a ni a min tih ka ring tlat a ni. Tiahah chuan helai kawng hi chhuak se ka duh pui em em, mahse Lawngtlai

atanga mihring awma miah lo khua pakhat mah awm hlei lo km 100 dawn lai han reh chu Mizoram hian kan phu lo a ni. Kan State Sawrkar hian kan thei lo a ni ti ngam ilang chuann kan vannei zawkin ka ring a, khaw pakhatmah tuna kawng kal tur hian a thawh dawn lo a ni.

Tin, a kalna tur pawh kha a kawng hi an zawn vek tawh a ni, tunhma pawhin PWD in an zawng ve vek tawh a, engemaw zat chu an lai tawh a ni. Chuvangin Pu Deputy Speaker, he kawng hi a pawhmawh em em lai hian a resolution neitu hian withdraw thei hram sela chuan he House hi min ti mawi zawk dawn ka ring a. Chutiang a nih loh a, Independent MLA a ni a, Ruling Party a rawn side a, Ruling Party lamah a rawn tang a, hmaizah vang mai mai a kan pass pui a, kan thawk leh si lo a nih si chuan amah ngei hian mangmahniah No Confidence a rawn move dawn a ni. He Ruling Party zahawm tak hian amah pawh hi engnge in ngaihdan? A lehlamah PAC Chairman-ah a thu vung a, State zawng zawngah PAC Chairman te Opposition an thut-tir lain, Ruling Party an rawn belh tawk tawk lain Opposition ang-ah inggai bawk si a, engnge ni a dinhmun chiang tak pawh hi in sawifiah a ngai a ni. Pu Deputy Speaker, he- tianga in lemkhual ang mai mai a he House hi awm tur kan ni lo. infiamna ang mai maia awm tur kan ni lo. Kan ram rorelna sang ber a ni. Kan Finance Minister kan Chief Minister ni bawk hian kan sum dinhmun chu a hria, kan PWD Minister pawh hian a hre vek. Kawng awmsa tih theih loh kan ngah lutul a ni. Chuvangin, vawiina kan resolution hi a tha em em, mahse, thil tha zawng zawng hi kan ti thei lo tih hi chiang ila tha ka ti a ni. Tiang chuan kan PWD Minister khan min han ti deuh hlek a. Pu Deputy Speaker, hei kan bialah hna ar: thawk a, kan lawm khawp mai a. Amah-erawhchu, without call of tender-a an pekna chhan, a justification a rawn sawi leh an thawh dan hi a inang reng reng lo. Sexial No. 1-81 chu he kawng hi mipui inhlawhna tura pek a ni a. Saitual, Keifang, Rulchawm, Ruallung leh Mualpheng khua ten an thawk a, work order hi an khaw mipui ai-awhte hnenah pek a ni tih hi. Helaiiah hian without call of tender-a an pekduh avang hian engatinge dawt chiang tak a sawi? Pu Speaker, a zahthlak lutuk, mipui an inhlawh lo hrim hrim. Helaiia hming neitute an inhlawh chauh a ni, hei hi mimal inhlawhna a ni. Engatinge hetiana dawt sawi kher tur a ni hleinem? Pu Deputy Speaker, ka lawm e.

S P E A K E R

: (Interruption) Pu Lalthang-  
liana.

PU J. LALTHANGLIANA

: Pu Deputy Speaker, Sangau  
han tih hrim hrim hi a lung-  
len thlak niin ka hria phawt  
mai a. Nia, keipawh ka va

tlawh ve tawh a, Sangau hi ka kalkawng kha a kual em em  
mai a. Hetah kan kal phei a, Saiha-ah, Saiha atangin Bual-  
pui 'NG'-ah Sangau hi kan lut a ni. Kawng kha BRTF in an

lai a, chuan a pawimawh em em mai a, kan hriataa chu, Sangau bialtu MLA-in Sangau a tlawh ngam tlat lo mai a, Bualpui 'NG' kaltlang a ngai a nin si chuan laih ngei ngei mai tur hi a lo ni a (Interruption). A chhan chu tui chhak Sub-Division kha Bualpui 'NG'-ah dah tur a ni a. Sangau-ah kan suan ta si a, an lawm tehreng nen. Tunah chuan a bial hmangputu ber Sangau kha tlawh a harsa ta a ni phawt mai a.

Tin, dik tak chuan kan Financial Air Lock-te pawh kan nammung tawh a ni a. Kan failrel bel a mi kan ei tawh a ni a. Chuvang chuan ka hmaa Member zahawm tak sawi kha kan pass phawt chuan, kan tih ngei ngei kha ka ring phawt mai a. Sum lamah harsatna kan nei tawh lova, a chhan chu sawlai kawng saw a pawimawh a nia. Sangau kawng saw Phawngpui (Blue Mountain) a chhak mai saw a ni a, Sangau chhak mai a ni a. Sangau saw base-a hmangin tourist hmunpui Phawngpui kal turte tan Sangau saw base-a hmangin Tourist Department hian Tourist Lodge leh Inte tunah sawn an sa mek a, thlen theihna pawh a awm a ni.

Tin, ka va kalve lai chuan Phawngpui tlangah Norway mi nupa hi ka hmu nghe nghe a. Chuti khawp chuan ramdang amite pawh hian Phawngpui tlang hi an tlawh ve thin a. Sawng a Savate leh rannungte leh thlaite saw an en duh em em a ni. Chuvangin Lawngtlai atanga Sangau han pan chhoh theih mai hi a hlu em em mai a, kawngkual hi a tha vak lo a ni. A ni khawpin ka ring a, chawhma lam khan kan hoty pakhatin nuthlawi kawite a rawn sawi a, a tha vaklo a ni kawivak mai hi. Entirnan PWD Minister zahawm tak khan a rawn sawi a. Ka bial Kanghmun pan tur chuan hetah, Rawpuichnip-ah kan han kal a, Km 60 chuta tang chuan Kanghmun chu Km 50, Km 110 kan kal a ni. Reiek atangin kalta ila chu Km 50 lak a ni a, Km 60 kan kal chuang a ni. Tunah hian kawng kan lai mek a, a lawmawm em em mai a. Mahse wawin khan kan en a, Reiek leh Aizawl inkar Km 20 vek kan laihna-ah hian without call of tender mi 54 hna kan pe a. A bial ami nilovin, Aizawl ami vek pek an ni a. Chuvangin Sangau kawng kan laih hunah hian without call of tender-a kan pe dawn anih pawhin Sangau lampang mi vek hi pek ni tawh sela chu kan chhawr leh zualin ka ring a ni. Tin, hei hi economic road a nilo tih kha kha Sangha-te pawh a awm kha mawle. Sanghate pawh Lui-ah khan a awm e ati a, Resolution neitu khan. Sangha hi kan duh em em mai a, tulmanglo-ah hian kumin pawh hian mai engemaw zah Tlawngah te kan chhuah a, chuvangin Sangha chhuah te ngailo hian sawtilaiah sawn kawng a awm chuan Sangha te pawh kan man thei tawh ang a, a tha dawn em em hian ka hre mai a.

Chubakah hei, kalkawng Lawngtlai-Sangau kawng kan sawi a, kan sawizui zel bawk a, tehkhinnan tunhma kha chuan Aizawl- Marpara Road, sawtah thlengin a kalthei thin a, tunah a kalthei ta lova, kan kawng awmsa maintain hi a ngai hle a, kan maintawin zo lo khawp a. Chung maintawin zo lova kawngthar han verh kha kan tihtheih chuan a tha e. Amaherawhchu,

kan nei tawhsa hi maintain thei ila chuan a tha ngawtin ka ring.

Tin, chulo lelah chuan, ka hma-a member ten an sawi angin hetah Saiha a kan hel theih lai khan hetah Hnahthial atang a kal pawh hian a pawh theih tho a, Sangau saw; Tunah phei chuan kawng a tha viau tawh a, Bus a kal a, chuti chung chuan Connectivity a hnai zawnga hi tunlaiiah chuan a pawimawh khawp mai a. Tin, sum hi kan ngah tawh anih phei chuan ka duhdan tak phei chuan kalkawng bulah, Helicopter Field/Airfield emaw lai tel ila Sangau-ah sawn. Foreign Tourist thleng zung zung thei sela. International te, Airport, UNO Headquarters erawh chu bun lo deuh ila. Mizorama tourist area pawimawh kan neihna hmun a ni, a pawimawh em em in ka hria. Hei Aizawlah kan awm a. Thingtlang lam kalkawnga an harsat zia hi kan hre lo a. Aizawl khawlaiah Car-ah kan tlan a, a tawt deuh leh kan han ang deuh a ni mai a. Hetilli hian thingtlangah kal ngaihna hre lo, e.g Aizawl atangin Reiek kan kal thei mai e. Aizawl atanga 50 Km hi Motor la kal theihna mangloh, thal laia Jeep kal theihna chauh te a awm a.

Sangau kan ngaih pawimawh rual rual hian Aizawl atanga 50 Km Kanghmunte chu Motor lianin a la tlawh thei lova. An thlai tharte pawh-in awm-zia a la nei lo. A, Kanghmun kan ti ta bawka, Kanghmun kawng pawisa awm reng si hi kan titlang har khawp mai a. Hengte hi thawh hmanhmawh a tul em em tawh a ni. Reiek kham te khu a harsa reng reng lo, an survey vek tawh a, nichinah kan PWD Minister khan a sawi a, an lawm em em mai a, kum 15 khutalalaih khu, nhmuh phei chuan in khawngaih ang. Keipawh ka khawngaih ani. Bial khawmpui te hi an kal ve dawn a, an zo tawh thawmhnaw ak-in an inzui diah diah mai ani a, an khawngaih thlak tak tak ani. Chutah chuan kawng tawi te kan nei a, a kual kan neih bakah Aizawl atanga kan pan mai theih chuan kan hlim em em tak tak a, mipui pawh khu an hlim ani. Kan Sorkar chak tak hian khulalaih khu chuan hma an la tha hle in ka hria, chu chu Sangau ka sawi rual khan kan sawi duh a.

Tin, Sangau kawngah khuan thil hmuhnawm deuh mai pakhat a awm a, vawikhat ka han thlir tawh a, Chhintuipui leh Tiau intawh hi fur lai phei-chuan hetia a inkhawh tawn hi an so sang nasa em em khawp a, hmuhnawm em em mai hi ani a. A in tawh a sang deuh mai hian nupa te pawh an inthen phah e an ti a. Tuak sarah hi an inthen phah an ti a. A chhan chu a hmuhnawm lutuk a, an pa kha hawn a duh tawh a, an nu in hawn a duh silova, an inthen phah ringawt e an ti a, chutikhawpa. thil hmuhnawm Mizoram tana rotling hi a awm ani a, kan la hmuchhuak lo mai mai ani khilalaih khian. Chuvang chuan a tulzia hi vawinniah hian uar deuhin ka sawi duh a. Heti khawpa tul a lo luf har lutuk, ka hriat dan phei chuan P.C.Ministry hunlai khan vawikhat chu

pass tep tawh emaw ka ti a. Helai kawnga hi ka hma a sawi ang khan kawng pawimawh em em a ni a. House pawhin kan pass tawh anih chuan bawhzui rum rum a hlawhtlin ngei ka duh a ni. Kan pass rau rau anih chuan i thawk nghal ang u. Chu chu House tan pawh zahawmna a niang, tih ka han sawi ani, ka lawm e.

DEPUTY SPEAKER

: Member ten kan sawizui zel hmain, thil pakhat sawifiah ngai awmin ka hria a. Pu R. Lalzirliana khan Pu Rammawi PA

PAC Chairman chungchangah khan a rawn tarlang a, House zahawmna pawh hre mang lovin member te kan awm tan ta em aw kati a, hei hi chu kan chin loh a tha ani.

Tin, Pu Zakhu Hlychho khan Speaker kha Court-ah a khing a, PAC Chairman anih laia Speaker Direction a thawk turin a khin tak ang khan kan lohtheih ani lova, a aiah Pu N.Chakma ruat ani a, mahse, a pawm duh lova, PC te nen sorkar dun lai anih avangin Opposition-ah PAC Member dang an awm silova, churang chuan Independent MLA awm chhun Pu H.Rammawi kha ruat a ni.

Tichuan hemi 17 hian an sawi tawh a, sawizel kan duh chuan kan sawi zel mai ang a, mahse kan lungrual tlang anih chuan pass theih ani. Kan ngaihdan te engnge.

DEPUTY SPEAKER

: Ngawi rawh Pu K.L.Lianchia khan a sawi dawn anih chuan a ding hmasa a. I kian thei maw ? Pu Zakhu Hlychho..

PU ZAKHU HLYCHHO

: Pu Deputy Speaker, he resolution kan sawi hi a pawimawh viau mai a, ama'rawhchu, kan sawi danah hian a resolu-

tion neitu kan themlo deuh kan hmasit deuh ni te in ka hria a, kan sawiho danah resolution neitu chauh pawh nilovin a Chhimituipui mipui leh MLA-te in hmasitna ni mah mah in ka hria a, paw ka ti khawp mai. A resolution pawimawhna te leh a kaihnawih kan sawi duh anih chuan kan sawi mai turah ka ngai a. Ama'rawhchu chuti zawnq nilova kan duh duh sawi nana kan hman ta hi paw ka ti a. Hei hi chu House kaldan tur te helai Mizoram pumpui dinhmun ngaihtuaha tur (Legislator) te dinhmun tur a ni dawn em ni tih te ka sawi duh a ni. Churangin he resolution hi ka ga chu nisela an sawidan atang khan a zahthlak em a ka withdraw mai teh ang? Ka tih duh ka ring a. Amaherawhchu kan resolution neitu hi chuan a tih duh ka ring lova, a patling a, naupang



rilru a put loh ka ring a ni a, chuvangin ani chuan a tih em ka ring lo a ni. Pu Deputy Speaker, ka sawi duh chu hei hi a nia, pakhatna-ah chuan helai kawng hi tunhma atangin Lai mipuite thinsungah a awm tawh thin a. Chu aia thui deuhhæet ka han sawi teh ang. 1972 a Lai District leh Mara District Council, Pawi Lakher District Council inthen dawn khan Pawi-Lakher Regional Council-ah CEM ka ni ve a. Helai en fel tur hian Boundary Commission te lokalin Lai District Council leh Mara District Council Area turte then dan tur an lo en a. Chumi Boundary Commission te hnenah pawh chuan Lai lama an hotute, chutih laia an kotu Pu L.Chinzah te, Pu Manghnuna te an ni a leh keini ho Mara lama tang ve in kan lo bia a. Lai lama hotute chuan Lawngtlai atanga Tuipui Ferry, Rawmibawk, Phalhranga kal a Lungpher a lut tur hian helai khaw thum hi Lai District Council in inkalpawhna tur min pe ve teh u an tia min dil a ni. Amaherawhchu kan ngaihtuah a, khaw thum te nimahsela a mi chengate kha Mara annih avangin keinin kan phal ve lo va. Tichuan kan inhnial viau a, amaherawhchu, sawrkarin keini tanna lam kha a mihring chengte ina a zir vang a ni ang chu tikhan Mara District-ah a lut ta a. Chuta tang-a rawn chhaak chu a ni a. Tichuan nichina, tuna LAD Minister zahawm takin a han sawi ang khan Lai ram... tui chhak leh tui thlang hi inzawmna tha tak nei lovin a awm ta a ni. Tunah he kawng hi, nichina ka sawi tawh ang khan tunhma atangin ngaihtuahna a awm tawh a. Sawrkar hmasaah pawh khan ngaihtuahna a awm tawh a. Vawikhat lai phei chu DRDA pawisa atangin, Lawngtlai atanga Sahrichhuah thlang sawn Jeep kawng laih tlang tawh a ni, kal pawh a kal tawh ani. Amaherawhchu he resolution neitu ina a sawi ang khan hemi kawngin a kan tur hi Chhimituipui-ah pawh a dil thuina lai ber, a zau lai bera kan tur anih tlat avangin. Helai hian Chhimituipui cross tur sawn problem hasa tak a awm ka ring a. Kan hre theuh a, keini chu zing zam a kan kalna anih avangin Mar-Boat-in Chhimituipui kan cross thin, Mar-Boat pakhat hi cheng nuai sawm atanga nuai sawmpanga inkar a ni a, Engine te nen chuan nuai 20 chuang daih a ngai a. Mar-Boat pakhat pawh. Tichuan a enkawltu tur driver a lo ngai a, Mar-Boat hnuktu tur Labour kha 10 deuh thaw a lo ngai leh a. Chutiang anih chuan Mar-Boat pakhat han install tur ringawt hian senso hi cheng nuai 30 atanga nuai 40 hi loh theih loh in a ngai tlat a ni. Chutiang anih avangin sawrkar hmasa khan helai kawng hi facibility a awm em tiin a lo thlir a. Survey and Investigation tur pawhin pawisa te pawh a lo dah nual tawh a. Amaherawhchu, Survey and Investigation tia Work Schedule-ah te pawh lo thun mahsela, nichina Saitual bialtu zahawm takin a sawi ang khan he kawng hi Lawngtlai atanga Sawichhuah kal turin khaw pakhatmah a tlawh iova. Tichuan a zuk chhuahn-a atanga lehlamah Lungtian ram a kaltlang chho turin khaw pakhatmah a tlawh tlat lo a ni. KM 70 leh 100 bawr vel khaw pakhatmah tlawh iova kal tur a ni a.

Tin, chubakah hei hi Chhimituipui lehlam lehlam kamsir a kal tur anih avangin lungkhawkrawk hmun a paltlang a ngai tlat mai a, Mamte ram kham a kaltlang a ngai a, Fungkah ram khama kaltlang a ngai a. Chuvangin a senso tur hi a nep lo a ni. Economically in a hlawk em a tih te pawh hi thlir a lo ngai ta si a.

Chuvanga sawrkar hmasa pawh khan helai kawng hi tha ti viau si a, a tak tak-a a lak ngam loh niin ka hre thin a ni. Tin, helai thu hi Lai District Council hruaitute kan Party lam leh Council hruaitute pawh khan sawrkar hmasaah pawh khan an nawr viau thin. Amaherawhchu, sawrkarin han la tak tak turin economically in a hlawk em tih kha ngaihtuah tel alo ngai thin si a. Chuvangin he kawng hi engngemaw chenah chuan a lo kal-tlang pui thei lo niin ka hria a, chuvangin tunah hian kan sawi danah, hei kan pawmpui vek dawn niin a lang a, keipawh-in ka pawmpui tho va, kan pawmpui ng a, kan pass ang a, kan sawrkar hian harsatna a nei ang em ? tih hi ka rilruah hian a awm a ni. Fiamthu thawhnana tuten emaw an hmang hi paw ka ti. Kan ram a ni a, kan area a ni a, kan hria a, kawng min laih sak dawn chuan tha kan ti a. Kan lawm a ni. He sawrkar pawhin a laih dawn chuan kan lawm. Amaherawhchu laih theih tur si loh kan pass hian nakinah tih ka hlauva, miin he House hi an la nuihzat ang tih ka hlauva, Mizoram sawrkar hi an la la nuihzat palh ang em ? tih hi ngaihtuah ngai niin ka hria a ni, Pu Deputy Speaker, chuvangin he Resolution hi kan thlawp rual em ? A rawn luh hma atang hian. Engahnge PWD Minister te, kan House Leader zahawm tak te nen hian an lo thlir ho loh ? Lo thlir ho hmasa sela, tichuan hei hi a tha nge tha lo tih hi lo en ho vek sela, Department hotu te duh leh ko sela. Tunah hian hemi kan sawi dawn avangin CE Planning kan phone a. Anni pawhin PWD ni lova, kawng dang atanga tih theih dan chu awm sela tiin an ngaihtuah mek a ni, tih min hrilh a. Chuti-ang chuan he saerkar hian Chhimituipui mipui min hmangaih a, a ti duh tak tak a nih chuan he kawng hi engahnge ruah-manna nen tha tak a a kalpui loh, tih kha ka ngaihtuah a ni.

Vawilin nia kan sawi dan hi chuan nuihsawh chungin he House hi min pass pui an tum a ni. Hei hi ka rilru a na khawp mai. Pu Deputy Speaker, a dik a lawm. A subject-ah sawi si lovin, a resolution-ah sawi duh lovin Minister ten an Department sawi nan an hmang a, National Highway sawi nan an hmang a. Engahnge PWD Minister khan National Highway sawi nan a rawn hman ? PAC ang pawhin National Highway chu hman-ah kan zuk kal alawm. A chhe lutuk. Tunhmaa PWD in an Black Top zat pawh kha an Black Tip zo lo. Chuti-ang chu a ni. Uanna chhan tur a awm lo. Kan Black Top tawh sa pawh an Black Top zo lo. Engahnge Transport Minister ten an Department sawi nan min hman mai mai ? Hei hi kan ram a ni, kan hmangaih ve a ni. Kan ta a ni, kan area a ni. Chuvangin Sangau Bialtu hi ka thlawp a ni tih ka rawn sawi a ni. Amaherawhchu fiamthu thawh nan min hmang erawhchu paw ka ti a. Chuvangin he resolution hi, Pu Deputy Speaker, he sawrkar hian a ngai pawimawh dawn a, kan pass dawn a nih chuan thin-lung leh tih tak zet a min pass pui a, Next Budget Session-ah chuan Work Schedule nen a rawn lan ka beisei a. Tuna kan Budget pharh dan turah chuan Budget Introduce lain Work Schedule nen tunhma Work Performance nen thil tel tur tih a nih kha, kan pass anih chuan Work Schedule nen rawn tilang nghal sela, Budget Session kan thut leh hunah chuti-ang chuan hma min lak sak tak tak rawh se, tih kha ka rawn sawi duh a a ia. Ka lawm e.

PU K.L.LIANCHIA

: Pu Deputy Speaker, ka lawm e, vawiina kan resolution ngaihtuah hi keimah mimal pheichuan a chanchin hi ka

lo hre thui lutuk lova, amaherawhchu sawitu chi hrang hrang atang khan ngaihdan a chher ve theih viau, a, ma'rawhchu, ka lo ngaihtuah danah ve hi chuan nichinah khan kan PWD Minister zahawm tak khan a sawi a, Memberte hian engemaw kawng chungchang kha min sawi-pui hlawm turah ka ngai a, min dawipui hlawm vak lova, a ti a, kei chu ziaak nen a justification nen kan ngaih pawimawh chu ka pe tawh a, min ngaih pawimawh sak pawhin ka hria a, amaherawhchu kei chu ka lo hisapah chuan Pu Deputy Speaker, kawng kan tihte heng Power chungchang thu-ah te, tui thianghlim pek PHE a ti mai ang, heng ang ehi te hi chu, sawi chawp zel ang chi-ah te pawh ka ngai lova, sawrkar hian kalphung tur mumal tak 'Master Plan' fel tak a neih a ngai hrim hrim a, a chhan chu heng hi chu kan nunna hmar tak tak Development a kal tak tak dawn chuan chungang thil innghat vek thil kal chu a nia, kan eibar zawinna te, thlai man zawk a hralh tih te zawng zawng pawh hi hemi communication road a ni emaw, Inland Water a ni emaw, rail a ni emaw, communication chi hrang hrangah hian a innghat tlata a, thil tih tak tak dawn chuan, Industry lian leh engemaw te an tih dawn reng reng chuan Power a ngai a, hengte hi chu kan ram tana thil pawimawh danglam bik tak mai a nih avangin. Kan lo beisei danah pheichuan, Road Master Plan Mizoram tanah hian kan nei turah ka ngai a. Kan dil a, min pe a nih chuan a la mawm tho laiah khan ka lo ngaihdan ah zawk chuan kan ram hi heti zawnga dung a ni tlangpui a. A vang zawnga hi chuan kawng sial hi a har tlangpui a, mahse a dung zawng ringawt chuan kan inkalpawh thei miah lova. Chuvang chuan a dung zawng leh a vang zawng hian ruahmanna mumal tak a awm ang a, tahpawh chuan kan sawrkarin priority a siam ang a, chung chu kan ram hmasawna tur tak tak atan chuan kan ngaih pawimawh hmasak turah ka lo ngai deuh mai a. Kan sawrkar ve lai kha han chhut ta ila, road master plan hi mumal tak kan nei a, mahse reilote chung a nih avang leh U.T rambuai lai te a lo nih bawk avang khan kal thui chu a har viau va. Hemi Inter-State Route kan tih te Meghalaya thenawm leh Manipur leh Tripura te nana kan inkalpawhna tur kawng te priority kan pe a. Harsatna awm thut thilah pawh tiin theihtawp kan chhuah zel a. Tichuan Mizoram a dung zawng leh a vang zawnga kalkawng pawimawh zuak bik te **khatiang khan** Master Plan mumal tak neih a ni a. Chutah pawh chuan a pawimawh dan indawt khan a hma kha lak tura ngaih a ni a. Amaherawhchu, kan sawi tel theih hauh loh erawh chu hetiang approach road neuh neuh ang chi erawh chu siam sen pawh a ni hauh lo ang, approach road khua a lo awm tawh chuan mipui tana kawng siam a nih avangin khang kawng pawimawh lo awm te han panna tura kawng lo awm neuh neuh erawh chu han in dila in tlansiakna deuh a awm a nih pawhin thudang aisela. Chung lovah hi chuan hetiang a ram pumpui tana tha tak tak tur road master plan te hi nei **ilang khati** khawpa pawimawh te kan lo la hmaih reng mai te a lo nih pheikha chuan chutianga sorkarin kalphung tur mumal tak a ruat sa a neih loh avanga dapchawpa kal kan nih avanga khang kha lo la hmaih ni hial awm a ni a. Sawmi Tawipui bialtu zahawm tak ina an sawi pawimawh tak tak pheikha chuan a

pawimawh lutuk a, ka ringhlel hial a, khatiang khawpa pawimawh te a nih a, kan lo la hmah si chuan kan sorkar hian a tla chawpin em ni ro an rel dawn? Heng kawng kher kner ang chi te hi chu master plan mumal tak neia sawi sawt chu-ang lo, a priority peka kalpui ni sela chuan a tha awm mang e aw ka ti a, chuti ni lo a sawi sawt viau si chuan thil reng rengah, education ah te pawh engkimah sawi a sawt luat lutuk hi chuan rorelna hi mumal lutuk lo tihna a kawkin ka hria a, sorkar hian tum dan mamal taka a neih hi a ngai a, khami a behbawm piah lama kha chu a awm zel a, eng Department ah pawh hian. Chuvang chuan ka rin dan ang lem lo in kan kal a, tunah pawh khan kan PWD Minister ngei pawh khan an support a, kan lab anga a'n ti mai a, an lai mai thei dawn anih chuan ka lo riruk danah chuan kan member zahawm tak pawh hianin kan PWD Minister-ah te a sawi thin ang a, ama'rawhchu haesatna a tawng a, he House-ah hian kan Minister dodal deuh tangin a rawn pulut ta-ah ka lo ngai nghe nghe zawk a. Ama'rawhchu lo la sawi ho lem si lote a ni a, heta tanga va inbarakhaih thut mai te anih hi chuan kan member zahawm taka hian kan Minister hi No-confidence tonau a rawn pulut a ni mai lawm maw ni le ti ang khan kei phei chuan ka lo thlir zawk nghe nghe a. Ama'rawhchu kan han sawi kan han sawi takah hi chuam a ni hmel lem hlei law, a PWD Minister a ber pawh chu a phur berah a tang tho mai a. Chuvang chuan a tha dawnah han ngai ila, heng thil pawimawh kan hotuten an rawn sawi keini chuan zep thu awm lo kan hriatchian lutuk loh lei te a lo ni a, keima mimalah chuan. Khatiang taka pawimawh anih chuan kan support ve em em mai a. A thu hrimah kan duh a chu kan sorkar pawh hian kawng pawimawhte kha zawng chawp a, putluh a, putluh a sawt viau dawn anih chuan tih leh hunah chuan Resolution hi a tam duh awm hian kan kre khawp mai a. Khatiang zawng ni lem lo hian kan sorkar hian tumdan mumal tak neisa zawkin tahchuan min kaihruai sela a rawt chak chak leh a nawr chak chak atanga kal ni mai lo deuh a kan kan kal hi ka lo beisei dan chu a ni deuh mah mah a, chutiang anih hma a hetiang an rawn tih a, a pawimawh anih chuan ka support tih kha ka sawi duh a, ka sawi duh ber lai chu hei Pu Deputy Speaker, kan in hrethiam theuh a, mitdel feikibar pek an sawi ang mai kan ni a, kan chiang mang tawh lova, duh lam lam kan sawi mai a, duh lam lam kan chhunpawp chu ani ta theuh mai a, keipawh ka duhlai laite pawh kan chhun ve tho ang a.

Hmanni Governor thusawi kan sawi naah khan hemi Bairabi Hydel Project hi ka sawi tawh ang khan priority set ngai ka ti a. Hengte hi kan sorkar in a ngai pawimawh hi lawmawm ka ti a, lawmthu ka sawi lo nilo khan ka sawi rual khan, ka sawiah khaa hengte pawh hi tuna in han tih tharah hian Techno-Economic Clearance an hmuhte hi an chhuang a, a lawmawm tho a, mansawhcu heng pawh hi Techno-Economic Clearance te a lo awm tawh tho a, Forest & Environment Clearance te chu a la awm lova, chumi ai chuan a la thleng thui chuang lova tih ka sawia kha ka Driver nupui an zai avangin ka chhuah tawh hnu-ah kan Leader ngei te hian chutiang Clearance a la awm ngai lova ti tein in lo sawi a, heng hi min hmuhtir thei sela ka lawm khawp, a ti e an tia kei a hmuhtir pawh a ngai hauh lovang a, amaherawhchu, . . .

10.10.1998-ah khan khami Techno-Economic Clearance a Power Sector atan chuan an rawn pe daih tawh a. Khuta tangin NHPC pawhin January ni 9-ah rawn thawn in, helaiiah ni 25-ah Mizoram sorkar in a hmu a. chu chu file-ah anmahni in an kawl reng a, kela hmuh tir ngai lovin, anmahni file zawk kela hmuh tir a ngain ka ring lova. Kha kha hrelova sawi ka ni lova, hria a sawi ka nia, tu hun e tih ka sawi lo, thil lo awm tawh anie e, khami a awm lai tak kha chu President Rule ani a, President Rule lai khan kha leh kha kha a lo kal a. Chief Secretary pawh tihtur an rawn tuk a, chhan letna a awm loh avang khan a kalt thei ta lo mai chauh a ni. Mi ka suk demna a ni lova, tuna Economic Clearance a awm avanga kal thri ta puk a, uchuak taka kal anga insawi vak kha, tunhma te pawh a lo awm tawh ani e tih thu ka zuk sawi kha, chutianga la awm ngai reng reng lo tih kha in file kha en ngun ula, a awm e tih kha ka'n tarlang mai ani. Huatthhla la tur zawng pawhin ka sawi lo, min hmuh tir ve se kan lawm dawn em an tih avang khan Chief Minister lawmna em tur ka tih theih chhun ani e, in file-ah khan a awm e tih kan sawilang ani. Chu chu ka'm sawilan duh ania, ka lo beisei dan zawk chuan Master Plan a awm ang a, sorkar in priority a set ang a, tichuan kan pawisa neih dan zela kal tur khan ka lo beisei a, mahse khatiang zawng anih tak loh a, hetiang resolution an rawn putluh taka kan ngaihtuah takah leh, Minister concerned ngei pawh heng hi kan ti mai dawn alawm a tih takah chuan, sorkar lam atang pawh a harsatna awm turah ngai lo fla, a sorkar harsat leh sat loh lam pawh ngaihtuah lova opposition kan nih avanga zuk beng luh a, zuk pass ringawt chi pawh niin ka hre lova, a sawkar lam khan an huam hmel em avang khan hei hi pass pui ngei tha in ka ring a, ka support ve a ni ti pawh chu kan tarlang ve a nih chu, ka lawm e.

DEPUTY SPEAKER

: Resolution pahniha-ah kan lut hman dawn lo a ang viau mai a, pathum vel chuan sawina hun chu a la awm a, kan

kal zel mai dawn a ni mai dawn lawm ni. Pu Sanghmingthanga i sawm ang.

PU SANGHMINGTHANGA  
H. PAUTU

: Pu Deputy Speaker, ka sawi ve lo mai anga, kan pass mai ang chu ka ti deuh va, mahse, helai hi nichina

member hmasa in a sawi ang deuh khan ka fan chipchiar loh na lai a ni a. Hemi saiha atanga Sangau thlang chauh hi ka han kal a, khimi kawng dung bak khi chu ka hre lem lova, a map vel atanga han enchian mai loh hi chu. Tin, a pawmahna chungchang a move turin a rawn sawi te, Tawipui bialtu zahawm takin a rawn sawi te kan ngaihtuah in leh, kan ram dung leh vanga member thenkhat ten an sawi angin a tlangdung awmdan hi chhim hmar an ni a,

khami lai parallel in a kal a, a cross zaung kal hi lei dawh avang te, chhengchhiat avang te hian a awlai lo a ni tih kan hria a. Tin, a thu hrimah private member ten ziryawpni-ah hian kan duh duh ruling a ni emaw nilo emaw kan thehlut mai a ni ber a, tunhma an lo kal dan tlangpui han en in. Chumi avang chuan keini lamah pawh thehluh kan nei nek nek a, a chhuak kan hriat theuh ang-in kan han pawt a, chutah ruling an ni emaw opposition an ni emaw a chhuak hmasa sa kha sawi hmasakah an tang a ni mai a. Chuvangin, Ruling hamah an awm pawh nidela hei hi sorkar resolution a ni lova, private member a nih avangin mak tehchiam amga han tih kha chu niin ka hre lo va, member ten zalenna kan nei a, kan thehlut a ni mai a, min pawmpui leh pawmpui loh kha chu thudang ni sela.

Hemi chungchanga ka sawi duh chu Pu Deputy Speaker, kawng chungchang helama kan hma a mover-in a rawn sawi atang khan ka chhinchhiah a, km 208 Hnahthial lam atanga kan kal kha chuan a ni daih mai a rawn ti a, Saiha lam atanga Sangau leh Lawngtlai kalna-ah khanin Km 150 emaw vel tham a lo ni leh a. Kha-ti reng reng mai a khalai hmun pahnih East Pakistan kha West Pakistan ang maia ram a kara District lo tlazep lo awm si awanga khami District pakhat si pahniha then a Mara-District leh Lunglei District a kara an tlazep chung hian a rawn move kan kha a dik hle in ka hria a. A rawn move ang ngei khan a khaw chungchangah member thenkhat te khan khaw pakhatmah tlawh lo tura ti ngawt mai chu tih ang zawnga an sawi tse pawh kha a rawn move naah pawh khan a tawngkam kha a timkhur hle in ka hria a, ka ngaithla soal a nih loh chuan. A vel chungchangah kha chuan chutiang chu ni rawh se ti chuan dawhkan atang chuan kan ti ngam mai lo va. Nakinah mi thiam zawk ten an la rawn ti ang a, kawng zau zawk angin. Chutiangah chuan a khuate pawh a tlawh dan tur te an la ngaihtuah tura rawn chhawp chho in a rawn sawi niin ka hria a. Khaw tlawh miah lo tur anga kal tur khan a rawn move lo niin ka hria a. Chumi avang chuan chumi alo nih chuan khua a han tlawh kawia kawng zal zawkte kan duh a, tlem-a lo hla zawk deuh pawh nise, a hmasa ami ai khan 150 or 200 leh tih emaw ai kha chuan a hnai dawn hrim hrim a ni tih a ram theng han en hian a lang Chiang a. Marawhchu sawi anga member pakhatin a sawi ang a, Chiang taka "Lunghmun a nia a kaltlang tur", han tihte pawh kha loh theih loh a nih chuan thudang a ni mai a, lung-hmunah pawh an kaltlang mai tur a ni mai a, amaherawh chu khami lai hel deuhthe pawh kha a tih dan a awm em? tihte pawh thudang ni sela. Amaherawh chu a hnai zawk te a hnai thei ang ber ringawt mai short cut tur ang kha chuan chho deuhthe pawh a awm thei a. A grade chung-chang kha an en turah ka ngai a, Pu Deputy Speaker, chumi avang chuan khaw tlawh dan tur ang kha chu an hisap ngei ngei ang tih kha ka ring a.

Tin, chubakah a ram that dan turte pawh han enin leh khanglai a khua a mite,

rethei zawk te, keini aia la rethei ve leh chhawng zawk te ti mai ila, kan tawng huatthu suh-ah khatiang laia kut hna thawktute harsa te te ina henglaia an thar chhuakte, helai Lawngtlai hmunpuiah te, tin, helai Lunglei hmunpui lamah te, angte pawh khawng thlai tharte hralh zung zung theihna awm turah kan ngai a. Chungah te chuanin tun hmae harsa taka han tih thina kha, tin, chhip emaw motore han tih thinte pawh to taka thlen ngai tur ang kha kawngpui a that chuan an awlsam ngei ang tih ka ring a, chuvangin sumchang thlai chi ani emaw buhbal a ni emaw thildang antthar chhuah etc. ti mai ila, khawng angte sum chantir nan hei hi pawmawh tak niin ka hria. Chumi avang chuan helai hi chu, han tih ngei chu a that hi maw le, tih hian min hmin hbe-in ka hria a, an han move dan atang khan.

Tin, ani taka kawng chungchangah reng reng hianin hei kawngpui inpawh tha kan neih tam zawk poh leh kan changkang a ni mai a, dik tak chuan heng lai amite pawh hi Fungkah anni emaw, Lungtian anni emaw, Vanchengphai ani emaw Vantek a ni emaw. Helai hian zing atangin an thlai thar leh buh bal ilo hi, engpawhni se ka lam sual anih pawhin min ngaidam ulangin, chulam chu ka aw phawi dik loh chuan min hretham ula, Vartek khua atang emaw, Vartek kai atangte emaw Lungtian atangte emaw, hema ang atangte pawh hianin heng thleng atangte pawhin awlsam taka, entirnan zing dar 6 ah lokal ta sela dar 12-ah te Aizawl lo thleng ta sela chuan an rethei rei lovang tih chu ka ring tlat a. Chuvangin kawng hi chu a tul a ni ti tih kha ka pawmpui a. Chuvang chuan khatah khan heng anni-in a bik taka District Headquarters hemi a chhak lampang ho, Sangau lampang Sub-Division atea atanga zuk kal tura an District Capital Lawngtlai kal tura he lama District dang, Saiha lampang Km 150 zet zuk kal kual vak mai Lungphur thleng tlang heri rak mai te, he lampang hnahtial lama Km 200 leh tih lai mai han hel ang hi chu an khawngaih thak a ni.

Chuvang chuan hei hi chu tih makmawhah ka ngai a. Chuvang chuan kan sawi tak ang deuh khan nichinah khan kan Saitual bialtu zahawm tak pawh khannan sawi nain kan hisap danah chuan reservation han nei deuh hlek ang mai chauh niin ka hria a, remtih lohna a nei pawhin ka hre lova. Chuvang chuan engemaw hlauhthawn thu-ah kan duh angin kan lai chhuak tlang the hman mang lovang nge an ti a. Engpawh nisela a dam lam hi Pathian zarah tum phawf ila, tiangah hianin thil tha ti tur hianin thufing pawhin, Rome khawpui chu ni khat chhunga siam a nilo a ti a. Chuvang chuan thil tha kawng tha te han ti turin kum khat tu-ah tih hlawhtlin rual chu a ni dawn hauh lo tih chu kan hre tlang sa vek a ni. Chuvangin hmanmawh tho siin, ama'rawhchu a kaida taka a kal ve kha a ngai ani tih cerawh chu kan hriatchian vek tawh kha. Chuvang chuan helai hi Pu Deputy Speaker han tih ngei a hi chu a tha e ti a, mahse nichin a ka sawi ang khan ka han hnial ve deuh nalai, khua tlawh miah lo a kaltir tum kha a diklo ka ti hrim hrim a, a hlawkna kha a awm dawn lova, khawimaw laiah khan han kal kawi deuh pawh nise a

grade lo ti thatu a nihna lai te pawh a awm thei a.

Chuvang chuan hemi a Sang-  
au lampang Sub-Division bakah hian hemi Lunglei District  
lamah te pawh, heng Fungkah te, Mamte, Thleng-ang, Thing-  
fal te, heng ang lam te pawhrawn man in nge, engtingge  
a kal ang, chu erawh chu kan mithiam zawk ten an larawn  
sawi ang a. A mover in arawn sawi angkhan, chuvang chuan  
khatiang ngei khanrawn ti ta sela, a hnai tho tho tih  
kha Pu Deputy Speaker a map atang pawh a lang a. Km 70  
km 100 hi chu a tling lo hrim hrim tih kha a chiang ani.

Chuvang chuan hei chu i vei-  
lam a thu te pawh hian tha an ti tlang vek bawk a, kan  
vote thei tawh mai lawm ni tiin Pu Deputy Speaker ka han  
rawt nghal duh bawk ani e.



DY. S P E A K E R : Dar 4:00 hi kan ban huntur .  
anah tawh avangin kan House  
Leader in Wind up na han nei  
sela. Tichuan a Resolution  
neitu kha minute 5 ka pe leh ang a. House announcement  
tur engemaw zat a awm a, chuvangin kan hun in min daih  
tawh loh avangin tunah kan House Leader in rawn Wind up  
sela, minute 10 emaw vel, minute 15 thlang pawh khian kan  
han pe ang a.

PU P.B. ROSANGA : Pu Dy Speaker, Lawngtlai leh  
Sangau inkar kawng laihna  
tur thu a ni a. A Principle  
a kan sawi duh chu he kawng  
hi a pawimawh hle a ni ang. Ram aiawh a thlantlin Mi 40  
in he thu hi kan nilen pui thak mai ani a. A pawimawh hle  
a ni ang tih ngaihtuahna a awm a.

Lehlama han thlirin kan  
House in kaihhruai dan hi hetiang tur hi ani a ngem ?  
Ram rorel tura thlan ten hetiang . mai . mai a hun kan hman  
chuan ramtan thil ropui kan rel thei dawn em ni tih hi  
kan sawi duh a ni. Mover in a sawi a, Opposition lam  
atangin a sawitu hmasa in rawi thui lovin Pass mai a rawt  
a. Speaker in midang sawitur khap tur a ni lo, zalen na  
in nei a ti si a. Chutiang chuan kan han ngaithla ta zel  
a, he kawng thu ni lo thil dangah in hleihluak a. Nangmah  
ni portfolio hna thawhna lam sawi nan in hmang a. Hei chauh  
pawh a ni lo, Member thenkhat chuan zahmawh kai dawn  
dawn Nuthlawi kawi, Vawk dal kawi te kan sawi a. Lawngtlai  
leh Saiha kawng nen in laichinna a neilo. Hetiang mai mai  
hian treasury Banch atangin chawhma thelh hun min hman  
guia, keinin pass pui mai che u kan duh reng lain khatiang  
kha in dih dan anih avangin kan tive ta a ni. Min kai-  
hruai dan kha a mawi lo lutuka, ruling zawk in a min  
zirtir dan a dik lo ani.

A Resolution neitu zawk  
Ruling in in thil kalpui dan hi a mawi lo lutuk a, kan  
tihve loh theih loh na kawngah min hruai lut ani. Hei hi  
tun hauah ti tawh lo ila, Pu Dy Speaker ka duh a, A point  
2-na ah chuan he kawng hi passed kher tha ka tih lohna  
chhan a awm. A dik tak in kan Minister incharge kha a  
phurpui viau a, mahse ngaihtuah chiang ila chawhma lam  
ah Question hour ah pawh kan House Leader ngei in football  
leina tur pawisa pawh pek belh tur aeih loh lai a, Vaibel-  
chhe tel man tak tak tur project thar han siam hi kan  
Sorkar hian a tlin em em, he House-a tu te emaw Gallery  
ami te emaw kan constituency mipui te emaw mitmei ven thu  
nla vang mai mai a thu pui tling lo tur si hetiang a, kan  
han thutak bawl chiam hi a zahthlak in ka hria a, kum kha  
chen lo kal pui tawh a, harsatna tinreng lo awm a.

Tin, a dik tak in PWD Minister ngei pawh khan in tun a kan budget kal tawh te sum hman dan sawi hlek ila, Entarnan, kan budget ah khan Thingtlang lam min ngaihsak loh zia chu kan Supply Minister zahawm tak leh ka bial Contituency pumpui a PWD sum hman tur kawng laih na atan nuaih 45 an dah ani. Tun Budget ah hian enge ni kan hre thei tawh lova work scheduled pawh a awm tawh si lova, chuan khatih rual rual khan Aizawl S-1 Constituency chung ringawt ah nuaih 280 hmanna tur a dah a ni. Ratu bialte, Ngopa bialte pawh a thleng pha ve lo anih kha, chumi avangin thil tih puitlin tak tak silo, ngaihtuahna siam silo tute emaw dal zawng a hetiang a House kan kalpui hi a zahtlak a i pass hovang u tih hi ka rawt duh ani.

PU LALHMINGTHANGA

: Pu Dy Speaker, Resolution hi private resolution ani a. Parliamentary Practice tlang- puiah chuan a Minister Concern te hian an sawi lem lo a ni. PWD changtu khanin kan ti ang ati tawh a, khami a awm tawh chuan a hrana pass leh khe re-done mai ani a. Chuvangin, a mover pawh hi a hlawhtling hle mai a, kan pass nawn leh pawh a ngai tawh lo. Parliament practiced khawvel pumpui a hman a ni.

Tin, private resolution ah hian Minister te hian a tlangpui thuin sawi an chuh ngai lova mahse Speaker lamah te clarification awm tur anga an ngai anih chuan koh an ni thin a, Amaherawhchu, tunah kha chuan kan Minister tam takin an rawn sewia kha khan an support vek a House Leader a wind up pawh a ngai tawh lova, Cabinet ah pawh majority opinion an nei reng a, chuvangin heng hi hun khawh ral chhohna thil ani ve a. Khalai akha Convention ania thil zahawm tak ani a. Tin Minister chin reng reng hi chu an mawhphurhna asangin zahawm takin.

Tin, hemi assurance tihah pawh hianin Parliamentary Practice Dictionary te kan zuh en chuanin it will be look into han tih ringawt a pawh hi assurance a categorise vek an ni. Chuan kan ti ang tih anih tawh phei kha chuanin Minister pakhat chauh pawh a ni tawh lova pass leh zel pawh ngai tawhlo khan kha kha chu atlang ani sa tawh mai a. Chuvangchuan in heti zawng hian kal ila a tha a lawm. Zirtirtu ni awzawng lo amah rawh chu Pu Dy Speaker Senior pawh kan senior tawh alawm 1978 atang khan he House ah hian ka thu ngun ve viau tawh a ni.

DY S P E A K E R

: Parliamentary Practice ani lova, resolution anih reng reng chuanin House in a remtih leh rem tih loh kha

a pawimawh lai ber a ni.

PU LALHMINGTHANGA : Parliament ah pawh khuan an session khu pawl tam tak ka witness ve tawh a ni  
Pu Dy Speaker chuang chuan House programme te kalphung pangngai te hi a awm a  
Pu Dy Speaker, Hetiang ang a Dictator ang hria a thil kalhmang mahni a siam chawp tum ringawt zel a hi a diklo kan theih ang tawh in he House zahawmna tur te hi hum tumin kan tive ania Pu Dy Speaker. Tuna, kan Minister zahawm takin a min charge na hotu nihna zawngin ka sawi reng reng lo. Amawhchu Pathian leh mipui te khawngaihna a zarah he House ah hian a thu tam pawl ka ni ve tawh a ni, tuna Member awm zingah chuan Parliament ah khuan an session hi chhina tam pawl ka ni ve a. Practice a awm a lawm, convention a awm a lawm.

PU R. TLANGHMINGTHANGA : Kan Opposition Leader te hi zirtirtu emaw an in ti tlat zel hi a buaithlak khawp mai.  
MINISTER  
Pu Dy Speaker Opposition Leader sawi hnua sawi ve thiango anga min zirtir an tum hi kan awih palh ang tih ka hlau a ni. Ngaihtuan chiang se a tha in ka hria.

PU LALHMINGTHANGA : Mi tih ang lo tih kha a tha lova, a mawi lo, a zahawmna ni pu Deputy Speaker kan keng tur a ni a. Chuvaung chuanin Resolution neitu tan phei kha chuanin behchhan neiin, tlawhchhan neiin a nih kha ka rawn sawi. Nuihzat titihin a Minister-incharge ngei pawh khaanin thil dang o daih rawn sawiin hei chu kan lai tur a lawm a ti a.  
( Pu R. Tlanghmingthanga, Minister Ruling ah hian kum khat leh a chanve kan thu tawh a, tunah a kum haihna, khalamah kha chuanin thut tam avanga hriaa ingaih chi ngawt pawh a ni lova, zirtir ngai pawh kan ni bik lo. A seniority-ah chuan wawi engzatnge Opposition-ah hian kan lo thu tam khawp mai. Chuvangin khalaiah kha chuan naupang zirtir ngai anga mahni ... Senior member te incharge kha a thalo.)

SPEAKER : Ngawi tawh u, ka duh duh ka hmang anga, member-ten in sawi tur a ni lo. Kan House Leader-in sawi tur a nei chuan kan ko anga. Chumi zawh ah chuan a Resolution neitu minute 5 kan pe anga. Tichuan hemi Resolution hi kan duh leh kan duh loh kan titlu dawn a nia. Tunah i lo ko ang u.

PU ZORAMTHANGA

: Pu Dy Speaker, ka lawm e. Kai pawh rei lotein ka sawi anga, hun pel lova kal dan ngaihtuah ila a tha anga. Hei kan sangau bialtu zahawm takina an bial lam mipuite inkal pawhna atan a kawng tha a duhna Resolution a rawn pulut hi a lawmawm hlein ka hria a, A tulna te, hemi Autonomous District Council Area chungga awm, chutah Autonomous District Council khatg awm si inkalpawhna a Constituency quarter veve te leh a Constituency pumpui ve ve pawh direct-a inkalpawhna awm mumal lova awm, chumi han inkalpawhna atana kawng tawi zawk a nihna turte, tui, lehlamah chuan economic-ah pawh hlawkna nasa tak a nih tur thute pawh a rawn sawi a. Tin, kan Member zahawm tak ten thil kawng tam tak an sawia, chung chu tunah hian han repeat ngai vak awm in ka hre lova. Hemi thuah hian a that zia chu kan sawitlang theuh a, kan member zahawm tak ten k.m 70 lai mai a ni si a, tin, chu ai pawh chuan a tam thei a. Chuta tan chuan sum te pawh a huphurh awm si a, hemi karah chuan pass mahila eng a ang tak tak chuang lo a nge an tih pawh kha ngaihtuahna a awm tak tur pawh a niin ka hria a.

Kawng k.m 1 siam man pawh a to zia kan hretlang a, hei vang hian a huphurh awm a. Tun sum dinhmunah phei chuan a bik takin non-plan sector ah phei chuan harsatna tam tak kan nei a, plan sector lamah chuan a ziaawm a. Hei hi chu kan hmuh chhuah thiam dan a zirin Central pawh an in hawng a. Tunah hian keimahni State sum kan normal annual plan atang hi chuan han lai tlang tura kan ngaihtuanna a awm anih chuan a huphurh awm em em mai a. Kan hretlang vek mai a, a maintainance pawh huphurh awm tham a ni. Amaherawhchu tunah hian ka rilru a awm mai mai chu Rural road-ah hian India ram pumpui policy-ah Mizoram bik ni lovah keimahniin kan zuk commit emaw commit lo emaw lam ni lovin India sawrkar pumpuiin a Commitment a neihah chuan thingtlang khaw pawimawh chin a hi chu Rural road black-top truck kal theihna pangngain chung vek tur a ni. Chutiang chuan project rawn siam rawh uan ti a. Chuta tan pawh chuan Vaibelchhe sang tel, a sing telin kum 7 programme in an chawk chho a. Chumiah chuan anmahni pawhin an pawih hmuh, Oil man pung atanga kal chho ah hian India ram pumpui hi hma la thei tura ingain hemi hi kan tih na chhan pakhat pawh a ni e, an ti a.

Tin, Guide line te pawh min rawn pe a. Chutah chuan tuna an han siam chinah chuan a kawng Project pawh Crore 1 man hnuai lam chu rawn siam loh ni hial sela a tha ang a, ke pawh an sawn ti a. Mahse, chu chu a kawng duh aiin a tam lutuk mah lo maw, khaw kar kawng tawi deuh te pawh a awm thei e, tiin ngaihdan te pawh a awm hial a, a Project hlawm kha. Chutiang chuan keimahnin heta kan tih leh tih loh lam ni lovin India Sawrkarin Project a siam lai mek a ni a, hetah pawh hian a thun tel te pawh kan theih tawkin kan lo tum ang a, kum 7 Programme a nih avangin. Chu chu tunah pawh hian kuminah Vaiblechhe 20 chu min rawn pe a. Tichuan a hman hi kan inhman zo hman ang em, tih chu ngaihtuah tham tak niin ka hria a. Nakum awi pawh kan utilisation kan zuk show dan azirin lo kal leh zel tur a ni.

Mizoram chauh ni lovin, India ram pumpui a ni a. Khami ah te pawh khan kan theihtawpin keini pawhin dah tel tumin khata an dah anih chuan anni pawhin Crore 1 aia hniam chu project rawn siam suh ang che u, hlawm khatah chuan an Guideline hnuhnung berah chuan a ni nghe nghe a. Chuvangin keimahni State Annual Plan Budget pangngai chuan ka sawi angin thil harsa tak a nihna lai pawh awm mahse All India a policy pui tuna kal mek a nih avang hian keini pawhin theihtawpin District khat inkal pawhna mimal lo a nih avangin, lo en ila theihtawpin tan lo lak tumin tih theih ngei tumin, sorkar laipui te pawh scheme siamin hetah hian kan lo dah thla anga, anni pawhin rawn ti thla zel rawh u an ti bawk a. chutah chuan theih tawp kan lo chhuah ang a. Chu thilah te chuan he House in pawimawh zia kan sawi lanna hun atan hemi kan Sangau bialtu member zahawm takin he resolution a rawn put luh hi lungrual takin pass tlang ila a tha in ka hria. Chu chu ka han sawi a ni a.

Tin, Pu Dy Speaker, kan resolution te a that leh zual nan he House ah chuan 'third person' a sawi hram hram tur a ni kan Guide line in a tih ang khan ti hram hram ila tha in ka hria. Ka lawm e.

DY S P E A K E R : Tunah chuan kan resolution neitu in a resolution kha withdraw emaw pass emaw rawn dil sela.

PJ H. RAMMAWI : Pu Dy Speaker, ka lawm e, he ka resolution hi resolution tam tak zingah thum vawr anih khan a pakhatna ah a lo lang nawlh mai a. Vawiin ni ah hian resolution 10 zingah hian pakhatna ah kan Bulletin-part-II ah pawh hian alo lang a ni a. Ti chubakah vawiin ni ah nilengin kar sawiho a ni a. Member tam zawkin min thlawp vek a, tha min tihpui veka, chung thil pahnih ka ngaihtuah chuan lawmawm ka ti tak tak a, marawhchu Saitual bialtu khanin a object deuh emni chuan aw ka ti a, a tawpna ah kha chuan a object chiah lo khan ka hre bawk a, object deuh ber anga lang kha Ngopa bialtu kha ania, marawhchu a sawi atang khan object tak tak lam ni lovin a puitlin loh hlahuh vang lam hawi a ni leh nghal a, Chuvangin member 40 awmna he House-a he ka resolution a, a pawimawhna chhan chu a move-na ah khan ka sawi tawh a, sawi tam ngain ka hre tawh loya, vawinniah hian he House hian nilengin min sawi puia, a pawimawhzia kan sawitlanga amaherawhchu member kan nihna angin kan ngaihpawimawh dang kan han hailuh zawk zawk Bairabi va thlen zawk zawk khawchhak tlangdung han thlen zawk zawk kha chu example-ah kan la ah te pawh ngai ila.

chuvang chuan Pu Dy Speaker he ka resolution hi he House. ~~zawhawn~~ ~~pak hien min pass sak~~ turin ka ngen a, ka ngenna chhan chu Pu Dy Speaker, 1983-ah Khan 1984 budget pharhna work schedule ah Khan thun niin ka hria, a, ka hriat sual loh chuan. Tuna kan Opposition Leader PWD Minister a nih lai kha, Amaherawhchu, House-a pass a nih loh avang Khan 1984-ah sorkar a inthlak chhova Official pakhatin min hrilh dan chuan Chakhang kawngah an divert daih a, pawisa kha an ti a. Chuta tang chuan a 'zuzi nghal a, chutiang thil a awm tawh avang chuan he House ina kan pass ngei hi ka duh avangin Resolution-ah ka rawn siam a ni a. He House ina min pass sak turin ka ngen a ni, Ka lawm e.

DY S P E A K E R : Awle, Pu H. Rammawi private member Resolution 'Lai District Area inkal pawhna turin Lawng-tlai leh Sangau inkaf kawng P.W.D in lai rawhse'tih hi pass remti apiangin 'remti' kan ti anga, rem tilo apiangin 'rem ti lo' kan ti anga. A pass remti apiangin 'rem ti' ti rawh u le. A fem tilo in 'rem ti lo' ti rawh u le. ( member te : Rem ti ). Awle kan zavain lungrual takin he Resolution hi kan passed ta a ni.

(PU H. RAMMAWI : Pu Deputy Speaker ka lawm e).  
Hei kan . . . .

DY S P E A K E R : Announcement tlem kan nei a, chu chu kan tarlang nghal ang a. Fourth Mizoram Legislative Assembly-a session vawi 8-na chu Ni 16.1.2001 ah tan in Govenor in kumthar Session hmasaber anih avangin hawhna nei in ni 19.1.2001-ah zawh a lo nita ani. Hemi ni li lek chung hian member ten kan hnathawh te hetiang hian a tlangpui in han sawi ta ile, a hmasa ber in zawhna chung chang ah chuan starred Question hmuh zat 134 ani a, reject-2, a awm a, tichuan admit hi 132 ani, zawhna intawm sawm leh pasarih a awm a, Un-starred Question-a leh zat hi 54-ani a, list of Business a dah zat hi 60 ani. House ~~chhanga~~ chhan nghal zat hi Question 14 ani a, zawh leh chhan hman loh zat hi 46 a awm ani Unstarred question-ah hian in kan hauh zawng zawng 19 ania, admit pawh 19. Starred Question atanga Unstarred Question a leh zat kha 54 ani a, tichuan Unstarred Question zawng zawng hi 73 ani chhanna thleng lo 3 a awm ani. Hei hi a Minister concern ten ngaihtuah zui sela. Government Bill 2 kan nei a, chungte chu Pu Lalrinchhana Minister, Revenue Department atangin-The Mizoram Finance & Government settlement Bill, 2000 chu session hmasa zawk in select Committee a a hlan kha tunah hian a bill report hmasa ber chu House in ngaihtuah in a pawmpui ta a.

A hmingah pawh 'The Mizoram Land Holding & Land settlement Bill 2000' tih a thlak ani ta ani. Pahnihna ah Pu Aichhinga Minister 'The Mizoram ancient monument and Archaeological sites and Remains Bill 2001' chu House in ngaihtuahin a pawmpui bawk ani. Rules leh report House Table a dah Er. K Thangzuala Minister in Mizoram Khadi & Village Industries Board atanga Audit report leh annual account 1998-1999 te leh Pu Lalchamliana Minister in 'The Mizoram Sales Tax (amendment) Rules 2001' te leh Pu H. Vanlalauva Minister in 'The Mizoram (Prevention and control of fire in the Mizoram Village ram) Rules 2001' leh Pu C. Sangzuala, Chairman Committee on Public Under Taking in Report 8 na atanga statement a dah te an ni a, Tin Report pawimawh house hriat tura pharh a awm a, chungte chu Chairman BAC anih angin BAC Report a pharh a, a 2na, ah chuan Pu Lalrinchhana'n a Department Bill 'The Mizoram Tenancy & Government Land Settlement Bill 2000' chungchang a Select Committee hmasa ber a rawn pharh bawk a ni, 3 na ah chuan Pu H. Rammawi Chairman in PAC Report 5 na leh 6na te a rawn pharh a, .A pali-na ah chuan Pu Lalthankunga, Chairman, Estimates Committee-in Estimate Committee Report I na Transport Department chungchang thu ah a rawn pharh bawk ani.

Governor Address Motion of Thanks sawi hona hun neih a ni a. Pu C. Sangzuala'n a rawn move a. Pu H. Rammawi in a second a. Tin, kan Governor thusawi sawi hona ah, member 31 in hun kan hmang a. A tawp na ah kan House Leader kan Chief Minister zahawm takin hnu kharin pawmpui turin sawna a rawn siama. . . . Pu C. Sangzuala mover in a rawn ngenna angin House in lawm takin a pawmpui ta a ni. Governor thusawi chungchanga Jawmthu sawina motion sawi lai khan Minister of State for Transport zahawm tak Pu K. Sangthuama chuan Governor thusawi para 22-na a Mizawi-Buarpu (NG) tih chu tihsual palh liau liau anih thu a rawn sawi lang a. Hemi chungchang ah hian Governor thusawi ah hian . . . error lo awm palh pawh ni se kan lo correct mai thiang lo a, kan Minister bawhzui in kan sorkar chuan Governor phalna a lak bheih thu Chief Minister hnen atangin kan lo hria a. Chutiang tak chuan Governor thusawi a tihsual palh lo awm chu Saih-bualpu (NG) tia thlak a ni ta e, tih House kan hriattir a ni.

Tin, tun tum Session ah hian Private member Resolution 44 a lo lut a, 14 chu reject a ni a. 30 admit a ni a. Mi hrang hrang Resolution chu House ah sawiho tura chhawp chhuah a ni a. Hetah hian resolution in ang a thu pawh in ang kha a awm thluah a ni. Member 22 ten hun hmangin Resolution No. 1 . . . . Pu H. Rammawi resolution chu Lungual takin kan pass ta ani.

Tun tum Session ah hian  
Starred Question thawnchhuah Department atanga kim  
taka dawn a ni a, a lawmawm hle mai. Unstarred 3 chauh  
lo chu chhanna kan hmu kim a ni. Minister leh Depart-  
ment thawhho thatna avanga Assembly zawhna chhan kima  
a awm chungchangah lawmthu Speaker angin ka sawi a.  
Ngaihnan in an lohna avanga inhnialna te awm mahse  
Member te thahnemngaihna avang ah kan ngai tur a ni.

Tichuan Session chu tluang  
takin duan lawk angin kan lo zo thei ta a, Member ten  
tan in lak vang a ni, inzavaia chungah lawmthu ka sawi  
duh a ni.

Tun Session chu adjourned a  
ni ta. 4 : 10 P.M.. Sine die.

T. SAIKUNGA  
Secretary.

..//..